

84(2Рос=Рус)6-5  
Р.к. Е 32



СЕРГЕЙ  
ЕСЕНИН



Сергей

ЕСЕНИН

КОНТРОЛЬНЫЙ  
ЭКЗЕМПЛЯР

Коми книжной  
издательство  
1995



С. Есенин

# СЕРГЕЙ ЕСЕНИН

*РУСЬ ТЭ МЕНАМ, СЬӖЛӖМШӖРӖЙ...*

БӖрйӖм кывбурьяс да поэмаяс



Сыктывкар  
Коми книжнӖй издательство  
1995

НАЦИОНАЛЬНАЯ ДЕТСКАЯ  
БИБЛИОТЕКА РЕСПУБЛИКИ КОМИ  
И. И. МАРИШАКА

170001 г. Сыктывкар, Советская, 20

84. 2 Рос 6  
Е 82

Книгасö лöсьöдiс А. Е. ВАHEEB

ISBN 5-7555-0551-9

© Есенин С. А., 1995  
© Гаранин А. М., художник, 1995  
© Коми книжной издательство, 1995

## РОЧ КОЛИПКАЙ

*Вөзъясны кө ен вевт сайысь:*

*«Эновт Русьтө, райын ов...»*

*Вочавидза: «Ас му ваййö,*

*Немся рай меным оз ков!»*

Кыддза расъяс кодъ кудриа юрсиа, тувсов енэж кодъ лөз синъяса, мича роч чужöма Сергей Есенинöс некыдз он вермы сувтöдны син водзад олöма мортöн. Сийö нэм кежлö колис томöн, нэм кежлö колис ловъяөн аслас мелі лирикаөн... И век жö сылөн чужан лунсяньыс лэбисны öта-мөд бöрсяыс сё во.

Оз кольы ни öти лун, медым Россияса войтыр вунöдлісны Есенинöс, Роч му вылын абу öти керка, кытчö эз пырав Есенин, öдвакö сурас көть нин ичöтика велöдчöм-сяммöдчöм морт, коді эз тöд сылысь югыд нимсö да сьölöмъяс шонтысь сылысь лирикасö. Мыйла тадзи артмö?

Öтикъяс шулісны, мый Есенин — «чöскыд көра талант», мөдъяс нимкодясисны, мый сийö «кыкнан китырөн шыблаліс сьölöмысь озырлунъяс», коймөдъяс тöдчöдлісны, мый «сыкөд öткодявны дзик нинöм и дзик некодöс...» И став тайö донъялөмъясыс стöчöсь. Есенинöс зэв ёна ошкана кывкөртöд шуліс и Максим Горький: «Кутшöм сөстөм-сөдз да кутшöм роч поэт. Менам чайтсьö, мый сылөн кывбурьясыс зэв уна йöзöс пальöдасны да вайöдасны ас садяс...»

Есенин лирикалөн кодзулыс öзйис да лышкыда уськөдіс ассьыс югöргьяссö и коми поэзия вылө 20 — 30-öд воясö нин. Сийö вöлі тöдсаөн став коми поэтыяслы, а Илля Вась да Ананий Размыслов сэк нин вуджөдісны чужан кыв вылө Сергей Есенинлысь кывбурьяс. Есенин лирикалөн көрыс, интонацияыс да эмоциональной пытшкөсыс зэв бура тöдчö Ананий Размысловлөн «Медводдза любовь» поэмаын. Война водзвывса коми литературной

критикаын нин օткымынгыас җна ошкисны, а мօдгыас чорыдакодъ «нօшкалисны» тайօ лирической гижօдсօ. Тайօс тօдօмօн поэмасօ гижигօн нин А. Размыслов вօчис пасйօд: «Поэзия — мортлысь дзуг чувствояс петкօдлысь — босьтօ олօмын ассыыс места. Оз ков повны жугыльтчօмысь... СССР-са уджалысь мортлօн эм право и гажтօмтчыштны». И дзик немвиччысьтօмօн да содтօд на помкатօмօн да мывкыдтօмօн лois А. Размысловօс «нօйтօмыс» война бօрын, кор поэтыс эз нин вօв ловья, сетис ассыыс том олօмсօ Чужан му мездигօн. И бара том коми поэтօс видисны сыысь, мый сйօ пыртис коми лирикаօ Есенин кодъ гажтօм мотивьяс да жугыль мօвгыас.

Збылысь, жугыль мօвгыас да арся рօмгыас вօлины С. Есенинлօн лирикаын, и найօ тшօтш вуджисны коми поэтлօн кывбурьясօ да поэмаясօ. Но «Медводдза любовь» поэмаын нин А. Размыслов тօдчօдлис, мый сылօн «гажтօмтчօмыс абу курыд». Но и содтօд на оз ков некор вунօдны, мый паськыда нималысь роч поэт велօдис коми кывбур тэчысьсօс лоны мелі лов шыа, пօсь сьօлօма лирикօн. Зэв җна лօсялисны А. Размысловлы и мича метафораясօн суктօм поэтической образьяс, кодьяс Есенинсянь Ананий Размыслов օтсօгօн пырисны коми лирикаօ. Ог нин шуօй, мый С. Есенинлօн да А. Размысловлօн вօлины օтувья тематической гօрօдьяс:

Мый шуны тэд, ичօтик нывка?  
Тэ мича и вывті на том,  
И сօстօм на нэриник мывкыд,  
Тօд,  
Менам нин сьօлօмօй — шом.

Дерт жօ, А. Размысловлօн тайօ мотивыс казйтօ Есенинлысь кывьяс: «Кто сгорел, того не подождешь». Есенинлысь лирикасօ радейтօмыс чуйдօдис том коми поэтօс вуджօдны чужан кыв вьлօ роч поэтлысь кывбурьяс.

С. Есенинлысь кывбурьясօ комиօдօм торья нин օддзис Великой Отечественной война бօрын. Сылօн лирикаыс сьօлօм вօрзьօдис да шонгис уна коми поэтьяслысь. Бօрынджык тайօ сьօкыд, но нимкодъ чужтан вуджօдчан уджас кутчысисны

Геннадий Юшков, Альберт Ванеев, Владимир Тимин, Владимир Попов, Владилен Крюков...

Бөръя морт йывсыыс меным окота шуны некымын содтөд кыв. Ме ог төд мөд сэтшөм кывбур гижысьёс, коді эськө Владилен Крюков моз топыда вөлі йитчөма есенинскөй лирикакод. Сылөн став кывбурьясыс сідз либө тадз вөлі йиджтысьёмаось есенинскөй мотивьясөн да чувствоясөн. Владилен Крюков вуджөдіс коми кыв вылө Сергей Есениналысь вель уна кывбур, көть эськө сійё эз мөвпавлы найёс йёзөдөм йылысь да комиөдліс тайё кывбурьяссө, кызди шуласны, ылөсас: он век гөгөрво, Есениныс али Крюковыс наын унджык...

И буретш тайё мортис миян велөдчан кадө уджаліс Косланса шөр школаын коми кыв да литература велөдысьөн и өттшөтш веськөдіс «Удораса пионерьяс» литературно-творческөй кружокөн. Кадысь кадө Владилен Васильевич эрдөдіс да лыддьывліс миянлы Есенин серти тэчөм кывбурьяссө. А өд Есениныд сэки эз вөв властьясөн пыдди пуктана да ошкана поэтыяс лыдын. Уна вояс мысти ми гөгөрвоим, кутшөм ыджыд колантор миян творческөя быдмөмын-сөвмөмын Есенин отсөгөн вөчис Владилен Васильевич...

Том дырйи на менө чуймөдіс-шемөсмөдіс С. Есенинлөн кывбур «Мамлы письмо». Тайё кывбурас став кывьяссө быттьөкө шуөма не гора, рам гөлөсөн, но сэні өттшөтш дзулькйөн пуө чужанін дорө муслун да пöрысь мамөс пöся радейтөм. Тайё кывбурсө лыддьөм бöрын и сьөлөмыд небзьö и морөс тырөн лолышган сөстөм сынөд. Тайё кывбурыс мем мусмис сэк, кор ме вөлі томөн да визулөн, но и талун, уна дас во олөм бöрын, абу некутшөм помка кедзөвтны тайё чуймөдана мелі кывбурсө. Дерт жö, «Мамлы письмо» кывбур ме важөн нин вуджөді коми кыв вылө.

Советскöй кадся роч поэзияын эз вөв мөд сэтшөм поэт, кодөс эськө донъявлісны Сергей Есенин моз лышкыда ошкөмөн и өттшөтш сэтшөм ёна пинявлісны. Но талун тыр гөлөсөн позьö шуны, мый С. Есенин — поэт збыльысь народнöй, став пыгшкөснас, став мөвгыяснас да сьөлөм кылөмнас роч морт, коді тэчис чужан му дорө пöсь мелілунөн йиджтысьөм кывбурьяс Россияын олөм чеган кадө.

Талун ме лелькуйта мөвп, мый Сергей Есенинлысь поэзиясö арлыда йöзкөд тшөтш кутасны төдны и коми том лыддысьсысьяс, öд Есенин вöли и нэм кежлö колис томөн.

Талун кежлö, Сергей Есенинлөн чужан лунсянь 100 во тыригкежлö, уна вояс чөжөн сылысь кывбурьяссö да поэмаяссö коми кыв вылö вуджөдісны: Илля Вась, Ананий Размыслов, Иван Вавилин, Геннадий Юшков, Николай Щукин, Владимир Попов, Альберт Ванеев, Владимир Тимин, Василий Лодыгин, Виктор Напалков, Владилен Крюков, Анатолий Афанасьев, Олег Уляшев... Наён комиöдöм есенинскöй гижөдьяссö öти вевт улö чукөртöма тайö небöгас.

Ассым дженъыдик водзкывйöс кöсья помавны С. Есенинлы сиöm кывбурён:

Сöдз поэзия садьмөдліс менö,  
Сэсся кокньöдліс гудрасян нэм.  
И Россия да сьлөн Есенин  
Кыддза рас кодь жö югыдöсь мем.

Сылысь кывбурьяс нöйтлісны орсөн:  
Быдмысь йöзöс пö тшыкөдас дзик,  
Сöмын чуктөдліс мый сьөлөм дорсьыс  
Лелькуйтлісны и карьяс, и сикт.



**КЫВБУРЪЯС**

Оз төд кывбурыс шойччөм ни узьом,  
Зильö сьөлөмгъяс бурдөдны тась,  
Сийö восьлалө Роч муыс кузя,  
И быд керкаö пыравны дась.

Кутас войтырöс шаньмөдны водзö,  
Көдзыд кедзовтөм некөн оз ло.  
Тшөтш Есенинлөн куслытөм кодзув  
Коми енэжын югъялө со.

Сөдз поэзия садьмөдліс менö,  
Сэсся кокньөдліс гудрасян нэм.  
И Россия да сьлөн Есенин  
Кыддза рас кодь жö югыдөсь мем.

**Альберт Ванеев**



\* \* \*

Пуксис рыг. И лысва  
Уси петшөр корйö.  
Туй бокын ме öтнам,  
Нёровтчи бадь дорö.

Югөр койö тöлысь  
Миян керка выlö.  
Колишкайльсь гөлöс  
Кыськö ылысь кыла.

Лöсьыд зэв и шоньд,  
Быгтьö тöлыс родіс.  
Сулалöны кыззяс  
Ыджыд сисьяс кодзьöсь.

Ю сайын со сэнi,  
Вөр ді дорысь аддза  
Унзиль стөрöж бедьнас  
Кленöдчышгö надзён.

1910 во.

Вуджöдіс Н. Щукин

\* \* \*

Төв сьылө — гора чуксасьө,  
Лым пася вöрас пуксьöма  
Сё шыа гулыд гор.  
И шога öвтчиг пуяслы,  
Ээв ылі тöдтөм муясö  
Со кымөр кывтö дзор.

А турöб гартчö-восьлалö,  
Шöвк джодж дöраөн вольсалö  
И яг, и кильчö дор.  
Веж кöдзыдыс нач дурмöма,  
Руд пышкай весиг турдöма  
И люньгöдöма борд.

Скөр турöбысь оз пышйыны,  
А вугралöны пышкайяс  
Кын öшинь бердас тан.  
И вöталöны тулыслысь -  
Яр шондi рöма кадыслысь  
Шань мича чужöмбан.

1910 во

Вуджöдiс **Виктор Напалков**

## КЫДЗ ПУ

Өшинь улын кыз пу  
Сулалө зэв лөнь,  
Вевтгысьома лымйөн  
Эзысьон моз скөнъ.

Паськыд увьяс вылас  
Уна эзысь тут  
Баситөма пулысь  
Дзик быдлаті тшук.

Ойбыртөма кыз пу.  
Сылөн паськөм дзирд:  
Зарни биён ломзё  
Вылас быд лым чир.

Асья кыа содтө  
Сылысь дзырыддун:  
Кисьтө вылас зарни,  
Торкө сылысь ун.

1910 во

Вуджөдіс **Илля Вась**

\* \* \*

Рыгтя кадö ты весьтын алöй кыа вöнь.  
Бöрдысь дозмöр яг вывсянь торкö рыгтя лöнь.

Бöрдö кöнкö ягвыв кай, горсийö дзевсьö бöр.  
Талун югьд лов вылам — нинöмысь ог бöрд.

Тöда, луннас локтан тэ, туй көн вöчö кыгш,  
Сэки зорöд улö ми тэкöд пуксям мыгш.

Окала да чабрала тэнö дзоридз моз:  
Коддзöмаös-нимкодьös дивитны оз позь.

Мелiалiг-окалiг восьтан чужöм мич,  
Асьлөдзыс бадь пөвстö тэнö нуа сiдз.

И мед бöрдысь дозмöрыс торкö асья лöнь.  
Нормöдлö и гажöдлö алöй кыа вöнь.

1910 во

Вуджöдiс **Владилен Крюков**

\* \* \*

Ытва. Лөнһө төлыс.  
Ваыс оз нин сод.  
Шыбитөма төлысь  
Кольквиж дом повод.

Ыджыд пыжөн кывта,  
Сувтла тан и сэн.  
Туом ваыс вывті  
Лөсьыд кывтны мен.

Турун зорөд ылын,  
Вичко ыджда дзик.  
Көнкө дозмөр кылө,  
Ланһө войланһ сикт.

Чөскыд унмөн узыө  
Раммөм кыз пу рас.  
Тэ ради ме гусьөн  
Чөвта пернапас.

1910 во

Вуджөдіс **Владимир Тимин**

\* \* \*

Льом пуысь гылалö дзоридз,  
Гылалö небыд лым моз.  
Ракаяс кравзöны сёрöдз,  
Вöчöны пу йылö поз.

Шыльквидзö нюдзвиж шöвк турун,  
Кылыштö пожöм сир дук.  
Тулысыс кольмөдö юрöс,  
Кольмөдö вөр-ва и луг.

Локтöны юөръяс ылысь,  
Пырöны сёлөмөдз мем.  
Мөвпала муса ныв йылысь:  
Сы кындзи мем оз ков нем.

Сьылöй жö, пöткаяс, вöрын!  
Киссы жö, льом пуысь чвет!  
Нуа ме дзоридзсö сьöрысь...  
Разалас му пасьта мед.

1910 во

Вуджöдiс **Илля Вась**

\* \* \*

Войыс пемыд, мем оз узьсы,  
Көть и шоныд, көть и лөнь,  
Ветла юлань, кыгчө усьö  
Востым югөр — зарни вöнь.

Сэни кыз пу вывтасінын  
Быгтьö вичко шöрын сись.  
Сэни йиджас сьöлөм дінöдз  
Дзор гусярлөн войся висьт.

Ворс вай, аслым вöля сета,  
Йöкта, мыйга тырмас вын.  
Гусли шы улö кө пета,  
Меысь, аньöй, тэ он мын.

Йöктам пöттöдз да и дугдам,  
Сэся корсям пемыд рас.  
Вошлам, кыгчöдз дзик оз югды  
Асьядорыс енэжтас.

1911 во

Вуджöдіс Владимир Тимин

397042

НАЦИОНАЛЬНАЯ ДЕТСКАЯ  
БИБЛИОТЕКА РЕСПУБЛИКИ КОМИ  
ИМ. С. Я. МАРШАКА  
167281, г. Сыктывкар, Советская, 2

\* \* \*

Вөлі мича зэв Танюша, некод сы кодь эз вөв тан.  
Еджыд вывтгыс гөрд серөн вышивайтөм сарапан.

Муяс дорын, йөръяс сайын Тания рыг коллявліс сэн.  
Ру пыр мыгчысьльывлысь төлысь нуис кымөръяскөд вен.

Локтіс зонмыс. Копыртчыліс. Юрси кудриа да съөд.  
«Прөстит менө, менам радлун, мөдкөд өтлаасы өд».

Кельдіс-едждіс быгтгө саван, көдзалис, кызд лысва войт  
Кыз көсаыс гаровтчөма сьылі гөгөр дзик змей кодь.

«Ой тэ, зонмөй, лөз-лөз синмөй, ме тшөтш дзэбны ог жө мөд.  
Локті висьтавны ме тэныд: верөс сайө босьтө мөд».

Кылө асывсянь нин гора, кылө венчайтчана звөн -  
Гажа көлысь, шуда көлысь лөз сингыса зонмыслөн.

Оз, оз көкъяс шога көкны - Тания рөдвуж бөрдө сэн,  
Көсичаас кулан дойсө швачкис ярскөба кистень.

Алөй венеч моз сөдз вирыс вевттис нывлысь чужөмбан.  
Вөлі мича зэв Танюша, некод сы кодь эз вөв тан.

1911 во

Вуджөдіс **Владилен Крюков**

## ДОРЧЧЫСЬ

Кузнечаын жар да тшына,  
Ноко, сюйлы татчө ныр —  
Пытшкас сэтшөм сьөкыд сынөд,  
Юрыд кольмас пырысь-пыр.

Пачын синтө ёрө өгыр.  
Дорччысь быгтьө оз и мудз  
Сөмын би кинь сявкиё гөгөр, —  
Ньылөм кисьтан сьөкыд удж.

Көртсө кусньөдлө, кызд көсийө.  
Крепыд дорччысьыслөн сой.  
Синмыс өгыр моз жө өзйө,  
Кутш кодь видзөдласыс збой.

Ковгы, ковгы, сьөкыд мөлөт,  
Шыыд ылөдз кыліс мед,  
Полысь-няргысьясос өлөд,  
Ыджыд вынтө налы сет.

Дорччысь, чорыджыка клёнөд,  
Медым ёнджык лои көрт,  
И мый көсьян медся ёна,  
Сійос олөмө тэ пөрт.

Көсьян, мөвпнад вылө качлы,  
Лөзалө көн енэж йир.  
Сэні аддзылан тэ ачыл  
Югыд шондйыслысь дзирд.

Тэнад бурмылас сэк сёлём,  
Бырас нэмөвөйся мудэ.  
Аддзан, кутшөм мича вөлөм  
Дзоридзьясөн вөччөм му.

Лэбзыы шонділань тэ сідзи  
Өзйы югөръясас вай.  
Тайө мичас, дорччысь, видзөд,  
Тэнад медыджыд на пай.

1914 во

Вуджөдіс **Владимир Тимин**

\* \* \*

Чужан муой! Вөт и вемөс.  
Ставыс мелі шонді кытшын.  
Көсий эськө ме ас нэмө  
Вошны видзьяс-вөръяс пытшкад.

Турун вылын восьсаиннын  
Быгтьө ризі — югыд лысва.  
Вөсни бадь пу — манакиня —  
Копрасьө со рамлунысла.

Кымөр нюръяс весьтын ылын  
Пуркийө еджыд тшын моз мусянь,  
А ме думөс кодкө йылысь  
Дзеба сьөлөм пытшын гусьөн.

Мый эм, ставсө йөзлы коя,  
Медбур кывъяссө дась шуны.  
Тайө му вылас ме вои,  
Медым өдйөджык бөр мунны.

1914 во

Вуджөдіс **Владимир Тимин**

\* \* \*

Рышкыд сөчөнҗяс сёр вылынось,  
Ырөш лагунысь оз быр,  
Төрөканҗяс кышакылөны,  
Паччөр весьтас пазйын тыр.

Пач пөданным саөн мавтчөма,  
Сов доз дорын уль кольк кыш.  
Мамө чөла ноксьө пачводзын,  
Сөмын гөрбыльтчөма мыш.

Корҗя шойччынысө слөймылө —  
Сувтө водз, а удж оз чин.  
Пөдөнчалань лысьтөм йөв вылө  
Сатшкысьөма каньлөн син.

Чипан котыр сёян корсьоны,  
Шоныд мусө гудйө кок.  
Сьылө өбөдня, оз сорсьывлы,  
Миян Петя-петушок.

Өддортчөма ас чой-вокҗясысь,  
Збой да визув, бытгтө би,  
Зильө пырны дженьыд кокҗяснас  
Сийөс пытшкө кычипи.

1914 во

Вуджөдіс **Владимир Тимин**

\* \* \*

Гумла сайын гора гузьобөн,  
Векни ордым гартчө кыт,  
Рекрут чукөр хромка гудөкөн  
Гажөдчисны рыгывбыд.

Шогсө пальөдисны сьылөмөн,  
Бөрья луньяс со нин дзик:  
«Прөщай, гортса олөм-вылөмным,  
Прөщай, дона чужан сикт.

Мый сэн водзын? Кутны асьнымөс  
Талун, төдөмысь, оз ков —  
Рекрутавтөдз шогсим-майшасим,  
Өнi ышмөдламой лов».

Тракийөдлөны кудри юрсинас,  
Оз и куслы йөктан гаж:  
«Ноко, вильыш нывьяс, бур сий,  
Талун ыждавны шабаш».

Важ олөмкөд йитөд орө нин,  
Төдчө янсөдчөмлөн пас.  
Нывьяс синьяснаныс корөны  
Ветлыны, көн пемыд рас.

Югыд сикөтшгьясөн ворсөны,  
Дэльөднысө эм тай сям.  
Со нин кыськө ылысь горзөны —  
Сэтчө чепөсьяс и рам.

Кустьяс сайын гора ноксьомысь  
Гөлөс сетіс повзьом сюзь.  
Нюмгялөмөн пөль со летсьөдө,  
Сьөкыд пеля, но зэв сюсь.

Гумла сайын гора гузьобөн,  
Сьылігтыр да йөктигтыр,  
Рекрут чукөр хромка гудөкөн  
Тавой гажөдчисны дыр.

1914 во

Вуджөдіс **Владимир Тимин**

\* \* \*

Русь тэ менам, сьолөмшөрөй,  
Образа быд керка стен.  
Водзэ мун, көть косав бөрө —  
Лөз-лөз рөмыс тан и сэн.

Енлы эскысьос оз топөд,  
Оз чуж тані шум ни зык.  
Сикт помланьыс джуджыд тополь  
Муртса енэжсө оз пык.

Өвтө яблөк көрөн, маён  
Тэнад вичкоясын Спас.  
Том йөз со чукөртчөмаось —  
Сьылом-йөктөм аддза тась.

Ветла, помассьө көн сиктыс,  
Том йөз гажөдчөны көн.  
Меным воча, быгтьө сикөтш,  
Киссьө серам нывьяслөн.

Вөзъясны кө ен вевт сайысь:  
«Эновт Русьтө, райын ов!  
Вочавидза: «Ас му вайй,  
Немся рай меным оз ков».

1914 во

Вуджөдіс Владимир Тимин

## БУР АСЫВ!

Зарни кодзувьясӱс унзиль босьтӱс,  
Шыльыд ва веркӱсыс юлӱн дзӱрис,  
Шондӱ нӱӱжӱӱникӱн синсӱ восьтӱс,  
Гӱрдӱв шӱвкӱ муыс ставнас пӱри.

Кыдзьяс нюммунисны унзиль йывсьыс,  
Муртса пыркнитӱсны небыд корнас,  
Кайлӱн уна пӱлӱс сьылӱм кывсис —  
Тыртӱс сад йӱрнымӱс мича горнас.

Потшӱсдорса выль платтьӱа петшӱр  
Шуис гусьӱникӱн, гашкӱ, дасысь,  
Ворсӱгтырйи, посни челядь этшӱн:  
«Олан-вылан, тувсовья бур асыв!»

1914 во

Вуджӱдӱс **Илля Вась**

\* \* \*

Гыбадгъяс да нюръяс,  
Енэжлөн лөз от.  
Тронякылысь пуяс  
Шевгөдоны борд.

Пыста сьылөм шыён  
Лыска вөрьыс тыр,  
Коз пуяслы вөтөн  
Усис ыгшкандыр.

Тыдовтчис со кыськө,  
Вөрзё нисьö оз:  
Видз вьвтi со кысьсö  
Дзуртигтыр обоз.

Шутьялөмсö төвлысь  
Кывзö вöсни бадь...  
Эновтөм да вунөдөм  
Ас мулы ме рад.

1914 во

Вуджөдiс **Виктор Напалков**

\* \* \*

Гартчө-бергалө кымöрыс раскын,  
Кайö ру — чöскыд көр, гожся көр.  
Няйт туй кузя ме локта вокзалсянь,  
Тöдса вөр дорті локта ме бөр.

Вöрыс сулалө лöня и шогтöг,  
Пемдöм виччысьö рам пожöм пу.  
Век жö бöрдан мөвп сьölөмöс сотö —  
Он зэв гажъяв тэ, ас чужан му.

Козьяс син лысьяс лэдзöмны улö,  
И ямщик сьылö-нюжйöдлө надз:  
«Тюрьма нар вылын коркө ме кула,  
Сэсся дзебасны менö сідз-тадз».

1915 во

Вуджöдіс **Альберт Вансеев**

\* \* \*

Потшӧс вылын кӧлач тырыс,  
Сурӧн чӧсмасьӧны йӧз.  
Шондӱслӧн пратъяс пырыс  
Енӧж йирыс вижовлӧз.

Балаганъяс, бедьяс, мыръяс,  
Карусельлӧн дзуртан ӧд.  
Лӧсьыд олӧмыс том дырйи  
Шог ни майшасьӧм он тӧд.

Вузасьысьлӧн чирӧм гӧлӧс,  
Чӧскыд малӧн кода кӧр.  
Видзчысь, мед оз таяв вӧлыс,  
Бусӧн тырӧма туй шӧр.

Банйӧм ёдӱ чукӧр сайын  
Баба горзӧ асья моз.  
Тэ-ӧ тайӧ шальсӧ вайин,  
Турунвиж кӧн дзоридз роз?

Гажыс ачыс кывтӧ разьӧ,  
Танӱ зумыша он ов.  
Съыв жӧ, кызди Стенька Разин  
Том княжналысь босьтӱс лов.

Тэ-ӧ, Русь, кор татӱ мунӱн,  
Резӱн алӧй югӧр-би?  
Тэ эн тэрмась стрӧга шуны,  
Мый ог кужӧй овны ми.

1915 во

Вуджӧдӱс **Василий Лодыгин**

\* \* \*

Сэні, көні петшөр вижөдөма,  
Көні важмөм йөр,  
Сиктын уна керка нёровтчөма,  
Муртса нин оз пөр.

Лөз вөр сайын тыяс көні  
Вежөдөны стөч,  
Лыа туй водөма-нюжөдчөма  
Ылыс Сибырөдз.

Русь көть кытшалөны мордва-чудьяс,  
Насянь абу грөз.  
Восьлалөны сійө лыа туйті  
Кандалаа йөз.

На пөвстө морт виысь уна иніс,  
Мыжтөм оз сюр тан.  
Жалитлі ме налысь жугыль синъяс,  
Укшаль чужөмбан.

Морт виысьлөн уна лөгыс-лөкыс —  
Веськодь морт юр дон.  
Сьөд чужөмыс вежыньтчөма боклань,  
Лөзөдөма вом.

Дзеба көть, но өти мөвп ме видза,  
Сьөлөмөй көть сөдз,  
Кодөскө ме сутшка дзик жө сідзи  
Арся лым усьтөдз.

Көні чизыр төлыс мортөс венө,

Лыа туй көн лёк.

Нуодасны гез йылын и менө

Пыкны курыд шог.

Нюмгёвтла, көть дзорга синкым улысь,

Дзеба сьёлөм дой.

Лёк поводдя вуштас, кывнас нюлас

Кольөм нин лун-вой.

1915 во

Вуджөдіс **Альберт Ванеев**

## МӨС

Пөрысьмис. Киссис нин пиньыс,  
Воясөн чегьяссис сюр.  
Скөт видзысь нөйтліс да синліс  
Му бердө тайтөлысь юр.

Мөслы оз лөсяв зык-шумыс.  
Пельөсын гыжөдчө шыр.  
Пи йывсьыс шогсяна думыс —  
Куканьсө казътывлө пыр.

Мөслы эз кольөдны куксө,  
Нимкодъыс эз дыр и вөв.  
Сёр вылө өшөдөм кусө  
Өшпились летйөдлө төв.

Дыр-ө нө пөрысь мөс эськө  
Пиыслөн туйөд оз мун?  
Шыркнитас голясө гез пом,  
Начкыны воас кор лун.

Нора да жугыля сатшас  
Сюр помыс... Ловтө он кут...  
Вөтасьө мөс кыддза расьяс,  
Пөтөса туруна луд.

1915 во

Вуджөдіс Олег Уляшев

## ПОН ЙЫЛЫСЬ СЫЛАН

Асывнас идзас сайын,  
Дзебсьывлам кыгчө ми,  
Сизимөс энъ пон вайис,  
Гөрд гөна сизим пи.

Рыгөдзыс найөс нюлис,  
Шыльөдіс вазьөм гөн.  
Сыліс пөсь кынөм улас,  
Вөльштіс лымийыс көн.

А рыгнас, кор шонді лэччис,  
Кор курөглы муса сёр,  
Ставнысө мешөкө тэчис,  
Локтіс көзяиныс кор.

Лым вывті бөрсяньыс вөтчис,  
Сөмын эз суөд, эз...  
Йөрданын бура дыр нөйтчис  
Шызьөдөм ваыслөн вез.

Гортас кор бөрсө нин кыссис,  
Гудрасис понлөн юр вем:  
Быгтьөкө пач труба вывсьыс  
Төлысьыс — пиыс и эм.

Лөзалысь кодзувьяс пырыс  
Видэөдіс сійө вель дыр.  
Төлысьыс вочасөн бырис,  
Сайөдіс ыбывса кыр.

Мам понйыс тіраліс-кынмис,  
Эз вермы адзыны ин.  
Зарниа кодзулөн лымйö  
Гöгыльтчис понйыслөн син.

*1915 во*

Вуджöдіс **Василий Лодыгин**

## АР

*Р. В. Ивановлы*

Кыдзкө лөня, быгтьö гусьöн локтис бара —  
Рыжкöй вöв моз ассьыс бурси летйö арыс.

Арлөн кок шы кылö ышмöm юлөн гыын,  
Енэж мегыр улын ворсö рыгтя кыа.

Манак-тöвру мунö виччысьömөн, ньöжйö,  
А сы водзын пельыс гөрда öййö.

Тöвру окалö да нюлö тугтяс-розьяс  
Быгтьö вирөн ойдöm дойяссö Христослысь.

*1914 — 1916 вояс*

Вуджöдис **Владимир Тимин**

\* \* \*

Сьод юрси прать кодь пемыд вӱрыс,  
Лӱз енӱж койӱ кодзув би,  
А тӱлысь югыдлӱз видз шӱрын  
Дзик быгтӱӱ вошӱм баляпи.

Лӱнь тыысь люкальштас васӱ,  
Но весиг сӱльӱдчӱм оз кыв,  
Дзик быгтӱӱ ляпкыд берегӱяссӱ  
Сы бӱрын лайкӱӱдыштас гы.

И бара ковтыс весьтын ӱшӱӱ  
Лӱз чӱв-лӱнь, кодӱ сетӱ вын,  
А паськыд стептӱ кывтӱ ньӱжӱӱ  
Лӱм пуяс дорсянь еджыд тшын.

О степь, тӱ чужан муӱн шусян.  
Ме гӱгӱр эзысь-руд ковыль.  
Тан, овлӱ, жугыльлунӱ усьла,  
Но муса тӱ, и тайӱ збыль.

Тӱд коркӱ шог, и долыд коркӱ,  
А вылын помтӱм енӱж йир,  
И сыланӱ тӱ чӱла дзорган,  
Кӱн гулю кодь быд кымӱр чир.

Но тӱ и сӱк, йӱз дорӱ сибыд,  
Ас пыгтшсьыд нинӱмтор он дзев:  
И Урал-из, и кӱдзыд Сибыр,  
И кӱмтӱм кокын сӱкыд чеп.

1915 — 1916 вояс

Вуджӱдӱс **Владимир Тимин**

\* \* \*

Ог нин ляк ме бадь пөвстын пөттурун,  
Сэтысь менам кок туй оз нин сюр.  
Зөр кольта кодь рёма тэнсьыд юрси  
Аддзывла кө вөтөн — сійö бур.

Тэнад чужөм югыд пув ва рёма,  
Мелі, мича, видзөдласыд пым.  
Рыгтя кыа моз тай вошин сөмын  
Дзирдалысь да еджыд, быгтьö лым.

Ылыстчана шы моз нимыд сыліс,  
Шуймис-кельдіс тэнад видзөдлас,  
Сөмын колис чукрөсь чышгьян вылын  
Малөн көрыс — чөскыд, юмов, ас.

Лөнь-лөнь рыгтö керка сигөр вылын  
Кыа, быгтьö каньпи, мыськө вом.  
Тэ йылысь шань сёрни сэки кыла —  
Төвру сьылөмыслы оз во пом.

Вашкөдö лөнь рыгыс кадысь кадö:  
Тэ — и сьыланкыв, и югыд мөвп.  
Тэнсьыд мича мыгөртö кө аддзас,  
Ачыс енмыс сэки ланьтас чөв.

Ог нин ляк ме бадь пөвстын пөттурун,  
Сэтысь менам кок туй оз нин сюр.  
Зөр кольта кодь рёма тэнсьыд юрси.  
Аддзывла кө вөтөн — сійö бур.

1915 — 1916 вояс

Вуджөдіс **Альберт Вансеев**

\* \* \*

Ме бара гортын, бара тан,  
А чужаніной жугыль-мелі!  
И рөмыд ывла ылісянь  
Лымьеджыд киён өвтө меным.

И садьмөм луныс кывтө дзор,  
Да-й дзутсьөм юрси кодь жө кымөр,  
И мыйкө гажтөм-жугыльтор  
Мем бара вөзийө рыгтя сынөд.

Рам кыасяньыс вичко юр  
Пыр кузьджык-кузьджык лэдзө вуджөр.  
Оз некод син улө нин сюр,  
Ме кодкөд челядьдырөс вуджи.

И вуніс йөктан-ссылан во,  
Сы бөрся вошисны и ёртгяс,  
Но важ моз ва визувтө со  
Важ мельничалань, коді бордья.

Рам кыа улын ветлывла  
Да кывза эжөр кышакылөм.  
На вөсна быд рыг кевмысьла,  
Код муніс век кежлө да ылө.

1916 во

Вуджөдіс **Альберт Ванев**

## ЛЪОМ ПУ

Лъом пу дзоридз бура артмѳма,  
Тувсов чветлѳн чѳскыд дук.  
Корсѳ сѳ чыкыльѳ гартлѳма —  
Зарни рѳма, пашкыр, сук.

Гѳгѳр лысва му выв эжѳдас —  
Быгтьѳ югыд бисер моль.  
Лысва улас турун вежѳдѳ —  
Помгѳм-дортѳм паськыд воль.

Матын, кыгѳн кыз пу пѳлыньтчѳм,  
Кыгѳн гажа керѳс дор,  
Сѳнѳ дзольгѳ-жборгѳ дзолиньдзи  
Эзысь горѳн сьылысь шор.

Чѳскыд дука, пашкыр юрсиа  
Лъом пу узыѳ нисьѳ оз,  
Лѳня мулы-валы бурсиѳ,  
Югъялѳ дзик зарни моз.

Шорыс джуджыд кыркѳтш увсяныыс,  
Быгтьѳ муса мича ныв,  
Нъѳжйѳникѳн и зѳв гусьѳник  
Лъѳмлы сьылѳ сьыланкыв.

1915 во

Вуджѳдѳс **Илля Вась**

\* \* \*

Тöлысь югөр муо усьö.  
Шуштöм войыс пеля-синма.  
Ен ув пельöс вывсянь гусьöн  
Нюммунышгис Магдалина.

Таысь кодöскö со, збойöс,  
Пыр жö завидь босьтис-быгшкис.  
Синсö шарöдöма войыс.  
Тöлысь — еджыд лайкан пыгшкын.

Гартчö турöб тройка-вöла.  
Ньылöм петö — сöмын чышкы.  
Няргысь öрешки пу сölö  
Вельмöм турöбыслы мышкас.

Мустöм Кулöм ёсьтö бритва,  
Со нин бöрдö Магдалина.  
Тайö менам тэд молитва,  
Тыдавтöм, но пеля-синма.

1915 во

Вуджöдис **Владимир Тямпи**

## руч

А. М. Ремизовлы

Жугөдөм кок йылас өдва воис,  
Гуас пырны выныс эз нин сюр.  
Сылөн вирысь лымыйыс гөрдөн лоис,  
Дойдөм ручлөн лигышмуніс юр.

Пеляс пыр на лыйөм шыыс кыліс,  
Синьяс водзас ватлаліс на нюр.  
Понөль увсянь резьөбтісны сылы,  
Кыйсысысылөн дрөбйыс гырысь, бур...

Лымсө-буссө төлыс гартіс-дурис,  
Быдсөн гудыр лоис ывлавыв.  
Муртса-муртса кыпөдчыліс юрыс,  
Сэсся кынмис ортсө петөм кыв.

Вижов бөжыс лымыё усис биён,  
Эз нин тырмы сійөс кутны вын.  
Регыд мысти синмыс дульсмис йиён,  
Регыд мысти ручыс лоис кын.

1916 во

Вуджөдіс **Василий Лодыгин**

\* \* \*

Оз, оз кымөр рыныш саяс  
Ветлы сэні.  
Аслас муса пины көвдүм  
Көтис ен-мам.

Сэсся вийён-чөскыдторйён няньсө  
Шутис.  
Пөжалис да лөня потанас и  
Пуктис.

Кага ворсө, нимкодъысла  
Вугыртлывлө.  
Зарни көвдүм гөгыльтчис сэк  
Идзас вылө.

Гөгыльтчис сэк вия көвдүм —  
Сюён лоис.  
Енлысь ловсө гудыртис тай  
Сьөлөм дойыс.

Велөдана кывъяс шуис пины  
Ен-мам:  
«Эн бөрд, эн бөрд, юсьпийө тэ  
Менам.

Кага кодъось му вылас тай  
Олысь йөзыс,  
Мед көть өти радлун-нимкодъ  
Налөн өзйис.

Пемыд вöрын шуштöм овны  
Тöлын,  
Кöвдумсылы ним ме сеті —  
Тöлысь».

1916 во

Вуджөдіс **Виктор Напалков**

\* \* \*

Дзорга былө, дзорга улө,  
Гөгөр лөсьыд, гөгөр шань.  
Бара тырыс чужан мулөн  
Паськыд ыбъяс вылас нянь.

Бара тырыс лудын олө  
Карта вылын видзантор.  
Чуркъяс вывсянь кыпыд лолөн  
Зарни дзирдөн лэччө шор.

Мортыс зильён уджас вөлі,  
Нинөм кокниа эз шед.  
Енмыс лышкыдасьө йөлөн,  
Шудыс вольпгтис жө мед.

*1917 вося август 15 лун.*

Вуджөдіс **Василий Лодыгин**

\* \* \*

Эз на прөстө төлыс петав,  
Эз на чардав-гымав сідз:  
Кодкө гусьоникөн сетіс  
Сингясойлы содтөд мич.

Тувсов муслун моз жө сылі,  
Кусі — быгтгө эз и вөв —  
Аддзывтөм на муяс йылысь  
Лолөс майшөдлана мөвп.

Кодзув кусөм вөсна полөм  
Оз нин майшөд менө, оз!  
Мусмисны мем кад да олөм  
Дзик жө бать-мам керка моз.

Шань да югид, вежа ставыс,  
Нинөм бурджыксө ог си...  
Тылөн рөмпөштан кодь ваө  
Уси дзоридз рөма би.

Саридз пасьта гызьысь няньсянь  
Шемөс серпас аддзам ми:  
Быгтгө енэж куканясис,  
Нюлө гөрдөв куканьпи.

1917 во

Вуджөдіс **Михаил Елькин**

\* \* \*

Зэрөн пөдөм чужан муой,  
Бөрө-водэо шойгысь лонь.  
Гогрөс тупөсь джынсө нуо  
Төлысь пыдди енэж вонь.

Сьөдөдз гөрөм муяс сайын  
Төвийөм өмидзыслөн воль.  
Кымөр лөскө узыны кайо  
Кисьмөм кодзувлөн виж моль.

Тэнад шоглы воча муна  
Верста туйод отнамөн.  
Бара гөгөр вежыс уна,  
Ваыс лөзөдөма көн.

Гартчө-йөктө нюrsa тшыныс,  
Узьө пемыдыс и оз.  
Чужан мулөн эм на выныс  
Овны нимкодясигмоз.

1917 во

Вуджөдiс **Василий Лодыгин**

\* \* \*

О Русь, вай шеньшт бордьяс  
Да сьокыд унсьыд мын.  
Веж эрдысь петом моргьяс  
Тэд чукортоны вын.

Со локтö мосьяс костын,  
Лөз видзальсь вайö лов,  
Дзик быгтьö зарни востым,  
Том Алексей Кольцов.

Нянь корыш сюрас сьлөн  
Да аслас юр да вем.  
И ворсны ывла вылын  
Зэв лосьыд полян эм.

А бөрсьыс, лымья биын  
Көн бушков песö лёк,  
Ен югыд кышöд пиын  
Со локтö шөркост вок.

Көн Вытегра да Шуя,  
Сэзь шудсö корсьö тай.  
А овыс сьлөн Клюев,  
А нимыс — Миколай.

Зэв вежөра да мелі,  
Век ассьыс кутö визь.  
Йöз сьолөм дінö келö  
Сы киөн öзтөм сись.

А сәні, кыркөтш саяс,  
Көн век на туй ни ньөв,  
Ме ассьым сьылан вая,  
Ог вермы овны чөв.

Зэв кузь да сьөкыд ордым,  
Сэн уна сән да кыр,  
Но некор енмыс ордө  
Ме элясьны ог пыр.

Ме төлысь изйөн лыйла,  
Көть енэжсьыс оз усь.  
Оз некод шулы, мыйла  
Ме татшөм йөй ли сюсь.

А бөрсянь ывла вылас  
Ме кодыс — пом ни дор.  
И юрьяс весьтын кылө  
Збой кывбурьяслөн гор.

Ми кыам ашшөр книга,  
Сэн төдчө Роч му пас.  
И миян ёрт Чапыгин  
Пось ловнас зэв жө ас.

Эн педзөй миян водзын,  
Сись көра кодлөн мөвп:  
Он вермы öзтны кодзув,  
Шань сьөлөм кө эз вөв.

Ог сисьмөй сэсса тані,  
Көть туйыс лоө кузь.  
Мед лоас шонді бана  
Сөдз лолөн тырөм Русь.

Со шеньштчылö борднас,  
Кöть тöндзи вöлі кын:  
Веж эрдысь петöм мортъяс  
Öд чукöртöны вын.

1917 во

Вуджöдiс **Василий Лодыгин**

\* \* \*

Вой да петук со чуксасьö вот...  
Зарни кымöрын дзор Саваоп.  
Лöзов эрдьясын абу жö чöв,  
Сэтчань яблөгьяс гөгьльтö тöv.

Вавыс шогысла, буракö, дзор,  
Тури паськөдö бöрдана гор.  
Батълөн керкаыс — челядьдыр поз —  
Прудйö кымсьöма көлөкөл моз.

Ставыс сэтшöм жö, кыз и сэк,  
Ю да мөсьясöс аддза ме век.  
Сэсса бадьяс, көн гөрдөдö көдж,  
Важмоз летöны нитшсялөм бöж.

Кодкö кусыньтчис, некөн оз кыв,  
Кодкö крут нöрыс йылын оз сыв.  
Керка сулалö зумьд да ён,  
Кыгысь пемыдас вошöма зон.

Ен ув пельöсын шуштöмөдз лөнь,  
Джоджö тöлысьыс кольöма вөнь.  
Сöмын пач бокын гужөдчö шыр,  
Коді войяснас дөзмөдчö пыр.

1917 во

Вуджөдiс **Василий Лодыгин**

\* \* \*

Тадз ли, мый ли енэж йирыс быгъяліс,  
Али ваыс едждіс лым-сов моз?  
Съыланкывйысь вадор виддзыс тшыгъяліс,  
Аски тэнад съылөм лоас-оз?

Лөзов изки валысь тусьсө зыртөма,  
Еджыд пызя юлөн бан и бок.  
Лөзов эрдъяс зарниён со тыртёны,  
Кокньөдоны тэнө личкысь шог.

Муса томлун казтылана вадорлы  
Өвтө тэнад гожъялыштөм ки.  
Сідзи-й-сідз тэ воан коркө Кардорө,  
Сідзи-й-сідз тэ аддзан Соловки.

Сідзи-й-сідз тэ аддзан сэтысь, ылісьыс,  
Скитөн шусян пöлынъ керкатор.  
Көть и шонді петкөдчылас ылісьыс,  
Гажтөм лоö бадьяса вадор.

Көть и эськө асьтө юлы сетөма,  
Медым вошис кыаыслөн кень...  
Быгтё кымөр ылө талун петөма,  
Тöлысь пыдди югъялө тюлень.

1917 во

Вуджөдіс **Василий Лодыгин**

\* \* \*

Турун пөвстө потшөссайса йөрө,  
Дзэбсьө чизыр төв.  
Олөм помын юысьөн да вөрөн  
Ланьта, уся чөв.

Вөйө луныс гөрдов кыркөтш сайө,  
Рыгыс быгтьө вөт.  
Ог ме өтнам аддзы ставсө тайөс,  
Шөйтө-й кодкө мөд.

Шеньштгчисны сэтчө-й-татчө муяс,  
Тані грезд, сэн сикт.  
Көть литвинө, көть чувашө туя,  
Крестным өткодь дзик.

Эска ме да-й гора коркө шулі:  
Воас сэтшөм час —  
Локтас, кыдзи юысь потшөс улысь,  
Венны позьтөм Спас.

Юяс дорса лөзов руө суна,  
Көні олө вөт.  
Шома юрөн ньөжйөникөн муна,  
Да ог сийөс төд.

Синва менам нэм чөж пыдын вөлі,  
Син дорөс оз сөй,  
Сөмын раддун рам гулюөн чөлас  
Сэтчө, көні вой.

Пöльтас, кыдзи вöйдөр, лöга-скöра  
Жугыль сьыланкыв...  
Йöктас гуй вöсьтын кулöм бöрам  
Тöла ывлавыв.

1917 во

Вуджöдiс **Василий Лодыгин**

\* \* \*

Көн тэ, батылөн керка-куд,  
Көні коркө овліс шуд?  
Өзьян дзоридэлөн лөз би,  
Визув ю да лыа ді.  
Көн тэ, батылөн керка-куд?

Мөдлапöлын сьылö кай,  
Арөдз ланьтнысö оз чайт.  
Куим кодзув юас сэн,  
Менсьым югдөдоны нэм.  
Мөдлапöлын сьылö кай.

Бордъя мельничаыс моз  
Кадыс лэдзö мулань пос.  
Кисьтö тöлысь эзысь сер —  
Олан здукьяснымысь зэр.  
Бордъя мельничаыс моз.

Тайö зэрыс, ньөвйөн тыр,  
Керка-кудйос жугліс дыр,  
Пөдтіс дзоридзөйлысь би,  
Вөйтис зарни лыа ді.  
Тайö зэрыс, ньөвйөн тыр.

1917 во

Вуджөдіс **Василий Лодыгин**

\* \* \*

О, муяс, муяс, муяс,  
Коломна дорса шог.  
А сьолөмысь ог чуктөд,  
Ог чуктөд Русьос, ог.

Сюсь вөлөй пызйө чойөд,  
И эбөсыс оз быр.  
И соддзөн шондї койө  
Виж зэрсө чужөм тыр.

О, ытва шыа эрдөй,  
Тэ бара лөнх да шань.  
И асья кодзув серти  
Ме велөдчылї тан.

Төв йылас сям выв вои,  
Эз сяммөдны кө йөз,  
Исайя ёртөн лоис  
Да видзис мекөд мөс.

1918 во

Вуджөдїс **Василий Лодыгин**

\* \* \*

Кушӱсь муяс, чӱлӱсь расъяс,  
Васянь уль ру кайны пондӱс.  
Гӱра сайӱ быгтӱӱ асык  
Надзӱникӱн лӱччис шондӱ.

Узӱӱ няйтӱн лойӱм туйыс.  
Сийӱ вӱтасӱ со пыр на,  
Мый дзор тӱлыс талань уйӱ,  
Сылӱн вотӱдз абу дыр нин.

Ме и ачым гулыд вӱрысь  
Тӱрыг аддзылӱ ру пырыс:  
Вильыш чань моз гӱрдов тӱлысь  
Миян додӱ вож костӱ пырис.

1917 во

Вуджӱдӱс **Николай Щукин**

\* \* \*

Нальпак вывті со восьлала ме,  
Ландыш дзоридзён сьёлөмөй тыр.  
Рыгтя кодзулыс лөз биа сэн,  
Менсьым мунан туй югдөдө пыр.

Ог төд, югдө-ө, локтө-ө вой?  
Петук сьылө-ө, шутлялө төв?  
Гашкө, төв пуксиг лым пыдди со  
Юсьяс видз вылө пуксисны чөв.

Шыльыд-еджыдөй, кутшөм тэ шань!  
Кокни көдзыдсьыс шоналө вир.  
Восьса морөса кыз, быгтьө ань,  
Кодөс окота кутлыны пыр.

Турөб лым тола гудралө тась,  
Төлын гажөдчө ыб аслысног.  
А ме ас кион сывъявны дась  
Кызьяс-бадьяслысь көдзалөм кок.

1917 — 1918 вояс

Вуджөдіс **Николай Щукин**

\* \* \*

О эска, эска шудыс эм!  
Со весиг шонді эз на саяв,  
Но рыгыс кевман небөг вайо —  
Шань юөръясыс тырыс сэн.  
О эска, эска шудыс эм!

Тэ зельгы-юргы, зарни Русь,  
Тэ гызы, гыпкы чизыр төлөн,  
Мед нимкодъ пасөн пасйом вөлін,  
Мед некор сьөлөмнад эн усь,  
Тэ зельгы-юргы, зарни Русь.

Мен любө гыа юлөн лөз,  
И кодзув дзырыдыс гыас вылын,  
Шань сьөлөмъясөн шоглун кылөм,  
Быд бурсө ставлы сивыс йөз,  
Мен любө гыа юлөн лөз.

1917 — 1918 вояс

Вуджөдіс **Николай Щукин**

\* \* \*

Сылан-сылангяс, мый йылысь ті?  
Гашкө, тиянлы шунысө нем?  
Кыны юрсиө кельдлөз сі  
Чөв-лөнъ олөм со тшөктывлө мем.

Көсья лоны ме кодзув кодъ чөлөн,  
Коді лантьома, көть и оз узь.  
Көсья, туйбердса баддьөн мед вөлі,  
Видзи тэнө ме, вугралысь Русь.

Лөсьыд, лөсьыд зэв төлыся арын  
Өткөн келөдны туруна видз,  
Сэсся өктыны шепгьяслысь зарни,  
Көньюр лолөс мед бурдөдны сідз.

Но оз бурдөд тай видзлөн лөзыс.  
Сылан-сыланой, пыркнитчан-он?  
Зарни корөсьөн рыгыс көсью  
Талун чышкавны менсьым туйпом.

Чужтө нимкодъ тан ставыс. И долыд  
Лантысь төвлысь тан кывзыны гор:  
«Ло тэ кодзыдөн, муыввса олысь,  
Кыдзи нинпулөн гөрдөдөм кор».

1918 во

Вуджөдіс Николай Щукин

\* \* \*

Со сійӧ, йӧйталан шудным —  
Ӧшиньӧд тыдалысь сад!  
Гӧрдоват юсьӧн лӧнь прудын  
Уялӧ рыт пуксян кад.

Чолӧм тэд, зарниа чӧвлун,  
Ва шӧрын кыз мичаджык.  
Вевт вылын лэбачлӧн кӧлысь —  
Кодзувлань кыпӧдчӧ зык.

Сад саяс полігтыр, гусьӧн,  
Жовпу кӧн паськӧдіс сыв,  
Нэриник ныв еджыд юсьӧн  
Лывкӧдлӧ нор сьыланкыв.

Шыльквидзысь лӧзоват прудӧд  
Кӧдзыд ру разалӧ бӧр...  
Йӧйталан, мусаник шудӧй —  
Мичаник бандзибыс гӧрд!

1918 во

Вуджӧдіс **Николай Щукин**

\* \* \*

Чужан керкаысь янсали ме,  
Тэнö эновті, югыдлöз Русь.  
Шувгö рас, шпоргö пруд весьтын кыдз,  
Мед жö пöрысь мам шогö оз усь.

Зарни тöлысьыс лягуша моз  
Лөньюм ва вылö водöма гатш.  
Батльöн тош дзыкöдз дзормöма со,  
Яблök рöмаөн лоöма нач.

Регыд локны бөр шуд мем оз усь!  
Турöб-бушков тан нокяс вель дыр.  
Тэнö, донаöй, югыдлöз Русь,  
Пöрысь клён медым видзас пыр.

Шудыс-нимкодъыс клёнлөн эм,  
Зэркöд окасьны сылы бур.  
Сэсса любö зэв гоньгöдны мем  
Пöрысь клёныскöд öткодь юр.

1918 во

Вуджöдiс **Николай Щукин**

\* \* \*

Төлөй, төланөй, лым сора төлөй,  
Кольөм олөмысь лёксө тэ тырт.  
Югыд зонкаөн мед эськө вөлі  
Либө дзоридзөн чатраси пыр.

Көсья ме пастук пöлян шы улö  
Ассьым ланьтöдны майшасян нэм.  
Кодыр аслым и йöзлы ме кула,  
Рыгтя лым дзиньгас пельясын мем.

Тайö дзиньгöмыс сьöлөмөс веськөдö,  
Дойяс бурдöдö турöба ру.  
Öти кок йылын сулавны эськө мем,  
Кыдзи туй бокын вужьясьöм пу.

Көсья: вөвьяслөн корскөм шы улын  
Пöся кутлыны шордорса бадь...  
Югыд төлысьöй, шоглунос гумовт,  
Сөдзöд шогсьöмла гудыртчөм садь.

1919 во (?)

Вуджөдіс **Виктор Напалков**

\* \* \*

Дзик нин арся моз буксывлö сюзь,  
Асья рöмыдсö туй весьтысь эльтö.  
Пипу кор моз кöть юрси оз усь,  
Зарни кудрийö быгалö-кельдö.

Кушмöм ыб весьтын шуштöм «ку-ку»,  
Видза олан тэ, пипуöй-мамöй!  
Тöлысь эзысьтас лымъялöм му,  
Шочмöм юрсиам сунсыны сяммас.

Кынма пасьтöм, да-й морöсöй жан,  
Пелям клёнöдчö кодзула енэж.  
Мукöд зонъяс сэк сыласны тан,  
Пöль-пöч кывзасны ньöти оз менö,

Выль поэт дзугас ыбъяслысь чöv,  
Выль ног вөр-ваыс шутөвтас кор нин...  
Дзик нин арся моз нетшкысьö тöv,  
Пипу коръяслөн арся жö сёрни.

1920 во

Вуджöдiс **Альберт Ванев**

\* \* \*

Ме дзик медбөрҗя сиктса поэт нин,  
Кодлы мусаёсь потшөс да пос.  
Мунөм водзвылын кызд дорө петі,  
Усьөм корҗяссө видзөдлігмоз.

Сиська билы оз волы нин асыв,  
Кор тай төдчыштө өшиньлөн тас.  
Төлысь югөрөн артмөдөм часі  
Меным точнитас дас кыкөд час.

Лөзов муыслөн ордымҗяс вылө  
Регыд петас көрт ки-кока гөсть.  
Зөрҗяс-рудзөгҗяс сетчасны сылы —  
Көрт вөв сьөлөмыс чорыд и пөсь.

Көдзыд көрт дорын сьылөмыд өвҗяс,  
Дзебҗяс кымөрө меліник звөн.  
Зарни шепҗяс да ловҗя на вөвҗяс,  
Шөгө уҗясны — мортыс нө көн?

Налысь гөрдлөмсө нёнялас асыв,  
Лөня-жутыля куткыртчас рас.  
Регыд, регыд нин төлысьлөн часі  
Меным точнитас дас кыкөд час.

1920 во

Вуджөдіс **Василий Лодыгин**

## ХУЛИГАН

Васод гөликөн бадьясыс пөлөн  
Зэрыс котралө эстөн и тан.  
Сьолась корьяснад, өдөбсьөм төлөй,  
Ме өд тэ кодь жө дзик хулиган.

Меным любө, кор лөзодас вөрыс,  
Кыдзи сьөктөм нин восьласа өш,  
Локтас төв, сэсся кынмалөм бөрын  
Гегдысь пуяссө сывьялас тшөтш.

Расьяс-вөрьяссө шань шонді улын  
Меысь бурджыка нимодас код?  
Аддза, аддза, кыз пемыдыс нюлө  
Йөзлөн кок туя муыслысь под.

Пуысь кыпөдөм-лыбөдөм Русьёй,  
Өти сьылысь ме тэнад и эм.  
Шуштөм кывбурам шогыс кор усис,  
Сийөс мятаөн верді ме нэм.

Төлысь көшсө вай югзьөдөй, бияс,  
Колө кызьяслысь гумовтны йөв.  
Шойна вылын сьөд крестьясыс — кияс,  
Дасьбөсь горшаным сатшасьны чөв.

Кодкө шөйтө да вуджрасьө сьөдөн,  
Быгтё видзөдө ректыны сад.  
Вөвьяс гусявлөм ачым ме төда,  
Сөмын сюрлас мед ладыс да кад.

Коді аддзыліс, войнас кыз пуо  
Шоныд сьолёма льомйислөн дзу?  
Меным эськө кисьтень кыин кутны,  
Войся степын кор сукмывлө ру.

Сөмын быгаліс вочасөн юрөй:  
Уна сьывны мем ковмис да дыр.  
Ыджыд муслунлөн изкио сюри,  
Ме поэмаяс гижалі пыр.

Но эн сайөдчы, өдөбсьөм төлөй,  
Сьолась корьяснад эстөн и тан.  
Нимкодь сыысь, мый тэ кодьон вөлі,  
Ме өд кывбурам тшөтш хулиган.

1919 во

Вуджөдіс **Василий Лодыгин**

## НЯНЬ ЙЫЛЫСЬ СЫЛАН

Ставыс сингяс водзын, абу вöтын,  
Уджыс сьöкыд, но и öтшöтш бур.  
Сьöкыд шепсö лэчыд чарла сötö,  
Быгтьö муас усьö юсьлөн юр.

Важөн тöдса керка сайысь муыс,  
Августын зэв ыркыд асья вой.  
Вижов кольта идзасыслөн дзуын  
Куйлö, быгтьö кулём мортлөн шой.

Кольта тырнас гöгыльтчö телега,  
Рыньш-шойна дзебас найös мед.  
Мудзём вöлыс омöля нин легö,  
Эз нин этша пösьыс сьлөн пет.

Няныс косьмас, быдсөн вежас шысö,  
Вартём водзын вольсаласны сю.  
Идзасыслысь чегьяласны лысö,  
Торьяліс мед зарни бана тусь.

Ассьыс уджсö мортыс вöчö помöдз,  
Оз и чайт, мый няныс — ловья лов.  
Киссьö тусьыс мельничалөн вомö,  
Пызьён петö, вошöмысь оз пов.

Сэсся мортыс няня шомös кötö,  
Банйём чöскыд пöжас пызан тыр.  
Пötös кынём оз ков сёрйö шötны,  
Яда скөрлун оз ков видзны пыр.

Ловзьём няньыс пачын вежас кӧрсӧ,  
Чӧскыд кӧрсӧ сетас зарни би.  
Тайӧ идзас няньсӧ сӕйӧм бӧрын,  
Кынӧм висьӧм ставным тӧдлам ми.

Шарлатан да морт виысь оз вӧтын,  
А збыль олӧмын оз этша сюр...  
Сы вӧсна и шепсӧ чарла сӧтӧ,  
Быгтьӧ муӧ усьӧ юсьлӧн юр.

1921 во

Вуджӧдӧс **Василий Лодыгин**

\* \* \*

Менам чужанін — шуны он куж,  
Озысь зэръясысь ывлаис юсьома.  
Льобтём чужём да юр, коді куш,  
Пемыд гөптүн со пöнарсянь югзьöны.

Бурджык, видзöдны сэтчö ог мöд,  
Друг да ачымöс няйтöсьтас-чуньышта.  
Ковтём гудырсö медым ог тöд,  
Часлы, синъясöс тökötьö куньышта.

Тадзсö неуна овсьö и гöльнас.  
Видзöд керкаяс костöдыс, ёрт:  
Голя нюжөдöма кöлököльня,  
Ыргөн юра дзик быгтьökö морт.

Тэ кö тшыгъялан — пöтан на коркö,  
Шогыс йирö кö — оз ло век лёк.  
Сöмын ывлаас восьсөн эн дзоргы,  
Менам муывивса тöдтём дзик вок.

Кыдзи мөвпыштi — сiдзи-й вöчи,  
Сöмын выльыс эз нинöм чуж.  
Эг и шонавлы бура ньötчыд,  
Пыр на сьöлөмöс кынгiс пуж.

Но и мый нö? Ог öтнам лoлав,  
Мирыс ме кодьнас чукийөн тыр.  
Льобтём чужöмлөн шуда олөм,  
Гигзьö-сералö мыйкö пыр.

Сөмын сьөлөмөй дөрөм улын  
Меным шөпкөдө ачыс, дерт:  
«Другой, другой, кор сөмын кулан,  
Тэнсыд синьястө тупкас смерть».

1921 во

Вуджөдс **Василий Лодыгин**

\* \* \*

Дзик став ловъясö вöльной светас  
Олөм аслысног пасйö век:  
Гашкö, эг кö ло ме поэтöн,  
Зепъяс ректысьöн лои сэк.

Ичöt тушаа, визув, сөнöd  
(Кодкö каттысьсны видліс мед!)  
Гортö унаысь — казътыла öнödз —  
Волі жутödөм ныра ме.

Но эг норасьлы, но эг лимзав...  
А кор повзыліс мам, сьölөмшөр,  
Сійöс такöдлі: «Конъяси изйö,  
Ставыс аскиödз бурдас бөр».

Вояс колисны. Усьпаньвыв вои  
Важся пузылөм кодзöдигтыр,  
Збойлун кывбура гижöдын лои —  
Томлун вынъясөн гыалö пыр.

Зарни кывъяссö зумыда тэча,  
Бордъя кывбурлысь тöда ме дон:  
Сьölөм нойтчөмөс пырта ме сэтчö —  
Збой да некытчö йөрмывтөм зон.

Ог на ланьтöдчы полысь шыр моз,  
Муна — некодысь войт ог пов!  
Сөмын важөн кö сюрлывліс нырö,  
Öні вирөссö дойдөм лов.

Кодкӧ тешитчӧ, пинялӧ-пызйӧ,  
Налы воча кыв дасьтывла скӧр:  
«Нинӧм, нинӧм! Ме конъяси изйӧ,  
Ставыс аскиӧдз бурдас на бӧр».

1922 во

Вуджӧдӧс **Михаил Елькин**

\* \* \*

Чужан муой да-й нэмөвөй гажой,  
Эн жө кыгчөкө пемыдас уй.  
Сиктлысь голясө чабыртис важон  
Чорыд киа шоссе — изья туй.

Кодкө горзигтыр ывлаас олө,  
Меным узыны ни овны оз сет.  
Лолөс босьтысьой, мустөмой, чолөм,  
Пета воча ме, кола кө тэд!

Карыс миянөс ковтөмөн шуис,  
Көть и өтнасөн здуксө оз ов.  
Кынмө шогысла нянь быдтысь муыс,  
Сылысь сюръяяс личкөны лов.

Өні видзөдам бокө да улө,  
Көть и аддзылим енэжлысь шөр.  
Но да мый нө? Ог первойысь кулой,  
Медым ёнджыкөн ловзыны бөр.

Ёна сьөлөмсө сотө да быгшкө,  
Водзө кодьясны сиктыслы гу...  
Тадзи коинөс йөртөны кыгшө,  
Медым регыд мысьт пөрчөдны ку.

Зверыс йөжгыльтчас, вежорнас кылө,  
Кызди сьөлөмсө пасьвартас би...  
Мукөддырйи и кыйсьысь вылө  
Чеччас, аддзам куш льяссө ми.

Чолөм, зверөй, ме радейта тэнө!  
Он тай пурт улө кокныда сюр!  
Дзик жө быдлаысь вөтлөны менө,  
Овлө, некыгчө суйыштны юр.

Тэ моз дорйысьны дасьөн век ола,  
Менам врагъяс кор восьтөны дзир,  
Здукөн чукөрта медбөръя лолөс,  
Медым пырысьлысь босьтны жө вир.

Сэсся медым кө муланьыс пөра,  
Личкас лым пиас садьмывтөм ун.  
Чайта, сьылөдасны йөзыс бөрас;  
Водзөс босьтөг пө сийө эз мун.

1921 во

Вуджөдис **Василий Лодыгин**

\* \* \*

Ог ме бөрд, ог жалит-чуксав нинөм —  
Разалас, кыз яблонялөн тшын.  
Ог бергөдчыв-косав томлун динам,  
Кусан-кельдан зарниысь ог мын.

Сьөлөм, он нин ассыд тпкөм өддзөд,  
Веськаліс нин сэтчө көдзыд ру.  
Чужан муөй, коді еджыд кыддза  
Көмтөм кокөн шөйтны оз нин ну.

Казялі, мый менам шөйтны көсйөм  
Өтырьшгья чинө, а оз сод.  
Ог ме шогсы воштөм томлун вөсна,  
Сьөлөм вынөй век на ытва кодь.

Көсйөмгьясөй ляпкалісны дзикөдз,  
Олөмөй? Ог төд нин — збыль-ө вөт?  
Быгтьөкө ме тувсов асывводзын  
Лэби вөлөн, коді югыдгөрд.

Ставным, ставным коркө бырам-кулам,  
Со тай ыргөн рөма арся сад...  
Овлө ставлөн югыд шонді улас  
Дзоридзалан кад и кулан кад.

1922 во

Вуджөдіс Владилен Крюков

\* \* \*

Сідз нин артмис. Эн видөй-пурөй!  
Кывйөн вузасьны ог кут, ог:  
Сьөктис-пöлынтьчис зарни юрөй,  
Личкис коньөрөс майшасян шог.

Ставыс дөзмөдө, пельöй сьөдмө,  
Сикт ни, кар ни — дзик немтор оз ков,  
Лэдза тош да Роч му кузя мөда,  
Кыгчө нуодас висьысь лов.

Став поэмаяс вунөда дзикөдз,  
Раммөм корысьөн ветлөдла чөв.  
Шөйтгысь мортлы, код воөма пикөдз,  
Унджык сьыланкыв пöлялас төв.

Кутас вомсяньöй öвтны лукөн,  
Кута кушманөн горзбөдны век.  
Гора несйөмөн рыгтя чөв дзуга,  
Дзикөдз йөй улө лэдзчыся сэк.

Кутас ме весьтын йөктыны турөб!  
...Менам шуд, гашкө, сьын и эм -  
Кокни руөн да йөйталг-дуриг  
Тайö му вылас колявны нэм...

1922 во

Вуджөдис **Михаил Елькин**

\* \* \*

Ачымос ог пөръяв. Талун тани  
Шог сьолөмам ассым төждъяс дзебла.  
Мыйла нимала ме шарлатанон?  
Чайтоны, мый пыр ме зык-шум лэпта?

Некодос эг пөрчөдлы, эг нөйтлы,  
Шудтөмөс эг лыйлы пемыдинын.  
Сөмын коркө гажа юрөн шөйтлі,  
Дзорги йөзлань нюмъялана синмөн.

Ме Москваса кодалысьяс пөвстын  
Тверскөй пасьта нимавны со мөді,  
И быд переулокын сы вөсна  
Кокни ветласногос быд пон төдө.

Довкйөдлөны юрнас кляча вөвъяс, —  
Мекөд орччөн кокниджыка овсьө.  
Пемөсьяслы бур ёртөн пыр вөвлі,  
Бурдөдліс быд кывбур налысь ловсө.

Ог ме аньяс ради шляпа новлы —  
Йөйталана везйө ме эг шедлы.  
Жугыль венөм бөрын шляпа ковло  
Зарни зөр көбылаяслы сетны.

Ог ме ошйысь йөзкөд ёртасьөмөн —  
Вежи мукөд ловъя ловъяс вылө.  
Дзик быд вөвлысь-понлысь дась ме өні  
Бур галстукнам мичмөдавны сьылі.

Талунсянь ог кут ме висьны тані,  
Сьёлёмын важ шогыс югдіс-письтіс.  
Сыысь нимала ме шарлатанён,  
Сыысь нимала ме скандалистён.

1922 во

Вуджөдіс **Владилен Крюков**

\* \* \*

Да! Дзик некор нин вольгѳм вылѳ  
Талун энѳвтѳ ме ассыѳм горт.  
Пашкыр топольяс — сьѳлѳмѳн кыла —  
Оз нин паськѳдны ме весьтѳ борд.

Ляпкыд керкаѳѳ киссяс ставѳас,  
Понѳѳѳ важѳн нин кулѳ, а мен  
Изъяс уличаяса Москваын  
Нѳмѳс помавны шуѳма Ен.

Тайѳ карсѳ (ме важѳн нин казялѳ)  
Лолѳн, сьѳлѳмѳн радейта сѳдз!  
Вичко юрѳясас зарни Азия  
Ассыѳс кольѳма вушѳѳѳѳѳѳѳ мич.

Но а войнас, кор югзьѳ тѳлысь  
(Мича — висътавны кывѳѳѳѳѳѳѳ оз сюр!)  
Ме кабакланьѳ яндысиг, чѳла  
Муна шогъясысь кокньѳдны юр.

Чушкан поз сѳнѳ войбыд бытгѳѳѳ —  
Асъяс кыаѳдз гаж да флѳрт,  
Вузѳс аньяслы кывбурѳяс лыддя  
Да бандитгъяскѳд юа спирт.

Сьѳлѳм нѳѳтчѳѳ (оз тѳпкы бурьѳсь!),  
Сѳсся код юрнад мьѳѳ он доль:  
«Тѳян моз жѳ ме сибдѳ нѳюрас,  
Бѳрсѳ петнысѳ ордым эз коль...»

Ляпкыд керкаой киссяс ставнас,  
Понийой важон нин кулі, а мен  
Изъя уличаяса Москваын  
Нэмөс помавны шуома Ен.

1922 — 1923 вояс

Вуджодіс **Михаил Елькин**

\* \* \*

Съыв жö, съыв. Медым бöрдас гитара,  
Вöсни чуньястö сиясас дзуг.  
Вай жö кольмылам öтчыдысь бара,  
Менам медбöръя, медмуса друг.

Вешгы сингьястö килутшгяс дорсвыс,  
Еджыд юрсиыс шöвкысь на бур.  
Тайö ань дорас шудöс ме корси,  
А со, буракö, тупыльтчас юр.

Ме эг чайтлы, мый муслуныд косьтö,  
Мый чума-висьöм сылы рöд.  
Читкыр сингьяслы сьöлөмöс вöсьтi,  
Юрöй кольмис, мый вöчны, эг тöд.

Другöй, съыв. Медым вежөрöй нулö,  
Кöни томлунным кыпыд да шань.  
Мед көть мөдöс нин окалö-нюлö  
Мича чужöма пöръясьысь ань.

Нолтö, сувтлы. Öг элясь сы вылö,  
Нолтö, сувтлы. Ме сийöс ог ёр.  
Вай жö тэныд ме ас йылысь сыла,  
Гора струнаыс лолас мед нор.

Лунгяс лэбöны, кадыс оз сувтлы,  
Зарни вöтгясөн сьöлөмöй тыр.  
Уна нылöс ме том дырийи кутлi,  
Уна аньяскöд шонтылi жыр.

Тшөктө оломыс венны крут кыръяс...  
Вөлі челядь на, аддзывлі кор,  
Кыдзи сукаос нювалывлө кырөс  
Мукөд понъяскөд пинясигсор.

Мед и окалө, сылы кө колө,  
Менсым сьөлөмөс лёкыс оз йир.  
Крөвать шонтылөм — том кадся олөм,  
Талун — окасьом, аскинас — йир.

Сьыв жө, сьыв! Чөскыд кутлөмыс сьлөн,  
Кыдз нө водзөсөн асьсө он нюв?  
Вай жө ыстамөй найөс ми ылө...  
Муса другөй, ме некор ог кув.

1923 во

Вуджөдіс **Василий Лодыгин**

\* \* \*

Татчос ывла выв кажитчө мича,  
Тайо ляпкыдик керкаыс ас.  
Уна проводлөн лөзов идзас  
Менсьым вевттьома ошинь тас.  
Тані сьокыда коркө олим,  
Вайліс олөмыс ышмысь вын.  
Ассьым челядьдыр сиктын коли,  
Төдса сикт весьтын лөзов тшын.  
Мед көть некытысь слава эг корсьлы,  
Төдлі сійос. Но куня кө син,  
Пыр жө аддза ме чужан гортысь  
Аслам мам-батьлысь оланін.  
Аддза лөзоват садлысь мичлун,  
Август гож водзын куйлө, дыш.  
Кутө турунвиж кинас пипу  
Уна лэбачлысь дзольгөм шы.  
Ёна радейтлі ассьым керка:  
Сэн кө кывзысян — мыйсө он кыв,  
Миян пачным кор өтвылысь зэркөд  
Сьывліс мисьтөма шог сьыланкыв.  
Ыджыд гөлөсөн ымзыліс-бөрдліс,  
Кулөм морт понда быгтьө нач.  
Кирпич чукөрыд мый нө төдліс,  
Мый нө аддзыліс миян пач?  
Гашкө, думгяснас лэбзьывліс ылө,  
Аддзис том кадсө, мичаник вөт,  
Афганистанын дзик зарни кодь лыа,  
А Бухараын энэжыс мөд.

Ак, и ме тōда муяссō тайōс —  
Ветлōм-муно̄мо̄й артмис вель кузь,  
Но быд туй чужанінлань тай вайō,  
Гортад медлōсьыд веськōдны мудз.  
Но он вермы важ вōтъястō видзны,  
Да и видзнысō, гашкō, оз ков.  
Сōмын ов, миян ыбыввса идзас,  
Менам важся пу керкаōй, ов!

1923 во

Вуджōдис **Альберт Ванеев**

\* \* \*

Югыд би пестом лоз енеж выв  
Чужан му выло югорьяс койо.  
Пани муслуна выль сьыланкыв,  
Талун медводзысь усьпаньвыв вои.

Волі ставнам ме — идортөм сад,  
Курыд юанлань, нывьяслань сетчи.  
Они воис нин дугдыны кад,  
Медым олөмөс не войтны сэтчө.

Эськө сөмын мед видзөдны нэм  
Тэнад зарнион лөсталысь синмө,  
Важсьыс медым не казътывны нем,  
Мед эн мун некор мод мусук динө.

Кокни ветласног, шань чужөмбан...  
Эськө сьөлөмнад восьтин кө сямөс,  
Кужө радейтны кыз хулиган,  
Кутшөм овлывлө шаньон да рамөн.

Эськө кабакө сэсся эг шед,  
Да и эновтчи гижны кывбурсө,  
Тэнсьыд киястө окавны мед,  
Медым шыльөдны зарниа юрси.

Эськө кыгшовті тэкөд Мувыв,  
Волі тэ дорын лунын и войын.  
Пани муслуна выль сьыланкыв,  
Талун медводзысь усьпаньвыв вои.

1923 во

Вуджөдіс Альберт Вансеев

\* \* \*

Коть мѳд зон мичлун нюліс нин,  
Но ме тшѳтш мыйкѳ мында судзи:  
Мем колис дзор юрсилѳн тшын  
Да сингьясыдлѳн арся мудзѳм.

О верстьѳ арлыд! Арся нѳм  
Том кадысь, гожѳмысь на дона.  
Тѳ кык пѳв муса лоин мем —  
Поэтлѳн мѳвпыс ырзис ѳна.

Оз некор сьѳлѳм менам сѳр,  
Ог ышмы, аски збыльысь югда.  
И шуѳм кывйѳс ог босьт бѳр —  
Ме хулиганѳн лоны дугда.

Да, колѳ эновтчыны збыль  
Мем повтѳм дурѳм-йѳйталѳмысь.  
Ѳд ѳні сьѳлѳм менам выль  
Да-й вирѳй мездмис кодалѳмысь.

Сентябрыс менсьым ѳшиньтас  
Со таркѳдывлѳ ыргѳн баддѳн,  
Мед вѳлі воиг кежлас дась,  
Мед менѳ виччысьтѳг эз садьмѳд.

Ме, гашкѳ, абу важкодѳ сюсь,  
Оз дѳзмѳд-майщѳд олѳм ладыс.  
Дзык мѳд кодѳ петкѳдчѳ мем Русь,  
И гортѳй мѳд, и шойна ягыс.

Кор видзөдлывла гөгөрбок,  
Ме пырыс аддза олөм серсө,  
Өд тэ дзик өттшөтш чой и вок,  
Поэткөд орччөн лоны вермысь.

Дзик өтнад водзын овла рад  
Шань олөм йылысь панны сьылөм,  
Кыз туйын суис рөмдан кад  
Да вешйөм-мунөм дурөм йылысь.

1923 во

Вуджөдіс Анатолий Афанасьев

\* \* \*

Со мый, мусаой, ме вѳзья:  
Пуксям орчѳн лѳня, бура.  
Мелі сингьяс водзад кѳсья  
Кывны сьѳлѳм пыгша турѳб.

Тѳнад юрси — небыд зарни,  
Сибѳдан кѳ, воша сѳтчѳ.  
Талун важся моз ог ярмы,  
Тѳкѳд дурѳмѳ ог сетчы.

Важѳн чѳвті чужан пельѳс,  
ѳні карын менам гортѳй.  
Сѳрниясысь сьѳдмѳ пельѳй:  
Ме пѳ лои эштѳм мортѳн.

Ме ѳд кѳсий, медым сьѳлѳм  
Казьтіс гожся садйѳ петѳм.  
Вѳр-ва музыка кѳн вѳлі,  
Быдті ачымѳс поѳтѳн.

Сиктѳ ѳні ар жѳ воис.  
Кор нин усьѳ нинпуясысь.  
Кулѳмгьясѳс асья войѳдз  
Корсьѳны жыр ѳшиньясысь.

Мыйла оз кыв олан гажыс,  
Сьѳкыд гѳгѳрвоны пулы.  
Олысьясыс зѳв нин важѳн  
Чѳв олѳны крестьяс улын.

Ми өд на бөрся жө мунам  
Некор бергөдчыгөм вылө.  
Та вөсна и косья шуны:  
Век жө шань тэ, олөм-вылөм.

Со и, мусаөй, ме вөзья —  
Пуксям орччөн лөня, бура.  
Мелі сингяс водзад косья  
Кывны сьөлөм пытшса турөб.

1923 во

Вуджөдіс **Владимир Тимин**

\* \* \*

Тэ чужтан менсьым жугыльмөм:  
Ёсь дой и жалитөм сэк волас.  
Дзик сөмын бадьлысь ыргөн рөм  
Сентябрыс тэд да меным колис.

Ни шоныд нюм, ни муслун, дерт,  
Эв лышкыд вом дорад оз ловззы.  
И быгтьö пызйö арся зэр,  
И киссьö кусны босьтчөм ловсянь.

Но мый! Ме ог жö ёна пов.  
Мөдпөлөс нимкодъ воссис меным,  
Öд нинөм сэсся эз коль со —  
Дзик сөмын сисьмөм, васөд пемыд.

Öд видзны ачымөс эг куж,  
Мед овны лөня, гажа нюмөн.  
Эг уна ордымгяс ме вудж,  
А сконгьясьлісö сэтшөм уна!

Йөз серам миян олан лад.  
Сідз вөлі, водзö лоас сідзи.  
Дзик шойна яг кодъ арся сад,  
И йирөм лы кодъ еджыд кыздзяс.

Ми тадз жö көдзаламөй со,  
Кызд садьысь гөстгяс мунам лөня.  
А төлын дзоридз кө оз ло,  
И шогсьыны ог кутөй öні.

1923 во (?)

Вуджөдіс Анатолий Афанасьев

\* \* \*

Ыркыд лов шынад менө эн мучит,  
Кымын арөс мем, эн юась, эн.  
Колис менам дзик лыйи да кучик,  
Сьөкыд лов вылын овлывлө мем.

Вөвлі кад, лача видзны кор позис  
(Челядьдырйи ми бордьяөсь век),  
Мый ме нималысь лоа и озыр,  
Ставлы мусаөн лоа ме сэк.

Да! Ме озыр и озыра олі:  
Коркө новлывлі весиг цилиндр.  
Дөрөм пыдди манишка тай коли,  
Да-й штиблет важөн киссьөма нин.

Да и нимала лөк ногөн сідзи —  
Менсьым кодалөм коді оз төд?  
Менам нимой Москвасянь Париждэ  
Кыдз забордорса матькөм да сөт.

Да и радейтөм, абу мой тешкодь:  
Кор тэ окалан — вом дорыд көрт.  
Менам муслуной пактавыны эштіс,  
Тэнад — эджык на дзоридзө пөр.

Меным водз на зэв шогсьыны-дурны,  
Ог на виччысь ме олөмлысь пом.  
Кыркөтш бокын со зарни пөттурун  
Кышакылө и мича, и том.

Көсья сәні, кӧн кышакылӧ  
Том пӧттуруныс, сулыштны чӧв,  
Сунны-дзѣбсьыны нимавтӧм вылӧ,  
Видзны сьӧлӧмын челядьдыр мӧвп.

Сэсья мӧвпавны дзик мӧдтор йылысь,  
Мый оз гӧгӧрво турун ни му,  
Мый не гаравны сьӧлӧмлы кылӧн,  
Да и морт сылысь нимсӧ оз шу.

1923 во (?)

Вуджӧдіс **Альберт Вансеев**

\* \* \*

Зумыш синкым пыр сьод войыс дзоргö.  
Вөвъяс ывлаын корскöны со.  
Эг-ö тöрыг ме юömөн торксьы?  
Эн-ö тöрыг тэ мустömөн ло?

Эн, эн корскöй тi, сёрмöдчöм вөвъяс!  
Төвзис нэмöй, и быгтгö эз вөв.  
Гашкö, аски нин олömöй овсяс —  
Висян вольпасьын ланьтöдча чөв.

Лоны аскиыс мöд нога вермис —  
Нуа тась бурдöм-вынсьлöm борд,  
Кывза сьыланкыв льöмлысь да зэрлысь,  
Кыдзи кывзывлö дзоньвидза морт.

Лёкыс-букьшыс вунас и кусас,  
Сьод вын чашйивлiс менö вель дыр.  
Мелi-шаньöй, тэ нэм кезлö муса,  
Тэнö помнитны кута ме пыр.

Мед кöть мöд нывкöд лоа ме шуда,  
Но и мöдыскöд, мусакöд сэк  
Мелi-шоньыда казьтывны кута,  
Кодöс донаөн нимтывлi век.

Казьта-висьтала, мый шедiс-сюрис  
Олём вуджиг... Ог дзёб нинöм ме.  
Пессьысь вежөрöй, збоялысь юрöй,  
Мыйла этатчöдз вайöдiн тэ?

1923 во

Вуджöдiс **Владилен Крюков**

\* \* \*

Аттö, ёна жö мудзсьöма менам...  
Ставыс жугуль, кöть он быгтьö вись.  
Вöтөн аддзи Рязань весьтса енэж,  
Туйтöм олöмöйлысь дзугсьöм визь.

Уна-й ичмоньыс радейтліс менö,  
Да-й эг öтилысь сьöлөмөс сет.  
Гашкö, та вöсна-й омöлысь венö,  
Тшöктö, нöшта на юсьылі мед.

Некор помасьтöм кодалан войяс,  
Сибдысь-сибалысь шогыслөн ляк.  
Гашкö, та вöсна-й синьясöс сөйö,  
Быгтьö лөзөдöм корьяссö, гаг.

Абу шогыс, кöть мөдкөд нин дурö, —  
Ачым мөд нывлань ляскысьны рад.  
Зарни юрсилысь коркөя турун  
Кутіс вочасөн рудöдны кад.

Кутіс пöим кодь, ва кодь да лоны,  
Арыс сөдзөдö гудырсö кор.  
Кольöм воясыс выльысь оз воны,  
Нем ог жалит, ог бергөдны кор.

Мудзи весьшөрö ачымөс вины,  
Тешкодь нюма со чужөмöй бөр.  
Муса меным, мый сибалис дінö  
Регыд помасян олөмлөн көр.

Весиг кокниа воськолöй нуис  
Сэтчö, көнi кабак да притон.  
Эськö пыксьöны вөръяс да юяс,  
Сöмын чабыртö горша бетон.

Менам сiдзи жö, кызди и налөн,  
Кутiс вочасөн ыркавны лов.  
Но ме копыртча мулы и валы,  
Көнi чужли, да öнi ог ов.

Көнi клён улын быдми да олi,  
Вижов эрдъясын вöли көн сюсь.  
Воробейлы да ракалы чолём,  
Тэныд чолём, көш бугыля сюзь.

Горза тулысөн лөзөдём эрдас:  
«Муса лэбачьяс, юөртöй вай:  
Менам йöйлуной, буракö, бердiс, —  
Мед жö рудзөгкөд пуркөдчас тöлыс,  
Кыпыд ловнас мед пöльтас бур пай».

1923 во (?)

Вуджөдiс **Василий Лодыгин**

## КӨНІ ГАЖА ПӨРА

Көні гажа пөра,  
Менам том, бур кадөй?  
Отравиті сійөс  
Сирва курыд ядөн.  
Ог төд, көні помөй,  
Матын али ылын...  
Сингяс пытшкысь сөдзлун  
Вина пытшкын сыліс.  
Көні шудөй? Пемыд,  
Шогөй вөрө пыдын.  
Му вылын-ө? Кабакын?  
Нинөмтор оз тыдав.  
Кияс нюжөда и со  
Бура кыла ставсө:  
Мунам, вөвгяс, додь да лым,  
Мунам кыддза раскөд.  
— Эй, ямщик! Ми надзөн тадз?  
Чайта, абу польсь.  
Татшөминті абу жаль  
Пыркөдыштны лолөс. -  
А ямщик мен кайтө пыр:  
— Татшөм омөль туйөд?  
Турөб дырйи вөвгястө  
Пөсьөдны оз туй өд:  
— Тэ, ямщик, тай вөлөм трус!  
Вайлы, мый сэн узян? —  
Швичкө менам кыын плеть  
Вөвгяслөн мыш кузя.  
Вөвгяс лэбөны, кыдз төв,  
Өвтчө налөн бурси,

Друг сэн г-гып, и веськыда  
Тола пио уси.  
Чеччи, аддза... Вөвьяс көн?  
Вошөмаось? Мыйла?..  
Койка вылын, көртасьём,  
Больничаян куйла.  
Ме ог аддзы вутшкось туй,  
Некөн абу вөвьяс.  
Ва көртөдөн нойта ме  
Ассьым чорыд крөвать.  
Часі вылын, усьяс моз,  
Мунёны кык стрелка.  
Гөгралёны ме дорын  
Некымын сиделка.  
Гөгралёны, горзёны:  
— Эй тэ, зарни юра,  
Отравитін ачыл тэ  
Асьтө тайё курнад.  
Ми ог төдөй тэнсьыд пом,  
Матын, али ылын.  
Лөзов мича сингьястө  
Кабакын тэ сывдин.

1924 во

Вуджөдіс **Ананий Размыслов**

## МАМЛЫ ПИСЬМӨ

Ловъя на тэ, менам пöрысь мамöй?  
Ловъя-й ме. Тэд чолөм ыстө пи.  
Мед жö керка весътсыным оз саймыв  
Рыгтя кадö ломзбысь кыа би.

Кывсис мем, көть майшасътөмтö дзедан —  
Тэнö йирö ме вöсна сьод шог,  
Менö виччиг мир туй вылö петан,  
Пельпом вылад — киссьөм дукöс шой.

Рыгтя пемыд лөз ру пуксьөм водзын  
Мисьтөм думөн тырö тэнад юр:  
Быгтьöкö кабацкöй чорыд косьын  
Кодкö меным сутшкис финскöй пурт.

Нинөм, нинөм, мусаöй! Эн шогсы.  
Тайö сөмын кузь да мисьтөм вöt.  
Эг на помöдз юсы, и ме локта,  
Ме ог кувсы тэнö адзывтöг.

Важ моз тэнö радейта зэв ёна,  
Видза юрам сөмын öти мөвп.  
Кыз ме кöсья ляпкыд гортам воны,  
Тэ сы йылысь, гашкö, он и тöд.

Локта сэк, кор розйөн вöччас садным,  
Вежодас кор эзысь кызлөн вож.  
Сөмын öнi менö тэ эн садьмөд  
Муртса-муртса югдиг, водзысь-водз.

Тэ эн садьмөд сийӧс, мый ог думайт,  
Тэ эн казътыв сийӧс, мый оз ло, —  
Унатор ме вошті, ёна мудзлі  
Ассъым олӧм туйӧс вуджигмоз.

Кевмысьны эн велӧд менӧ выльысь,  
Менам абу бӧрлань косан туй.  
Сӧмын тэно кора отсӧг вылӧ —  
Тэ ӧд менам гаж да югыд лун.

Сідзкӧ, ассъыд майшасьӧмтӧ вунӧд,  
Мед оз йир ме вӧсна курыд шог,  
Мед оз тыдав туй вылын быд луно  
Важ модаа киссьӧм дукӧс шой.

1924 во

Вуджӧдіс **Альберт Ванеев**

\* \* \*

Ньӧжйӧникӧн ставным сэтчань мунам,  
Кӧні лӧнь, кӧн нэм кеж шойччанін.  
Гашкӧ-й менам туйӧ петан луныс  
Абу ылын, кӧнкӧ орчӧн нин.

Муса расъяс! Радейтана кыдзъяс!  
Лыа кӧджъяс! Дона чужан му!  
Сэтчань мунысь йӧзлӧн чукӧр водзас  
Ассыым шогӧс дзєбны ме ог куж.

Вӧлі муса мем, и ловлань сибыд,  
Сьӧлӧмӧс мый вӧрзбӧдлывліс тан.  
Мед жӧ олас-вылас гирзбъысь пипу,  
Коді аддзӧ юлысь рӧмпӧштан.

Уна думъяс юрын пӧжны ковмис,  
Сыланкывъяс тэчны усьліс пуд.  
Лолавны да мортлысь олӧм овны  
Шог му вылын енмыс сетліс шуд.

Шуда, мый эг этша нылӧс окав,  
Тальлі турун-дзоридзъяса видз,  
Кывтӧм пемӧслы, кыдз ичӧт воклы,  
Юрас ме эг кучкыв некор дзик.

Тӧда, сэн оз дзоридзавны расъяс,  
Рудзӧг сэн оз чатрась, быгтьӧ юсь.  
Уна йӧз кор сэтчань муно тасянь,  
Йирмӧг босьтӧ — садь вывсьыд кӧть усь.

Тода, сэсь ог аддзёй, мый ми косьям,  
Оз нин югдыв пемыдінас сэн.  
Сы вёсна и донаось мем йёзыс,  
Кодъяскөд ме колялі морт нэм.

1924 во

Вуджөдіс **Альберт Ванев**

\* \* \*

Со гылааһоны коръяс зарни раслөн,  
И гажа кыз пу лигышмунис чөв.  
И шога-нора лэбысь турияслөн  
Кызд быгттьо жалбөн колянтор эз вөв.

Да-й жалитнысö кодос? Тодам асьным:  
Му вылас регыд олам — вошам бөр.  
Став мунөм йөзсö шабди муой казтьо  
Да төлысь, кодi шөйтö вой шөр бөр.

Ме восьсаинын сулала вель дыр нин:  
Со тури кельөб вошис төвзигсор.  
Эг, ме эг вунөд ассьым челядьдырйос,  
Көть эз жö коль сэн жалитанатор.

Мем абу жальөсь весьö вошөм вояс,  
Сиреньөн ыпйысь лолөй чусмө надз.  
Гөрд биөн сотчö пельсь асья войын,  
Но оз нин шонгы некодос тай нач.

Оз чишкась розйыс кодзыд биа сывйысь,  
И турун нэм оз кельдөм вөсна ор.  
И гылөда ме сідз жö гажтөм кывъяс,  
Кызд арся пельсь гылөдывлө кор.

И дырөн-кадөн өгчукөрө төлыс  
Тшөтш гартас кө став усьөм ковтөм кор...  
Тi шуой сідз... мый раскыс зарни вөлі,  
Но ланьтiс сьлөн шань да мыла гор.

1924 во

Вуджөдiс **Альберт Ванеев**

## КАВКАЗЫН

Эв важысянь нин роч Парнас  
Пыр зілис восьтны тōдтōм муяс.  
И медся ёна тэ, Кавказ,  
Век саймовтчылін нōдкыв-руас.

Тан Пушкин шуис сьōлōм кыв,  
Кор мырдōн ыстылісны ылō:  
«Эн сьыв ме дырйи, мича ныв,  
Тэ жугыль Грузиялысь сьылан».

И Лермонтов тан шогсис чōв,  
И Азаматлысь шогсō кыліс:  
Казбичлысь корис вежны вōв  
Эз зарни вылō — чойыс вылō.

Мый чужōм курдōдлō нюмсер,  
Мый мукōдъясысь вылын сійō,  
Пōгибнитіс том офицер —  
Пээтōс аслас ёртыс виис.

И Грибоедовлōн тан гу,  
Морт гудыр Персияын уси,  
И босьтис Грузиялōн му —  
Зурналōн бōрдōм улō узьō.

А талун, Грузияйō, ме  
Тэ ордō помкатōг со волі:  
Гу места бōрйыны тан мед,  
А, гашкō, помавны и олōм.

Мем веськодъ дзик! Вель уна дум  
На йылысь, шань йӧз йылысь ӧйис.  
Тан йӧймӧм юлӧн бузган шум  
Пыр бурдӧдлывліс муном йӧзӧс.

Ӧд татчӧ пышйылісны сэк,  
И ёрт, и враг мед сайсис ылӧ,  
А вежтас аддзӧм могысь век  
Тан кайлывлісны гӧра вылӧ.

Мем пежыс тшӧтш эз этша шед,  
Ме пышйи — эновті богема.  
Ме талун мӧд нога поэт —  
Эпическӧйӧс босьті тема.

Мем муса роч кывбурлӧн жар.  
Эм Маяковский, сӧмын то нӧ,  
Кызд ӧнъя кадся штабс-маляр  
Со дзикӧдз сибдіс Моссельпромӧ.

И Клюев, ладогаса дьяк,  
Быд кывбур быгтьӧ телогрейка.  
Мый сӧмын гижӧдас оз як:  
Ме лыдди — куліс канарейка.

Ог казътив мукӧдъяссӧ, ог,  
Ӧд кӧдзыд сьӧлӧм нем оз чужты,  
И бумагасӧ колан ног  
Со лянны-серӧдны оз кужны.

Кавказӧй, прӧстит: вошлі дзик,  
Эг тӧдлы — казъті туйтӧм йӧзӧс.  
Мед юкталас роч кывбур-стих  
Кизилысь пычкӧм чӧскыд сӧзыс.

Вӧч сідз, Москваӧ воӧм мысыт,  
Мед пані мича-бур поэма,

Мед менö гудравны эз лысьт,  
Эз вермы некутшöм богема.

Мед роч поэтöн шуöм кыв  
Медбөръя олан здукам кылі:  
«Эн сьыв ме дырйи, мича ныв,  
Тэ жугыль Грузиялысь сьылан».

1924 вося сентябрь

Вуджодіс **Альберт Ванев**

## КЫЧАН

Бара югдiсны пемыдлӧз вояс,  
Воссис виж катшасингыяса луд.  
Сэкса пон менам дум вылӧ воис,  
Кодi аддзылис томдырся шуд.

Ызгысь томлуной пыр кезлӧ кывтiс,  
Ланьтiс, быгтьӧкӧ трӧпӧкмӧм клён.  
Еджыд паськӧма казгытвсис нывка,  
Кодлы пон вӧли сэк почтальон.

Вӧли ныв менам медматыс мортӧн,  
Вӧли ныв медся шань сыланкыв,  
Гашкӧ, сийӧн, мый нылыс пон ордысь  
Ньӧтчыд эз босытлы гижӧда кыв.

Некор менсьым эз лыддывлы гижӧд,  
Кодi вӧли шань муслунӧн тыр.  
Жовпу дорын, кӧн пруд гызис вижӧн  
Нылыс мӧвпалiг пукавлiс дыр.

Сийӧ понийс, дерт, важӧн нин кувлис,  
Но и эталӧн сы кодь лӧз син.  
Менӧ уськӧдчис азыма увтны  
Сэкса понийслӧн кычиыс нин.

Сё мокасьтӧ! Дзик ӧткодьӧсь поньяс!  
Бара быйкнитiс вунӧдлӧм дой.  
Тайӧ дой вӧсна бара ме томми,  
Кӧть запискаась бара кузь вой.

Нимкодъ кывзыны томдырся сьылан.  
Но эн увт тэ! Эн увт тэ вай!  
Вай ме окышта тэнö... Кылан?  
Бара садъмөдін сьөлөмын май.

Пөся окышта, пыртөда гортө,  
Шоньд-пось лоас ёртасян сьв...  
...Еджьд паськөма мусмыліс коркө,  
Өні муса лөз платтьöа ныв.

1924 во

Вуджөдіс Олег Уляшев

\* \* \*

Ляпкыд керкалөн лөзов өшинь тас  
Менам паметьысь нем оз вун.  
Кольём воясыс вөліны лөсьыдөсь,  
Көть и найос нин вевтгис ру.

Весиг талунөдз аддза вөтөн  
Төдса видзьяс и вөр, и му,  
Налөн шебраснас, бура төда, —  
Войыв енэжным — голь и руд.

Шензьём-чуймалём оз нин ков меным,  
Но и лөнътасын эг эськө ов.  
Меным, роч мортлы, сетөма енмыс  
Өдйө нормысь да меліник лов.

Горзысь турияс мусаөсь мем.  
Сөмын сьолөмөс тыртөны дойөн:  
Эз өд адзывны коньөрьяс нэм  
Гольмөм му вылысь пөтөса сёян.

Сөмын төдлісны дзоридзлысь мич  
Юдор бадь пу, код пасьтөм и чукля.  
Да лөквөрсалысь виччысьтөм шутөв,  
Мьйысь кокниа повзылам ми.

Тэнө радейттөг овны эг куж,  
Тэнө мустөмөн некор эг шулы.  
Донтөм ситечлөн шебрас улын  
Сідз жө муса тэ, чужан му.

Сійөн меным и казътывны кӱсийысьӱ  
Кольӱм вояс, кыз кольӱм лун.  
Ляпкыд керкалӱн лӱзов ӱшинь тас  
Менам памттысь нэм оз вун.

1924 во

Вуджӱдӱс **Альберт Ванев**

## БРЮСОВӨС КАЗЬТЫЛӨМ ВЫЛӨ

Ми кулалам  
И олөм эз вөв кузь.  
Но миянөс  
Оз некор вунөд Русь.

Вель уна вөвлі мусук —  
Том и пөрысь ань.  
И корысь мортлөн нопйысь  
Сейлім нянь.

Эг радейтлөй ми  
Кодлөн вузөс юр.  
Планета, донаөй,  
Тэ гөгыльтчы да ю.

Важ рифмаясөн  
Вөдитчылім ми.  
Мый чужліс юрын —  
Сийөс гижліс ки.

Ми өтка йөзөн вөвлім,  
Дона ёрт.  
Эн элясь и эн жалит  
Нинөмтор!

Со кувсис Брюсов.  
Миян шогным ёсь, —  
Голь мортлөн нопйысь  
Луњьястө он босьт.

Ми кулам, пемыдсьыс  
Он лэбзы, ни он усь.  
Валерий Яклевич,  
Сэн лөня узь!

*1924 во, октябрь 9—10 лунгяс*

Вуджөдіс **Виктор Напалков**

## СТАНСЪЯС

Сиома П. Чагинлы

Ассыым сямлун муртавтөг ме төда.  
Кывбур гижөм — абу сьöкыд удж.  
Чужан муос радейттөг ме пöда,  
Радейттөгыс овны ме ог куж.

Кодзув, төлысь, нывка йылысь кывбур  
Гижны, гашкө, вермас и быд морт.  
Но дзик мөдтор сьöлөм менсьым кырö,  
Мукод думысь öдва юр оз пот.

Кöсья лоны сьылысь гражданинөн,  
Быдөнлы мед лоа бур пример.  
Мөд-мөд батьсянь эг мед ло ме пиөн,  
А мед пиөн шуис СССР.

Пышйи ме Москваысь вель дыр кежлö:  
Эг люкась милициякөд мед,  
Кодаломьсь некод мед эз кеслы,  
Дзескыдинö бара мед эг шед.

Сьöкыд узыны чорыд лабич вылын,  
Сэсся тшöктö менö йөртысь морт  
Кывбур лыддыны рам пышкай йылысь,  
Клетка пытшкын кодi жуглö борд.

Но ме абу кенар! Ме — поэт!  
Абу пöв ме кутшöмкö Демьянлы.  
Корсюрö кöть юла, эг на янав,  
Бурö эскөм синьясысь эз берд.

Ставсö аддза, гөгөрвоа төлксö:  
Абу тшаква выльөн чужом нэм.  
Ленин — тайö нимыс шувгö төв моз,  
Ышодана мөвгьяс вөзийö мем.

Зильöй, ёртгьяс, төлкөн-сямөн овны.  
Ме — племянник, тi мен ставныд дядгьяс.  
Вай, Сергей, ог кутöй сэсса дадны —  
Маркслысь книга видам гөгөрвоны.

Лунгьясыс, кыз шоргьяс, котөртöны юö.  
Шыпасгьяс моз видалöны каргьяс.  
Со, Москвасянь воим ми Бакуö,  
Кöни уджыс пуö кыпыда и яра.

«Видзöд... — шуö Чагин. — Оз сюр весиг кыв:  
Вичкобыс на мича мусир пергьян вышка.  
Аддзанторйыс пыдöдз йиджö морös пытшкö,  
Сыв, поэт, мый ловгья. Сьölөмсяньыд сыв».

А мусир ва вылас — кыз быгтгö перслөн шебрас.  
И кодзугьяссö рыгыс койис быдса куль.  
Яр кодзугьяскöд вензгыны на вермас  
Син ёран пöнаргьясөн пöртмасгыс Баку.

Индустриальной вынйөр миян содö,  
И ыджыд вынөн йöзлөн сьölөм тыр.  
Мем тырмас сывны төлысь, кодзуг, шондi...  
Виль темаяссö корсьны абу дыр.

И ачым аскöд сёрнитышта сэсса,  
Да-й Маркслысь книга киö босьтны рад:  
И гажтөм лист бокгьяснас эскöй коть эн эскöй,  
Ме югдöдыштны зiля гудыр садь.

1924 во

Вуджöдiс **Виктор Напалков**

## АНЬЛЫ ПИСЬМӨ

Ті помнитанныд,  
Помнитанныд, тӧдӧмысь,  
Кызд стенлань ляскысьӧмӧн  
Сулалі ме чӧв,  
Ті мыйкӧ меным  
Шуалінныд скӧрпырысь,  
И чорыд-лэчыд кыв  
Ме кывзі уна пӧв.

Ті висьталінныд:  
Торйӧдчыны кад нин,  
Мый менам йӧйталӧмӧй  
Весьӧпӧртис со,  
Мый тиян регыд  
Колӧ воны садьвыв,  
А меным  
Увлань исковтны быд во.

Да, дона-донаӧй!  
Ме тиян мустӧм вӧлі.  
Эн тӧдӧй ті,  
Йӧз дорас нӧйтчи кор,  
Мый вӧлі  
Быгӧдз вӧтлӧм-нӧйтӧм вӧлӧн,  
А вӧвсӧ верзьӧмаліс  
Повтӧм морт.

Кор чужӧм матын,  
Мӧд чужӧм оз тыдав,  
Век ылысянджык

Аддзан ыджыдгор,  
Корабль тай овло  
Нөйтөм морт кодъ жалъөн,  
Друг саридз веркөс  
Пузяс-гызяс кор.

Корабльыс — Муным!  
Сөмын кодкө друг  
Вьль олөм бөрся,  
Слава бөрся  
Со зильө разьны  
Турөб дзуг  
Да водзлань  
Нетшкысьö да вөрзьö.

Но палубаыс вильыд сэн,  
И этша, коді усьтөг кольлө.  
Но зумыд йөзыс век жө эм,  
Код саридз нөйтчигөн оз кольмы.

Сэк лэччи-й ме,  
Көн зык да шум  
Да уджөн пальөдчыны көсийн,  
Но видзөдлі корабльысь трюм,  
И восөдөмсö аддзи йөзлысь.

Өд сийö трюмыс —  
Роч кабак,  
И юрөс копырті стөканлань —  
Ме ньылалі коддзөдан чад,  
Эг майшась,  
Пөдті ассьым сямлун.

Збыль, донаой!  
Ті мучитчид,  
И видзөдласныд шогөн тшыкис:  
Ті водзын нерсьөм моз жө дзик  
Ме олөм лоті вензьөм-зыкын.

Эн төдөй ті:  
Ме гөгөр тшыныс сьод,  
Да-й быд лун бушков гышкөм кылі.  
Сы ради майшаси өд,  
Мый эг төд,  
Ме шеді кутшөм визув вылө.

.....

Но вояс лэбисны.  
Ме лои верстьө морт,  
И мөвгьяс вежсисны,  
И важся моз ог пошкы,  
И праздник юиг шуа отитор:  
Ме олөм веськөдлысьөс талун ошка!

Ме талун небыд —  
Меліасьны дась,  
Ме ассьынымлысь казыті  
Жугыль мудзсө,  
И тьян дорө  
Котөртны ме дась,  
Мед висьтавны:  
Эз дзыкөдз олөм кучкав.

Да, донаой!  
Зэв нимкодь шуны мем,  
Мый усьны верми,  
Эг кө эськө кутчысь.  
Сөветскөй муын  
Талунсянь ме эм  
Зэв яра власть дор сулалысь попутчик!

Ме абу сэтшөм,  
Кутшөм вөлі сэк,  
Эг эськө тьян водзын  
Юрөс янөд.  
Өд мездлун знамя бөрся

Абу грек  
Ми воклы талун  
Восьлавны Ламаншөдз.

Ме прёща кора...  
Тода, шаньёсь ті,  
И төлка-сяма верёскөд ті олад,  
И весьшөрө дзик майшасямой ми —  
Ме тян  
Войт мында өдвакө кола.

Кызд кодзув индалө,  
Ті олөй сідз,  
Выль вевт улын  
Ті шаньмой сәні.  
Пөсь чолөм ыстө,  
Немся лөг оз видз  
Важ төдсаныд —

СЕРГЕЙ ЕСЕНИН

1924 во

Вуджөдіс **Альберт Ванев**

## ТУРӨБ

Печкөй, лунгяс, бөрө кольөм кадсө...  
Олан сямсө  
Некор оз веж морт.  
Ачым аскөд  
Некор ме эг ладмыв,  
Ачым аслым  
Быгтьө вуджөр-орт.

Менам киясь книга весиг усьө,  
Босьтө ойбыр,  
Сідзи-й личкө ун...  
Өшинь сайын —  
Быгтьө регыд кувся —  
Төлыс лимзө-бөрдө  
Лунысь-лун.

Кушмөм клён  
Сьөд йывнас киргө-нускө,  
Вөчны эськө сысь  
Пачө пес.  
Абу пу, а сюръя —  
Мисьтөм, мустөм,  
Көсьян өшөдчыны:  
Шыркнит сэтчө гез.

Мышку сайө кияс кресталөмөн  
Өшөдчыны  
Талун жө көть мун:  
Сысь, мый ме чирөм сьыланкывийөн  
Чужан мулысь торклі  
Чөскыд ун.

Ог ме радейт  
Петукъяслысь горзём.  
Вын кө тырмис,  
Лёк көть тайё бур:  
Войясын эз косявны мед горшсё,  
Кералі ме эськё  
Налысь юр.

Вунөді,  
Мый петук кодь жё вөвлі;  
Кор асывъяснас ме гижлі стих.  
Кывзысьлі, мый шуліс  
Аслам сьёлём,  
А батьлысь шуём  
Өтдортлі ме дзик.

Начкан порсь моз  
Руксё кылё турөб,  
Мөвкъялыштё кодзыд, йиа ру.  
Гудыр ывла  
Талун бара дурё,  
Немтор дзик оз тыдав:  
Вөр ни ю.

Тöлысьыс оз тыдав  
Енэж банын —  
Гашкё, сёйис омлявлысь тшыг пон.  
Печкан сайын  
Пукалө со мамө,  
Чöрсас гартчө  
Кудельысь шöрт пом.

Гөбөч вывсянь  
Мамлань дзоргö каньным,  
Кургö-мойдö —  
Мыйлакö оз узь.

Весьшөрö оз шуны  
Орччөн олысь аньяс:  
Тян каньныд  
Быгтё пö сьöd сюзь.

Мый куньтыр синмөн аддза,  
Тешкодь кызкö,  
Мойдын моз ме збыльсö  
Аддза тадз:  
Лапанас мем каньным  
Пига мыгчö,  
Мамöй сэки  
Тшыкөдчысь кодь нач.

Дзоньвидза-ö ачым? —  
Ог и төд ме.  
Мөвпгясöйлы  
Дзэбсьынысö көн?  
Пельясын со  
Вичко жыннин бөрдөм,  
Кувсьөм мортöс  
Гуö дзэбан звөн.

Куйла гортйын, —  
Луныс оз нин югды,  
Аллилуйя сьылөм шы  
Оз чин.  
Ыргөн деньга  
Синлап вылам пукта,  
Топыдджыка тупкыяс мед син.

Кулөм сингяс вылысь  
Босьтас зептас  
Гуалысьыс ыргөн сьөмсö. Мед!  
Сэся, трустыд,  
Мыйөн менö дзэбас,  
Юас аскур,  
Гашкö, стöкан-мөд.

Шуас:

Сылөн олём — дзугсьём вез,

Он гөгөрво

И нетшкысьёмсө талысь:

Со ээ и вермы өдөлитны, ээ,

Дзик весигтө вит лист бок

«Капиталысь».

1924 во

Вуджөдис **Виктор Напалков**

# ПЕРСИДСКОЙ МОТИВЪЯС

Вуджодис Альберт Ванев

\* \* \*

Важся сьолөм дойөй личальштис —  
Кода шобрөдлөмөн ог нин вись.  
Тегеранса дзоридзьясөн ышти,  
Бурди чайханаө пырөм мысьт.

Кыз чайханщик вий тупыль кодь быгтьө,  
Роч морт водзын педзө ачыс тай:  
Коддзөдана юанторъяс пыдди  
Мыччө меным гөрдөдз суктөм чай.

Гөститөд, көзяин, да эн вывти.  
Тэнад садйын уна дзоридз роз.  
Эз өд прөстө менсьым сьолөм сывдны  
Синьяс сьөд чадрасө восьтлгмоз.

Ассьыс тувсов нывьяссө Россия  
Поньясөс моз чеп йылын оз видз.  
Окасьоны сьөм мынтыгөг мян,  
Оз кинжалөн восьтны нывлысь мич.

Но а сылы, код вылө ме ышти —  
Вөсни коска, кья чужөмбан —  
Козьнала ме Хороссанса чышгьян  
Да ковөр ширазской мыгча тан.

Кисьт, көзяин, гөрдөдз суктөм чайтө,  
Нэм ог пөръяв тэнө войт ни чут:

Повны талун ас понда ог чайт ме,  
Но вот тэнö такöдны ог кут.

Öдзöсьястö эн жö кыйöд вывтi —  
Садьяс веськала мед, сюрас кост...  
Эз öд прöстö менсьым сьölöм сывдны  
Синьяс сьöd чадрасö восьтлiгмоз.

1924 во

\* \* \*

Сьом вежысьлысь юалі ме талун,  
Коді т'уман джынйысь коро шайт.  
«Радейта» кыв вежортіс мед Лала,  
Мем персидскöй ногон висътав вай.

Сьом вежысьлысь юалі ме талун  
Гусьон, медым некоді эз кыв,  
Шуны кыз, мед гогорвоис Лала,  
«Окасям вай», меліник кык кыв.

Сьом вежысьлысь юалі ме талун  
Сьолөм пессьом пыдө дзебигмоз,  
Шуны кыз, мед гогорвоис Лала,  
Мый мем сыгөг овнысö оз позь.

Сьом вежысьлөн дженьыдика шусис:  
Муслун йылысь огө больгöй ми,  
Муслун йылысь ышловзбылам гусьон,  
Сэся сингьясаным öзйö би.

Абу гу выв гижөд окасьомыд,  
Окасьомлөн абу весиг ним,  
Сійö — чөскыд роза либө өмидз,  
Коді сылө вом доргьясын нин.

Муслунысь не мездысьлыны миян:  
Сыкөд овлан жутыль, овлан рад.  
«Тэ өд менам» — шульвлöны кияс,  
Кодгьяс нетшышглöны сьод чадра.

1924 во

\* \* \*

Шаганэ менам тэ, Шаганэ!  
Гашкө, сійөн, мый войвылын чужи,  
Рад ме висьтавны тэныд, мый кужа,  
Кутшөм рудзөггяс миянын эм,  
Шаганэ менам тэ, Шаганэ.

Гашкө, сійөн, мый войвылын чужи,  
Көні төлысьыс югыд сё пөв,  
Көть Шираз кутшөм мича эз вөв,  
Ассьым ылыс Рязаньос ог вузав,  
Гашкө, сійөн, мый войвылын чужи.

Рад ме висьтавны тэныд, мый кужа...  
Татшөм юрсисө сетис мем рудзөг,  
Сійос, колөкө, гартлы тэ чуняд.  
Дой ог кыв ме, көть нетшкавлы вужнас.  
Рад ме висьтавны сійос, мый кужа.

Кутшөм рудзөггяс миянын эм,  
Юрси прать серти төдса нин аслыд,  
Пыр көть, донаой, нюмъяв и радлы,  
Сөмын некор эн казтьывлы мем,  
Кутшөм рудзөггяс миянын эм.

Шаганэ менам тэ, Шаганэ!  
Эм өд войвылын өти том нывка —  
Дзик жө тэ кодь и мича, и мывкыд.  
Гашкө, ме йылысь думайтө сэн...  
Шаганэ менам тэ, Шаганэ!

1924 во

\* \* \*

Висьталан тэ, мый Саади  
Окавлывліс сөмын нёнъ.  
Виччысьлы тэ, воас кадыс  
Төдны окасьомльысь дон.

А Евфрат сайын пö роза  
Нывъяс серти мичаджык.  
Эськө вöлі кö ме озыр,  
Сьылі мөд ногөн ме дзык.

Эськө розаяссö сәні  
Вундалі да нетшки ме:  
Енма-муа костас меным  
Муса сөмын Шаганэ.

И эн шу: оз вöчны тадзи,  
Дивигöны кö — и мед,  
Чужи кö поэтөн, ачым  
Окася ме, кызэ поэт.

*1924 во. декабрь 19 лун*

\* \* \*

Некор ме Босфор пролив эг аддзыв,  
Сы йылысь ог сёрнитой вай ми,  
Тэнад сингьясысь кор аддза саридз,  
Веркӧсас кӧн ыпгялӧ лӧз би.

Эг ветлы Багдадӧ караванӧн  
И эг нулы сэтчӧ хна да шӧвк.  
Копыртчы вай мелань, менам шаньбой,  
Пидзӧсчаньӧн сулышта ме чӧв.

Либӧ выльысь гарала ме сийӧс,  
Кӧть и висьталӧмой веськодъ тэд,  
Мый вель ылын, кӧні эм Россия,  
Лыддысья ме нималысь поэт.

Менсьым лолӧс ышӧдӧ тальянка,  
Весиг понлӧн увтӧм — меным шуд.  
Он мой кӧсийы тӧдны, персиянка,  
Кӧнкӧ ылын лӧзалысь Роч му?

Ог ме пальӧд гажтӧмгчана висьӧм —  
Локті: сьӧлӧм кӧсийис ӧтитор,  
Медым юсьлӧн кияс сывъялісны  
Быгтӧ мелі, небыд, шань кык борд.

Олӧмам ме важӧн лӧньтас корся,  
И кӧть ог ёр ассьым кольӧм нэм,  
Висьтав меным чуймӧданаторьяс,  
Гажа чужанінтӧ ошкы мем.

Да-й, тальянка, шогос пөдты регыд,  
Тэнсыд лов шы кывзышта ме чөв,  
Ылыс войвыв мусук понда медым  
Ме ог лелькуйт гажтөмтчана мөвп.

Өнөдз на Босфортө ме эг аддзыв,  
Сы йылысь вай мөвпалыштам ми.  
Збыль өд: тэнад синьяс быгтьө саридз,  
Веркөсас көн ыпгялө лөз би.

1924 во

\* \* \*

Рыгтя кыа шафрана му вылын,  
Лөня котөртысь роза зэв рам.  
Менам донаой, меным вай сьылышт  
Сьыланкывсө, мый сьывліс Хайям.  
Лөня котөртысь роза зэв рам.

Лөнь Шираз төлысь югөрөн ойдіс,  
Лыдтөм кодзула став енэжвыв.  
Персияын мем сьөлөмөс дойдө,  
Мый чадра улө дзэбсьө быд ныв.  
Лөнь Шираз төлысь югөрөн ойдіс.

Гашкө, жарыслы медым не шедны,  
Ыргөн кучиксө дзэбөны сідз?  
Либө ёнджыка мусмисны медым,  
Бурджык гожъявтөм чужөмлөн мич.  
Ыргөн кучиксө дзэбөны сідз?

Эн чадраась тэ, донаой, эн,  
Менсьым шуөмөс пыдди тэ пукты,  
Сідз нин дженьыдик мортыдлөн нэм,  
Этша шудыс да нимкодъыс югдө...  
Менсьым шуөмөс пыдди тэ пукты.

Весиг сійө, код жеб либө мисьтөм,  
Енлөн син улысь оз вешйыв мед.  
Но а тэ мичлун дзэбны эн лысьт вай —  
Грекө вөйтчыны нинөмла тэд —  
Мам-природа эз весьшөрө сет.

Лөня котӧртысь роза зэв рам.  
Сьӧлӧм вӧтасьӧ войвыв му йылысь.  
Ачым, донаӧй, тэныд ме сьыла  
Сьыланкыв, мый эз сьывлы Хайям.  
Лөня котӧртысь роза зэв рам.

1925 во

\* \* \*

Сынӧдыс лӧзов и югыд,  
Пета ме дзоридзьяс пӧвстӧ.  
Ветлысьӧй-мунысьӧй, пукышт,  
Воны пустыняӧдз ӧвсы.  
Сынӧдыс лӧзов и югыд.

Видзьяс тэ вуджан, кыз садьяс,  
Садьясас йӧймӧдас дзоридз,  
Синьясад ыпнитас радыс,  
Копыртчан дзоридзьяс дорӧдз.  
Видзьяс тэ вуджан, кыз садьяс.

Кышӧдчӧм, шпорӧдчӧм, вашкӧм —  
Сьылӧм Саадилӧн мелі.  
Тӧлысь, мый вижов да кельыд,  
Синьясын югнитглас, гашкӧ...  
Сьылӧм Саадилӧн мелі.

Перилысь гӧлӧссӧ друг ми  
Кылам... да флейта Гассанлысь.  
Топыда сывъяліг аньӧс  
Нинӧм оз майшӧд ни, дзуг ни,  
Кылам дзик флейта Гассанлысь.

Со мый ме ӧтырыш кӧсья,  
Мудза кор аслам кузь туям,  
Дзоридза лун тӧвлысь пӧсьсӧ  
Косьмӧм нин вом дорӧн юа,  
Дзоридза лун тӧвлысь пӧсьсӧ.

1925 во

\* \* \*

Көдзыд төлысьыслөн зарни рөм,  
Олеандр-левкойон өвтө сынөд.  
Лөсьыд жө нин, гөгөр кор чөв-лөнъ,  
Шань да лөз му вывті ветлөдлөмыд.

Көнкө ылын-ылын эм Багдад,  
Көні овліс-сьывліс Шахразада.  
Сөмын сійө ланьтіс өнгя кадө —  
Жугыльмөма гора шыа сад.

Ылыс вуджөръяссө вояс чөж  
Пырзьөдөма Шойна ягса турун.  
Оз, оз садьмы татчөс кулөм йөз,  
Копыртчан коть налань шогсян юрөн.

Видзөд, кутшөм лөсьыд гөгөрбок:  
Розаяслань вом дор кыссьө тані.  
Весиг враг оз чужты лөг да шог —  
Ловгья морөс ойдөдас шафранөн.

Овны кө нин — мусукасьны пөся.  
Төлысь улын пөттөдз окась вай.  
Кулөм йөзлы копрасьны кө көсьян,  
Ловгьяясөс кедзөвтны эн чайт.

Весиг Шахразада сьывліс тадзи,  
Тадз жө шпоргис кельдөм ыргөн кор.  
Олөмсьыс код нинөм нин оз аддзы —  
Тайө мирас жалитанатор.

\* \* \*

Эм, эм сэтшөм өдзөс Хороссанын,  
Пыранінас дзоридз тырыс сэн.  
Гажтөмалысь пери оло тані.  
Эм, эм сэтшөм өдзөс Хороссанын,  
Но эз воссый тайо өдзөс мем.

Киын-сойын выной абу ичөт,  
Юрсиам со зарни-ыргөн эм.  
Перилөн шань сёрни мелі-мича,  
Киын-сойын выной абу ичөт,  
Но эз воссый төдса өдзөс мем.

Весьшөрө тай муслун өзтан сямой.  
Коді менсьым сьылөм кывзысь эм?  
Шагалөн кө вежөгтөмыс ямис,  
Эз кө восьты сийо өдзөс мем.  
Весьшөрө дзик муслун өзтан сямой.

Кад нин Русьянь бергөдчыны мем.  
Персия! Тэ эськө мусмин ёна:  
Жальён колян, ог кө аддзыв нэм —  
Сөмын чужаниной вывті дона.  
Кад нин Русьянь бергөдчыны мем.

Аддзысьльгөдз, пери, аддзысьльгөдз.  
И көть төдса өдзөссө эг восьт,  
Муслун нуа дыр кежлө да ылодз —  
Сьолөм дойой чөскыд зэв и ёсь.  
Аддзысьльгөдз, пери, аддзысьльгөдз.

1925 во

\* \* \*

Лөзов му, көн чужлөма Фирдуси,  
Казьтылөм оз көдзав ни оз чин,  
И он вунөд меліник урусос  
Да тшөтш жугыль мөвпа сылысь син.  
Лөзов му, көн чужлөма Фирдуси.

Персия, тэ мича, шуны нинөм:  
Би кодь роза ыпгьявны оз мудз.  
Дзоридз, коді казьтө чужанінөс  
Корьяснас и идзнас свеж да нюдз.  
Персия, тэ мича, шуны нинөм.

Юа талун медбөрьяысь тшук,  
Сынөд көрыс сур кодь коддзөдана.  
Дона Шага, гажтөм сёрни панім —  
Янсөдчөмлөн воис сьөкыд здук.  
Кывза тэнө медбөрьяысь тшук.

Дона аньёй, тэ мөй коркө вунан?  
Ветліг-муніг тэөдз көть ог судз,  
Шондіа и сьөд кымөра лунө  
Тэ йылысь ме сёрнитны ог мудз —  
И ме тэнө нэм помөдз ог вунөд.

Чайга, тэнад шудыд оз нин чег,  
Но друг зумыш здукьяс воасны кө,  
Менө да Россия казьтышт сэк,  
Быгтьө бара сьылам тэкөд кыкөн,  
Сьыланкывйөн чукөстча ме век...

1925 во, март

\* \* \*

А поэтон лоны пуд кӧ усьӧ,  
Кывзысьны кӧ, олӧмыс мый вӧзйӧ,  
Сідзкӧ вурывавны небыд кучик,  
Сьӧлӧм дойон мелавны йӧзӧс.

Да, поэтон лоны — сывны помтӧг,  
Сывны сідз, мед тэныд весиг кывся.  
Колип сьылӧ — сьӧлӧмыс оз ёнты,  
Колиплӧн пыр ӧти сьыланкывйыс.

Канарейка, мукӧдъяс моз сьылысь, —  
Серам петкӧдана ковтӧм чача.  
Кӧть лягушка моз, но чужан кылӧн  
Сьыланкыв мед тэчин ассьыд ачыл.

Мудерасис Магомет Коранын,  
Ӧлӧдіс кор чорыдторъяс юны.  
Сы вӧсна поэтъяс сылы паныл  
Юӧны, быд пытка вылӧ муніг.

И поэт, кор мусук дорас мунас,  
Но а сьӧлӧмшӧрыс мӧдкӧд куйлӧ,  
Коддзӧм юрыс лӧк вӧчӧмысь доръяс —  
Оз лэдз пуртӧн морӧс шӧрӧ суйны.

Гортас муніг шутьлялӧм шы улӧ  
Кутас сотны вежӧгтӧмлӧн биыс:  
«Но и мый, брӧдягаӧн и кула,  
Му вылас и тайӧ тӧдса миян».

1925 во

\* \* \*

Мусуклөн кык ки — кык орчча юсь —  
Сунласьоны зарни юрси пиам.  
Мортлөн кыгчөдз олөмыс оз кус,  
Муслун сьыланкывъяс сьылө сійө.

Сьывлі-й ме, кор ылө мунлі тась,  
И со өні сы йылысь жө сьыла.  
Сы вөсна и ышловзъыны дась  
Өзъян меллунөн йиджөм кылөй.

Сотысь муслун пакталас кө дзик,  
Сьөлөм вермас пөрны зарни изйө.  
Сөмын тегеранса төлысь дзирд  
Шоныд руөн сьыланкыв оз визйөд.

Ме ог төд, кызд водзө овсяс мем,  
Гашкө, сотча мелі Шага сывйын,  
Гашкө, кор нин суас пөрысь нэм,  
Повтөм томлун йывсьым кута сьывны?

Быдөnlөн тай аслас ветласног:  
Аддзыны и кывны колө кужны.  
Персөн тэчөм сьыланкыв кө лёк,  
Сідзкө, персыс эз Ширазын чужлы.

Но а менам сьыланкывъяс йылысь  
Сөрни кө нин пансяс, шуөй сідз:  
Вөлі эськө шань да мелі сьылысь,  
Да кык юсьысь асьсө эзджык видз.

1925 во

\* \* \*

«Мыйла төлысь кельыд югөр койё  
Садъяс вылө лунвыв Хороссанын?  
Быгтьё бөр ме ас Роч муё вои —  
Руон сьөктөм сынөд личкө тани»,

Юали ме тадзи, дона Лала,  
Войнас ланьтөм кипарисъяс костын,  
Но эз шуны весиг кыв джын талун  
Енэжланьё туганъяссө ёсьтиг.

«Мыйла төлысь югөр татшөм гажтөм?» —  
Юали ме лөня дзоридзьяслысь.  
Вочавидзисны мем: «Мыйкө, гашкө,  
Шогсьысь роза висьталас тэд аслыд».

Мича роза весиг пемдөм рёма,  
Мича роза висьталіс мем гусьон:  
«Шаганэйд мөдкөд окасьёма,  
Шаганэлы мөд зон тэысь муса».

Шуё сійө: «Нем оз казяв рочыд...  
Сьөлөмъяслы — сьылөм, сылы — олөм...»  
Кельыд төлысь сы понда син водзын,  
Сы понда жө сылы шогыс волө.

Унаысь зэв пөръявлісны сідзи,  
Вөвлі синва, төдлі сьөлөм дойяс.

.....  
Но и век жө, век жө, ен мед видзас  
Му вылын сиреньөн өвтысь войяс.

1925 во

\* \* \*

Сьӧлӧмӧй, йӧйӧй, эн пессы!  
Ставнымӧс пӧръявлӧ шуд тай,  
Корысь моз корсьны ог кутӧй...  
Сьӧлӧмӧй, йӧйӧй, эн пессы.

Тӧлысьлӧн кельыдвиж мичыс  
Ойдӧдіс вӧр дор каштанъяс.  
Лалалань лажыньтча сідзи,  
Дзєбся чадра улас тані.  
Сьӧлӧмӧй, йӧйӧй, эн пессы.

Челядьӧн овлам корсьорӧ,  
Сералам на моз и бӧрдам.  
Свет вылас миянлы сюрис  
Радлун и шог везйӧ йӧрмӧм.  
Сьӧлӧмӧй, йӧйӧй, эн пессы.

Аддзылі вель уна муяс,  
Быдлаысь шудӧс тай корси.  
Ӧні нин аслым ме шуи:  
Дугда важ лачаӧн ворсны.  
Сьӧлӧмӧй, йӧйӧй, эн пессы.

Эз дзикӧдз пӧръяв и олӧм,  
Выль вынӧн ойдӧм на кыла.  
Сьӧлӧм, тэ усыпаньвыв волы  
Мусуклӧн пидзӧсьяс вылын.  
Эз дзикӧдз пӧръяв на олӧм.

Гашкӧ, и пасъяс выль мичӧн

Рөкыс, код ытвәӧн кывтӧ.  
Муслун вылӧ вочавидзас  
Колиплӧн сьыланкывйӧн.  
Сьӧлӧмой, йӧйӧй, эн пессьы.

1925 во

\* \* \*

Лөзов-лөзов, гажа лунвыв му.  
Сьыланкыв ради мый сөмын ме эг ну.  
Саридз төлөй, лөня пөльтышт вай —  
Розаос со корө колипкай.

Кылан-аддзан, роза копыртчөма,  
Сьыланкыв сьөлөмас поздысьөма.  
Саридз төлөй, лөня пөльтышт вай,  
Розаос со корө колипкай.

Дзик на кага кодь тэ, но и мед  
Да и месө абу мөй поэт?  
Саридз төлөй, лөня пөльтышт вай,  
Розаос со корө колипкай.

Дона Гелияй, прөстит тэ,  
Уна роза паныдавлі ме.  
Дзоридзьясыс куснясьлісны уна,  
Но дзик өти нюмдіс сьөлөм нюмөн.

Тэа-меалөн мед өтув нюм,  
Мелі муыд йылысь өтув дум.  
Саридз төлөй, лөня пөльтышт вай —  
Розаос со корө колипкай.

Лөзов-лөзов, гажа лунвыв му,  
Сьыланкывйын олөмөй и шуд.  
Гелияос пыдди войнас тай  
Роза дзоридз кутлө колипкай.

1925 во

\* \* \*

Кывйӧн висътавны позьтӧм да мелі,  
Чужан му зэрысь ловзьывлӧ бӧр.  
Менам лов паськыд ыб вылӧ келӧ,  
Малысь-дзоридзлысь апалӧ кӧр.

Ачым лӧни. Ӧд чиніс нин эбӧс,  
Но мый вӧлі, ме нинӧм ог ёр.  
Быгтьӧ куима вӧв доддьӧн лэби,  
Кӧть ог помнит, кӧн вӧлі да кор.

Буссӧ лэпті да таялі мусӧ,  
Сэсса воши, эг быгтьӧ и вӧв.  
Ӧні таладор расъясын муса  
Коръяс шӧпкӧмӧ поздысьӧм чӧв.

Тильгун, буракӧ? Гашкӧ-и, йӧла?  
Ставыс морӧсӧ пырӧ, оз пет.  
Ланьтлы, лов: уна сьӧкыдыс вӧлі,  
Колӧ шойччыштны меным и тэд.

Корсям, коді мый олӧмас вайис,  
Коді паськӧдіс гортаным лӧк.  
Гашкӧ, прӧститам вочасӧн найӧс,  
Кодъяс вайісны дойяс да шог.

Ставыс аслам, мый водзынджык вӧлі,  
Сӧмын комынӧс тыртігӧн садь,  
Да том вежӧрӧс гудраліс тӧлыс,  
Менӧ кольмӧдліс кабакса чад.

Но и зумьд кодь тупуос венö,  
Зэв жö кусньöдлö, ышмас да, төв.  
Эй тэ, томлуной, зарнийй менам,  
Вöлин эськö и быгтьö эн вöв!

1925 во

Вуджöдiс **Василий Лодыгин**

\* \* \*

Но жö, окав, окав вай,  
Весиг доймыгöдз и вирöдз.  
Сьölöм пузьöмтö он сай  
Ыркыд нюмөн, кöдзыд дзирдөн.

Миян дырйи кымны кружка  
Юиг-гажöдчиг эн лысьт:  
Гөгөрво тэ, менам мусук,  
Ставным олам öтчыдысь.

Шогыс-шуштöмыс оз бырлы:  
Руа ывла пемдас кор,  
Тöлысь, быгтö вижов кырныш  
Шевгöдывлö ассьыс борд.

Но вай окав! Кöсья сідз ме.  
Кыла шойна сьыланкыв —  
Менсьым кулöмöс нин виччö  
Вывсянь личкысь енэжвыв.

Шуйман вынöй абу помтöм!  
Кувны-бырны абу дыр!  
Сöмын кувтöдз мусук вом дор  
Кöсья окавны ме пыр.

Медым лöзов рöмыд сыліг  
Эгö яндысьöй ми сэк,  
Медым льöм пу кышакылöм  
Пырыс кылі: «Тэнад ме».

И мед тыра кружка весьтын  
Кусны югыдыс эз лысьт.  
Ю да сьыв, эн вунӧд сэсся:  
Ставным олам ӧтчидысь!

1925 во

Вуджӧдіс **Альберт Ванеев**

\* \* \*

Кык кыа ёрта-ёрткөд чуксасьоны,  
И тшына-руа ыбын быдмө зөр...  
Со бара, бара казыті тэнө өні,  
Сё муса мамой, менам сёлөмшөр.

Кызд вайдөр, век на ветлан кыркөтш йылө,  
Көстыльыд важ моз тэнад кыын пыр.  
Сэк видзөдан тэ төлысь югөр вылө,  
Рам, унзиль ю вылө тэ дзорган дыр.

И дум волө сэк, көсьян көть он көсий,  
Горш курдывлө и йирө жугыль мөвп,  
Мый тэнад пыид батьлөн муыс вөсна  
Оз вись дзик ньоти — гортас дыр эз вөв.

А сэсся ньөжйө мунан шойна вылө,  
Сэн гу выв излань синтө чөвтлан век,  
И мөвпалан тэ дона чой-вок йылысь,  
И мелі-шаня ышловзьялан сэк.

Ми, зонгяс, быдмим кывзысьтөг да дуриг,  
А чойяс дзоридзалисны, кызд май,  
Но ставнымос тэ талун казытив бурөн,  
И мян вөсна тэ эн шогсы вай.

Шог пыкны тырмас! Тырмас сэсся, мамой.  
Тэд кад нин гөгөрвоны отитор,  
Мый яблоня тшөтш висьмывлө и раммө,  
Кор воштө-кисьтө ассьыс ыргөн кор.

Мем тувсов асыв нимкодя оз юргы,  
И олӧм шудыс лышкыда оз шед.  
Чаль вылын сісьмӧм дорысь меным бурджык,  
Тӧв йылын ярзьӧм биӧн сотчи мед.

1925 во

Вуджӧдіс **Альберт Вансеев**

\* \* \*

Мойвиас мед быд уджалысь мортлы!  
Чери кыйысьлөн мед тыра тыв,  
Горысь-көдзысь пөт мед вөлі гортас,  
Озыр нянь мед козыналіс ыб выв.

Кружкаысь-стөканысь юны верман,  
Көсьян — вачачаысь васö ю —  
Сэн, көн юлысь зарниалөм берег  
Мавтлө югыдгөрдөн асья ру.

Лөсьыд жö нин веж видз вылö водны...  
Лунтыр тадзи куйлыны ме дась,  
Сэсса казытивлыны, вөвлі кодлөн  
Вежөгтана, муса видзөдлас.

Шутьялöны уна герчкан лэбач...  
А ме найöс ошкыны ог мудз,  
Кодьяс уджö пуктöны став эбös,  
Олөмныс и гажныс кодлөн — удж.

Сөмын ме вунöді, мый крестьянин...  
Шöйта... Уджас эг на кутчысь бөр...  
Дивитöны öнгя олан сямös  
Менам дона ыбьяс, му и вөр.

Быгтö жаль зэв кодкöлы кодкö,  
Быгтö веськодь лоис чужанін,  
Сы вöсна и нюрьяс весьтын тоткö,  
Вадор кайыс важөн бөрдö нин...

1925 во

Вуджөдіс **Альберт Ванеев**

## МУЛӨН КАПИТАН

Дзик некод на  
Эз веськөдлы му шарөн,  
И менсьым сьылан  
Некод на эз сьыв.  
Дзик өтнас сійө  
Кисө лэптис яра  
Да шуис: өти котыр —  
Став му выв.

Ог нимкодясь  
Героияслы быд гимнөн,  
Вир сөн оз пессьы,  
Лов оз лөвт.  
Ме шуда сійөн,  
Мый рөмыд кадас инмөм  
Да олө мьын  
Сьлөн ыджыд мөвп.

Не сөмын ми,  
Ми матынөсь, дзик дінас, —  
Но шензис слөн  
И васа куль...  
Симбирскса зонка  
Кьдзи кькнан кинас  
Страналысь босьтис,  
Босьтис вына руль.

Гым шыа гыяс пыр  
Туй весалис, эз шогав,  
Бур сьөлөмөн

Пыр вöчис ассьыс мог,  
Дыр мөвпаліс  
Марксистскöй ногөн,  
А вöчис ставсö  
Ленин ног.

Эз! Стенька моз  
Эз гуляйтлы роч эрдöд!  
Эз пугачевскöй вöv  
Ни бунт, ни трон!  
Эз сувтöдлы дзик некодöс  
Стен бердö.  
А вöчис ставсö  
Войтырлөн закон.

Зэв вежöра  
И повтöмдунөн тырём,  
Руль вылö личкысьліс,  
Эз ляб.  
Мед кöджыс гыяссö  
Пыр посньöдлö да нырö,  
Мед помтöм эрдöд  
Тювöдö корабль.

Руль дорын пыр  
Сюсь капитан.  
Сы дырйи абу страшнö  
Гькөд косьяс!  
Öд мирысь чукöртöм  
Став партияыс тан,  
Дзик ставыс сьлөн  
Збой матросьяс.

Эн пов,  
Он мореöс кö тöд:  
Öд найö йöзлөн  
Медбур пиян,

Му вылө петөм мысьт  
Оз кодкө мөд,  
А найо озтасны  
Туй индысь бияс.

И сэк поэт,  
Мөд рока морт,  
Ог ме нин, ог,  
А тиян пөвстын сийо  
Сэк сылас  
Тышсө ошкантор.  
И дзык выль кывьяс  
Кылад тийо.

И шуас:  
«Сэтшөм капитан,  
Код ёнмис тышын,  
Лов эз кусод,  
Став мирлы збыльысь  
Восьтис тан  
Дзык некодөн на  
Аддзывльгөм мусо».

1925 во

Вуджодис **Иван Вавилин**

## · ВАДОР ПӨЛӨН МУНА

Вадор пөлөн муна. Балябөжын кепка.  
Лайкөвөй перчатка пытшкын мугов ки.  
Блын кельдгөрдөн дзирдалоны степьяс,  
Лөзалө лөнь юыс, унмовсьома дзик.

Нем төдтөм ме зонмыс. Оз ков нинөм меным.  
Сөмын эськө кывзыны сьылөм, сьывны тшөтш,  
Сөмын кокни ыркыд визувтис пыр медым,  
Сөмын медым статьяй кусыньтчөм эз төд.

Кежа ме туй бокө, лэчча, кьгөн гуран,  
Вөччөм паськөмаось, йөзыс жуө сэн.  
Шутьялө быд коса, шөпкөдчө быд куран:  
«Эй, поэт, вай видлы, эбөсыд кө эм.

Лөсьыдджык өд муас. Кывтны вылөд нинөм.  
Ывлаыс моз эськө радейтін кө удж!  
Эн өмөй вөв сиктысь, эн вөв крестьянинөн?  
Петкөдлы, кыз кужан венны ытшкан мудз!»

Перө абу куран, коса абу ручка,  
Но и найөн позьө гижны унатор.  
Тувсов шонді улас, синмыд кьгчөдз судзас  
Гижөдьясыс. Найөс лыддьоны көть кор.

Ассьым сэк английскөй шыбита костюмөс.  
«Косаныгө вайлөй, петкөдла, ог пов.  
Али абу татысь, али прөстө мунысь?  
Чужан сиктлөн паметь оз мөй мейн ов.»

Тёпканъяс кодь вутшгъяс, ставыс меным веськодь,  
Лысваасьём турун сөстөм, небыд, веж.  
Косаён ме гига, строчкаясöй веськыд,  
Лыддыны мед вермис найöс вöв и меж.

Строчкаясас сьылём, строчкаясас кывъяс.  
Сы вöсна и рад ме уна-уна пöв,  
Лыддыны мый вермас быд мöс аслас кывнас,  
Мынтас меным тырөн, сетас шоныд йöв.

1925 во

Вуджöдiс Геннадий Юшков

\* \* \*

Увтасінын узьö небыд турун,  
Быгтьö сійöс личкис лысва моль.  
Ог төд нинöм чужан муысь бурöс,  
Нинöм мөдтор сьölөмө ээ коль.

Сэтшөм тай нин миян оланногным.  
Юалан кө, шуасны чой-вок:  
Радуйгчиг көть, майшасиг көть, шогсиг  
Роч му вылын овны абу лёк.

Тöлысь югөр аддзö кельыд кыа,  
Бөрдö берба, шогсьö тополь пу.  
Но дзик некод тури горзөм шыö  
Оз, оз мустөмт батыяснымлысь му.

Өні вежсис йöзлөн олөм серыс,  
Накөд өтгшөтш вежсьыштi и ме.  
Но мем важ моз муса пожөм керка,  
Важ моз ме — гөль сиктьяслөн поэт.

Мөвпавсьö, кор рыгнас узьны вода,  
Кажитчö мем вына враг кодь дзик  
Өнъя том йöз, выль ног аддзö кодi  
Менсьым вөр-ва, менсьым чужан сикт.

Выль олөмыс менö помся зырö,  
Сөмын öти көсийөм оз тай ям:  
Гашкö, ола регыд, гашкö, дыр на,  
Но мед кула чужанінам, тан!

1925 во

Вуджөдiс **Альберт Ванеев**

\* \* \*

Ме, мусаёй, өнөдз эг вунөд  
Сөдз сингыс и юрсилысь дзирд.  
Эз кокни мем вөв, кор тэ муни,  
Тэ быгтьөкө син водзын дзик.

Лөнь шыяса арсө ог вунөд  
И унзія кыз пулысь сой.  
Мед дженьыдось вөліны лунгыс,  
Но кузь вөлі төлыся вой.

И висьталін меным тэ сэки:  
«Мый виччысьө водзын — ог төд,  
Но вунөдан регыд тэ менө  
И мусаөн лоас нин мөд».

Ак, вояс... Со дзордзалө нингу.  
Мем унатор тыдовтчис тась.  
И юрситө тэнсьыд и сингыс  
Ме дзоридзөн вевтгыны дась.

Ме сулала мөдкөд, но вөлөм  
Выль муслуныд другөн оз чуж,  
И тэланьө чепөсьө сьөлөм  
И радейтны мөд ног ог куж.

1925 во

Вуджөдіс **Владимир Тимин**

\* \* \*

Эн кус тэ, кодзув, о́зйы ылын  
Да кóдзыд югóрьястó кой,  
О́д гажтóм лоó шойна ылын,  
Кóн кыссьó помасьлыгтóм вой.

Тэ, кодзув, — август, во́м рудзóг,  
Тэ, кодзув, — ыб́яс, пом ни дор,  
И лэбысь турияслóн му́дзóм  
Да налóн нора шыа гор.

Кор вывлань чатóртыштан юртó,  
Ыб ьесътын, кыгчó кóть он мун,  
Шань сьыланкывлóн кылó юргóм,  
Кóн сьывсьó горт да батълóн му.

Тан ставыс ас и ставыс инмó.  
Со, менó нормóдыштны мед,  
На вóсна кыз пу кысътó синва,  
На вóсна, кодóс чóвтлі ме.

А регыд, регыд, тóда тайóс,  
И менам орас гудыр нэм,  
И шойна ягса потшóс сайын  
Тшóтш ковмас куйлыны и мем.

Кыз муó суйóм кóдзыд гортыйын  
Дзик ставыс веськодъ лоó мен.  
Руд изтор сувтóдасны ёрт́яс,  
Кывбура гижóд лоас сэн.

Ме эськӧ гижи, мыйла кусі,  
Ме эськӧ мыйсьюрӧ эг ляк:  
Ас чужан муӧй вӧлі муса,  
Кыдз вина юысьлы кабак.

1925 во

Вуджӧдіс **Владимир Тимин**

\* \* \*

Олөм — ылог, вөт и вемөс сийө,  
Олөмлөн эм шензёдана вын.  
Сы вөсна и кутө чорыд киён —  
Сьёкыд здукө нинөмысь он мын.

Куня ассьым сингясөс, ог вензьи,  
Сьёлөмөйлы шуа: Ставыс сідз.  
Олөм — сийө ылог, ог и шензьи,  
Но век кыскө ылөдлана мич.

Дзор енэжлань видзөдластө веськөд,  
Туналас, мый водзө лоө, мед.  
Олөм туйтө вуджиг эн зэв пессьи,  
Көть и правда мортлы колө, дерт...

Льөм роз турөбын мед гартчө ывла,  
Олөм йывсьыд думө вөйтча кор:  
Пөрьявлөны кокни руа нывьяс,  
Пөрьялас и медся матыс ёрт.

Мелі кывйөн шонтывлөны лолөс,  
Но и овлө — кывныс чер кодь ёсь.  
А ме, асьныд аддзанныд со, ола,  
Сідз ли, тадз, но мөд ног мем оз позь.

Сөмын пырө лолөй пыгшкө көдзыд.  
Войся кодзув шоныдсө оз сет.  
Кодөс лэпгылі ме кымөрөдзыс,  
Бергөдчисны мемысь — но и мед.

Менö дзескөдöны-вильöдöны,  
А ме век жö аддза кыа нюм.  
Тайö мелі муыс дона öні:  
Аттьöала олöмсö быд лун.

1925 во

Вуджöдiс Владимир Тимин

\* \* \*

Коръяс усьоны, коръяс усьоны,  
Шойтö вой тöлыс,  
Быгттьö орт.  
Коді бурмодас кöть нин гусьöник  
Коньöр сьöломöс, дона ёрт?

Мудзём сингьясөн аддза кьясö.  
Кельыд тöлыськөд пышйö вой.  
Петук виччысьтөг ылын шыасис,  
Лэчыд гөлөса и зэв збой.

Асывводз. Лөзов кодзув öзйö на,  
Лэбзьö енэжысь öти и мөд...  
Эськө нöдны мем ассьым кöсйöмöс,  
Сöмын нöднысö мый, ог на тöд.

И мый кöсйыны тайö олөмас,  
Кодыр дась сöмын ёран кыв?  
Гашкө, сöмын мед öтнас вольтвэс  
Öшинь улөдзöй авъя ныв.

Медым пöлөзнича лөз сингьяса,  
Меысь кындзи мед,  
Некод эз ков,  
Кодлөн кывъясысь эськө инасис  
Менам сьöломöй и менам лов.

Сэсса водзö на меным овны кö,  
Менö, шудаöс, шог мед эз таль.  
Медым нылыслөн кыпыд томлункөд  
Аслам томлуной эз вöв жаль.

1925 во

Вуджөдіс **Владимир Тимин**

\* \* \*

Өшинь весьтын төльсь. Өшинь улын төв ныр.  
Усьөм коръя тополь оз нин шувгы, чөв нин.  
Көнкө бөрдө гудок, отка гөлөс кылө —  
Сэтшөм сийө муса, сэтшөм сийө ылыс.  
Сералө и бөрдө удал сьыланкывйыс.  
Көн тэ, менам нинпу, нинпу паськыд сывъя,<sup>3</sup>  
Ме и ачым коркө гажа праздник дырйи  
Волі муса динө, гудокасигырйи.  
А ме өні сьыльсь синсө ог нин пөртмав.  
Йөзлөн ворсөм шыө серала и бөрда.

1925 во

Вуджөдіс **Николай Цукин**

\* \* \*

Ворс, тальянка, збоя, ворс, тальянка, гажод,  
Казьтыла том кадос, кодї коли важон.  
Пипуой, эн гирзвы, туйой, эн ло буса,  
Ссыланкыв мед лэбө, коні олө мусук.

Кылас да и сэсса бөрдьштас мед эськө,  
Көть и төда, өні ставыс сылы веськодь.  
Абу кө... И сэки майшасьтөгьыс олас.  
Көн тэ, менам шудлун? Кодлы нө ме кола?

Лэбзвы, ссыланкывйой, нинөмысь эг повзвы,  
Шудыс менам лолын важся моз оз ловзвы.  
Но а олан гажыс комьштис на тан кө,  
Мыла ссыланкывьяс сылас мед тальянка.

1925 во

Вуджөдіс **Владимир Тимин**

\* \* \*

*Шура чойлы*

Татшөм мичаяссө эг аддзыв:  
Сөстөм чужөм и лөсьыд статья:  
Аслад том гажөн, пасья татчө,  
Менсьым казтылан томдыр кад.

Чойой, тэ менам дзоридза кылөй,  
Коді мусаник да югыдлөз.  
Висьтав, кыз талун олө да вылө  
Идзас рөмидзэтиг миян мөс?

Сьыв вай, гөлөсыд тэнад мелі.  
Бурдөдө быгтьө челядь ун.  
Гөрдөн ыпгьялө — оз миян пельись,  
Коді дум вылө усьлө быд лун?

Мый нин печкигас мам сьылө, Шура?  
Дзикөдз эновті чужан сикт.  
Арся коръясөн вильыш турөб  
Кильчө вывнымөс тыртис дзик.

Быгтьө кыкнаннымөс бөр корө,  
Гашкө, нормышган, гашкө, он,  
Өтнас пөдлалөм дзирья дорын  
Бөрдө-омлялө эндөм пон.

Регыд гортаным воны ог ыштөй,  
Сөмын киясын — төдса, ас,  
Тэнад мича рязанскөй чышгьян —  
Кольөм кадыслөн югыд пас.

1925 во

Вуджөдіс **Владимир Тимин**

\* \* \*

*Шура чойлы*

Ноко, горөктыв сійөс, мый коркө  
Мамным сывывывліс тэд да мем,  
Вошгөм надея менө оз торк өд,  
Сылан сямой и менам на эм.

Ме өд төда и пукта пыдди, —  
Вөрзөд сёлөмөс да эн пов, —  
Тэнад гөлөсыс гортсяньным быгтё  
Кыла мамнымлыс мелі лов.

Тэ мем сыв, а ме тэ дінын öні,  
Тэньсыд сёлөмтө кыла кор,  
Муртса сингясөс куньла сөмын —  
Бара син водзам меддонатор.

Тэ мем сыв. Менам дзик öти радлун —  
Мый эз öтнамлы муса мем вөв  
Төдса дзирьяыс арся садлөн,  
Пельис пуяссө пөрчөдыс төв.

Тэ вай сыв, а мем төд вылө воас,  
Вунас шоглуной, ог ло скөр.  
Сэтшөм дольд да кокни лоас  
Муса мамнымкөд адзысыны бөр.

Кызлыс статьясө ме радейта сыыс,  
Мый и руа, и лываа тан,

Тода зарниа кӧсасӧ сылысь,  
Оз вун сылӧн и веж сарапан.

Сійӧн сьӧлӧмам небыдлун содіс —  
Сыланкыв саяд, гажмигсор,  
Тэ мем кажитчан кыз пуӧн, кодӧ  
Гортын гажӧдліс кильчӧ дор.

1925 во

Вуджӧдіс **Владимир Попов**

\* \* \*

Корадоддыс! А вöлыс, вöлыс!  
Гашкө, Му вылас ыстөма чöрт.  
Көлөкөльчикөн шызьбөдөм тöлыс  
Синва петкөдө — серав көть бөрд.

Тöлысь оз тыдав, понъяслөн увтчөм  
Оз кыв ылын ни матын со.  
Том-збой оломöй, кутчысь, тэ кутчысь —  
Эг на нэм кежлө пöрысьөн ло.

Сьыв, ямщик, кыгчөдз сьөлөм оз инась,  
Верма-й тшөтш, медым дженьдiс туй пом,  
Кутшөм мудерөсь нывъяслөн синъяс,  
Кутшөм вöвлi ме шуда да том.

Вöвлi: том вирлысь чуксасьөм кылан,  
Сэсся доддялан биа-бордъя вöв,  
Доддьö уськөдчан кос турун вылө,  
Лэбзян, быгтьökө тэ эн и вöв.

Тшапөсь вöвлimöй гөтыртөм зонъяс,  
Шулiм мусуклы уна шань кыв,  
И тальянка том сьөлөмъяс шонтiс,  
Сывлiс муслуньсь не öти ныв.

Ставыс колис да бырис, мый вöлi:  
Кулiс вöв, гортным овтөм и куш,  
Чирис-вошис тальянкалөн гөлөс,  
Муслун сёрнияс нуны оз куж.

Век жö лолöс оз кынты на тöлыс,  
Муса мем лымйöн шебралöм вөр.  
Кöлököльчик, кор казътан, мый вöли,  
Синва петкöдö — серав кöть бöрд.

1925 во

Вуджöдiс **Альберт Ванев**

\* \* \*

Гартчигтыр лымйыс чужомо койо,  
Эрд вомон төвзё йёзлөн нин тройка.

Тройкаон төвзё йёзлөн нин томлун.  
Көні нө шудой? Нимкодя овлом?

Збой, гартчысь төв ныр ставсө тай нуис,  
Татшөм жө тройкаон кыккокийив мунис.

*1925 во, октябрь 4—5-өд лунъяс*

Вуджөдіс **Виктор Напалков**

\* \* \*

Лөзоват рыгö, тöлыся рыгö  
Том вöвлі, мичаник. Олөмöй кывтіс...

Эг вермы кутны, воштыгöм вылө  
Ставыс тай лэбис... бокиті... ылө...

Ыркаліс сьөлөм, и синмöй нин воймис...  
Лөзоват шудöй! Тöлыся войяс!

*1925 во, октябрь 4—5-öd лунъяс*

Вуджөдіс **Виктор Напалков**

\* \* \*

Эн тэ сәні шпынның, кызга гажыд тэ ов,  
Радейга ме мөдөс, меным тэ он ков.

Ачыл өд тэ төдан, висьтала көть ог —  
Тэ динө оз кыскы, тэ динө ог лок.

Маті вөлі муна, эг ме вошты ин —  
Өшиньланьыд прөстө чөвтли ассьым син.

*1925 во, октябрь 4—5-өд луньяс*

Вуджөдіс **Виктор Напалков**

\* \* \*

Чиганлөн скрипка моз лимзалө турөб,  
Мусаник нылыс, а нюмыс оз бурөд.  
Кельыдлөз сингьяссыд мыйла ме пола?  
Уна мен колө, и этшанас ола.  
Кутшөм ми ылынось банөн и лолөн —  
Тэ томысь том, а ме ставсө нин олі  
Зонгьяслы шудыс, а меным — став бурыс —  
Казьтивны войясын омлялысь турөб.

Муслунтөг коли — мен скрипкаыс турөб,  
Нюмыд лым гартөм моз сьөлөмын дурө.

1925 во

Вуджөдіс **Василий Лодыгин**

\* \* \*

Но и тайо туроб, ловзы либо кув!  
Сизьдо керка вевто лыдтом еджыд тув.  
Туробало олөм, сомын ме ог пов,  
Сямтом сьолөм йито тэкод менсьым лов.

1925 во

Вуджодис **Василий Лодыгин**

\* \* \*

Еджыд лымъя эрдъяс, еджыд төлысь бан,  
Еджыд рөмөн ставсө коялөма тан.  
Кынмөм еджыд кызлөн бөрдө чаль и ув.  
Код нө тани кулис? Эг-ө ачым кув?

1925 во

Вуджөдис **Василий Лодыгин**

\* \* \*

Коньөр гижысь, овлан өмөй гажа,  
Төлысь йылысь сьылан тэчан кор?  
Менам сингъяс кенясисны важон:  
Карті, муслун, қурыд юантор.

Төлысь югөр өшинь вылын сьлө,  
Синтө бытшкан — югыдыс оз кус.  
Пуктылі ме пики дама вылө,  
Ворсси тай: өд усис буби туз.

1925 во

Вуджөдіс **Василий Лодыгин**

\* \* \*

Ляпкыд понӧльяса вӧрыс,  
Тӧлысь югӧр — пом ни дор,  
Бара сералысь и бӧрдысь  
Кыло кӧлӧкӧльчик гор.

Туйыс нимкодъ, дерт, оз чужты,  
Сӧмын ас да муса нэм.  
Роч морт сійӧс венны кужліс  
Да-й тшӧтш венны ковмис мем.

Корадоддӧй! Тӧвлы паныд  
Пипу расъяс дорті ми...  
Менам батьӧй крестьянин,  
Но а ме — крестьянин пи.

Веськодъ меным нималӧмыд,  
Веськодъ меным, мый поэт.  
Локті, чужанінӧс ӧні  
Бара аддзӧдлыны мед.

Кодлы чужанінӧ локны,  
Гортӧ воны сюрлӧ кад,  
Ичӧт кыз пуяслысь коксӧ  
Сійӧ окавны тан рад.

Синва петас, быгтӧ коддзан,  
Нимкодъ видзӧдны нэм чӧж,  
Кызди гажӧдчӧны орчӧн  
Тӧдса сиктъясса том йӧз.

Гудок, гудок! Лёксö-бурсö  
Мый тэ вöзьян, тöдан-он?  
Воштывлісны удал юрсö  
Тані уна вильыш зон.

1925 во

Вуджодіс **Альберт Ванев**

\* \* \*

Кләнөй, йизьом кләнөй, зэв тай кӧдзыд лолыд,  
Турӧб ойзӧм улас зэв тай кусынь олан?

Гашкӧ, мыйкӧ аддзин? Гашкӧ, мыйкӧ кылӧн?  
Ыркӧдчыны быгтьӧ петӧмыд туй вылӧ.

Кодзӧм стӧрӧж мозыс вӧйӧмыд лым пиӧ,  
Петнысӧ он вермы, кынмӧ кокыд-кыид.

Ок, ме мыйкӧ ачым талун ӧдва ола,  
Юанӧнысь гортӧ ӧдвакӧ ме вола.

Воча берба лоис, пожӧм орчӧн вӧлӧ,  
Гожӧм йылысь налы сылӧ кӧдзыд тӧлын.

Ачымӧс ме чайтӧ дзик жӧ тэ кодь кләнӧн,  
Сӧмын кӧсий вежӧн, тувсовьяӧн лоны.

Сэссия менам вежӧр путкыльтчыліс сӧдзи —  
Йӧзлысь гӧтыр пыдди кыддзӧс сывийын видзи.

*1925 во, ноябрь 28-ӧд лун*

Вуджӧдіс **Василий Лодыгин**

\* \* \*

О, кутшөм вой! Он шуны куж.  
Оз узсыы төлысь саридз улас.  
И эз на быгтьö шогыс чуж,  
А катö томлун пыжа тулыс.

Тэ — кöдзöдчöм нин мусатор —  
Эн чайт, мый бара пöсьö сетчам.  
Мед бурджык төлысь югөр шор  
Мен юрлөс дорö талун лэччö.

Мед сьлөн визулыс оз быр,  
Мед серпасалö вежсьöм чужöм, —  
Öд муса лоа тэныд пыр,  
Кöть радейтнысö эн и кужлы.

Оз сёйсь муслун мортас ов,  
И тэ мен талун эм кöть абу.  
Оз нинпу дорö мунны ков,  
Мед öтнас лымйын дадö-табö.

Öд тöдам кыкнанным тай ми,  
Мый кельыд төлысьыслөн гыас  
Оз öйы дзоридзьяслөн би,  
И нинпу вылас лым да гыөр.

Мый важөн вунис муслун дой,  
Кор вöлі радейтчöмсьыс кула.  
И мян кельыд биа вой  
Оз ёна донасö нин сулав.

Но век жö оков менö вай  
Да öзтыв нöшта ьшман русö,  
Мед сьöлöм вöталö век май  
Да сийöс, кодi нэм чöж муса.

*1925 во. ноябрь 30-öд лун*

Вуджöдiс **Василий Лодыгин**

\* \* \*

Эн тэ ме вылө кымөрөн видзөд:  
Аслад муслунөн менө эн вен.  
Тэнсыд видзөдлас сьөлөмын видза,  
Мудер раммөмыд казътывсьө мен.

Тэнө аддза ме: водөмыд гатшөн,  
Быгтгьö ракаос куталысь руч,  
Лэчыд гыжгьяснад морөсö сатшан,  
Муртса сьөлөмөдз меным он судз.

Но и кыйсы, тэд ёна кө колө,  
Сөмын бөрас эн нюжйөдлы чуш.  
Менсым важөн нин көдзалөм лолөс  
Некод шонгыны өнөдз эз куж.

Ог өд радейт нин тэнө ме, төдан,  
Пөсь ни көдзыд, кыз шуласны йөз.  
Тэнө аддза, а вөтала мөдөс,  
Кодлөн сингьясын солькьясьө лөз.

Мед көть ярскөб жө видзөдлас сьлөн,  
Мед көть ме водзын ньоти оз тір.  
Но кор син чөвтан восьлалөм вылас,  
Пыді лолөйлысь муткыльтас йир.

Сійос ылөдны өдвакө кужан,  
Мунан бөрсяныс, көсьян көть он.  
Тэнад малалөм веськалө кушас, —  
Весиг пөрьясьө окасьысь вом.

Мый и гаравны ёнасö тайöс —  
Коді тöдас, мый артмас да кор?<sup>3</sup>  
Эз кö вöвны ни адыс, ни райыс,  
Найöс быгть эськö лöсьöдiс морт.

*1925 во, декабрь 1-öд лун*

Вуджöдiс **Василий Лодыгин**

\* \* \*

Водз ли, сёр ли, сөмын вежсис сямой,  
Коть эг чайтлы, тадзи лоис мед.  
Видзод: куті лоны Дон-Жуанон,  
Быгтьо кокни руа том поэт.

Мый нө лоис? Мый нө мекод лоис?  
Кызди лун, выль пидзос вылын юр.  
Кыз нө эськө татчодзыс ме вои.  
Мыйла аслым ме ог вочышт бур?

Ме од нэмсө көсий, медым сьолөм  
Эджык эськө татшөм йойнас вөв.  
Мыйла эськө тадзи кыскө гөлөс,  
Коді менө пөрийодліс сө пөв?

Вежөр, нолтө, ме дорө тэ воы,  
Век од кутысь-дорйысь вөлін мен,  
Медым бара ыркалыштас лолөй,  
Шаньмөдыштас менө лөз сирень.

Кылө меным рыгтя кыа пырыс,  
Коть и ставсө сывъялома ру, —  
Нывьяс бөрся вөтлысин кө тырыс,  
Дон-Жуанөй, ассыд кресттө ну.

И ме нуа, быгтьо сідзи-й колө,  
Меным өткодь, овлө мый да кор:  
Турөб али тулыслөн лөз лолыс,  
Муслун, али прөстө ышмантор.

Тадзи лоис, тадзи мекӧд лоис,  
Сійӧн уна пидзӧс вылын юр,  
Медым кодкӧ сьӧлӧм вылӧ воис,  
А эз сӧмын сійӧс жуглысь сюр.

*1925 во, декабрь 13-ӧд лун*

Вуджӧдіс **Василий Лодыгин**

\* \* \*

Код ме? Мый ме? Сөмын кыськө волысь,  
Пемыдінын вошті синмысь лөз.  
Сідзсө быгтьө лөсьыда на-й олі,  
Кыдзи-й мекөд орччөн жуысь йөз.

Ок и уна окавлі ме нылөс,  
Тэнө ог жө бокө кольны мөд.  
Тэ кө мясянь мича кывъяс кылан, —  
Сідзкө, сөра, көть нин тайөс төд.

Көть и помся шуа «дона», «муса»,  
Вежөр кутө дзик өд отитор.  
Өзйөм мортсө өдөбөн он кусөд,  
Збыльторсө эн виччысь, ни эн кор.

Сьөлөм биөй быдөнлы оз мыччась,  
Сийө, гашкө, абу, гашкө, эм.  
Ассыд муслун, ветлысь-мунысь кыддзөй,  
Уна зонлы юклін, тшөтш и мем.

Муса мортыс көнкө эськө өти,  
Тэнад көдзыд сывйын овла кор,  
Тэнө сэк ог вежөгты ме ньөти,  
Тэнө сэки ньөти ме ог ёр.

Кысь ме? Мый ме? Сөмын кыськө волысь,  
Пемыдінын вошті синмысь лөз.  
Сэсся тэнө радейтөмөн олі,  
Вөлін муса; кыз и орчча йөз.

1925 во

Вуджөдіс **Василий Лодыгин**

\* \* \*

Адзысьльгөдз, адзысьльгөдз, ёртöй,  
Менам муса, менам сёлөмшөр.  
Торйөдчам ми, медся матыс мортöй,  
Коркө, гашкө, адзысьлам на бөр.

Адзысьльгөдз, ки ог сет ни кыв ни,  
Шог эн пöж, мый тадзи лоис збыль.  
Абу выльтор тайö мирас кувны,  
Но и олөм немся абу выль.

1925 во

Вуджөдс **Василий Лодыгин**





ПОЭМАЯС



## АННА СНЕГИНА

*А. Воронскийлы*

### 1.

А сиктнымӧс нимтӧны — Радово,  
Сэн керкаыс матӧ кыксӧ.  
Быд вольтан тан чатрасьны рад овлӧ:  
Став мичлуныс син водзад со.  
Ми озырӧсь ваӧн и вӧрӧн:  
Эм ыбъяс, и видзъяс, и луд.  
И топольяс быдмӧны йӧрын,  
Кӧть кытчӧ он видзӧдны кут.

Ми сідзсӧ ог тшапитчӧй вивті,  
Но эм олан шудтор и лад:  
Со керканыс йӧзлӧн кӧрт вевта,  
Эм быдӧнлӧн гумла и сад.  
И краситӧма-сь ӧшинь тасъяс,  
Кор праздник — эм ырӧш и яй.  
Исправник оз весьшӧрӧ тась век  
И чорыдтор юлы, и чай.

Оброкъяс ми ас кадӧ мынгім,  
Но — наян судья — старшина,  
Век перйывліс няньсӧ кык мында,  
Да-й шобді пызь содтъвлім на.

Эг, тшыгла эг виньгыртöй асьным:  
Тадз ас дорысь вештывлім грöз,  
Öд властьясыд век найö властьяс,  
А сиктсаяс — увтыртöм йöз.

Но йöзыд и грек чöжны кужö,  
Кодсюрöлөн син — пинь кодь ёсь:  
Со орчча сикт миян — Криуши  
Век лöгалö, ырзьöдö кось.  
Дзуг олöманыс — ме ог пöръяв —  
Ни гыдйис, ни ладыс эз вöв:  
Став сикт гöрис öти пу гöрйөн  
Да видзис кык укшальтчöм вöв.

Оз енэжысь озырлун усьлы —  
Пась вомөн тадз виччысьны весь,  
И вельмисны кыскавны гусьөн  
Сэк миянлысь керьяс и пес.  
И суим ми найöс öтчыд...  
И морта-морт кыпöдiм чер,  
Кöрт клёнгёмсьыс морöсын кодзыд  
Да-й лёк йирмөг визьяліс, дерт...

Морт виöмöдз косясиг матын —  
Дыр виччысьны лёктор эз ков,  
И со старшинанымлысь татөн  
Друг кодiкö босьтöма лов.  
А мыждiсны öтвыв став сиктсö,  
Кöть öти морт кисьтiс сэк вир.

И суд бöрын дорисны ки-кок:  
Стöч дас мортлы вичмис Сибирь.  
Шог-жугыль и ми вылö сöліс —  
Шуд-гажнымöс пыркöдiм ми;  
То кулёны друг мöска-вöла,  
То керкаяс ньылалас би.

//

Шог юөръяс, нормөдысь висьтъяс  
Мем баитіс туй чөж ямщик,  
Кор бөрйи ме коставлөм мысти,  
Мед шойччыштны, Радово сикт.  
Война менсьым став лолөс пычкис.  
Ог төд весиг,  
Мый ради сэк  
Ме войтырөс льйлөмөн ытшки,  
Да көвъялі морт виан грек.  
И сэк гөгөрвои:  
Ме — чача,  
А озыръяс чөжөны гос.  
И пушкаөс эновті ачым,  
Мед кывбурөн нуөдны кось.  
Ме «липаөн» вевттъыси тані.  
Винтовка эз ковмы... И со  
Ме этатшөм видзөдлас-сямөн  
Сэк аддзи 17-өд во.

Выль олөм сэк важыскөд вензис,  
И мыгчысис мездлулөн бан,  
И еджыд вөв вылын Керенский  
Калифалис регыдик тан.  
Война пө «победаөдз», «помөдз»...  
Дась нянь сөйысь,  
Вир юысь знать  
Сэк пөръявліс, тойлавліс фронтөдз,  
Мед лов сетіс увтыртөм рать.  
Көть гымалис көнкө мортира,  
Ме шпагаөс кыин эг кут.  
И медводдза дезертирөн  
Сэк лоны мем усьөма шуд.

//

Водз тулыс...

И туй вöлі шыльыд

И сынöдыс ыркыд да сöдз,

И тöлысьыс лöз енэж вылысь

Сэк пожналіс зарниён стöч.

«Да со сійö, миян Радово, —

Ям кыскалысь шуис, —

Со тан!

Эг весьшöрö тэрмöдлы тадзи вот

Да яр вöвлысь петкöдлы сям.

Эн жалит, бур мортöй, чай вылö...

Дерт, мельник тэд колö?

Со сэн!

Ме вайöдi бура да ылысь,

И лышкыда мынтысь вай мем».

.....  
Ме сетi нелямынöс.

«Этша!»

Эз босьт,

Кор на содтi кызь шайт.

И наян, и горш вöлөм сэтшöм,

Мый сиктсалысь некыз эг чайт.

«Да мый нö тэ?!

Енмысь кöть польшт!

Тэ менö нин пыркöдiн со...»

А трустыд мем:

«Сьöкыда олам, —

Ни шобдi, ни рудзöг эз во,

Вай содтышт на неуна, — шуö, —

Öд дас шайтыд, тöдöмысь, эм.

И мудз вылысь аскур ме юа,

Мед тэ вöлiн дзоньвидза нэм...»

//

Вот мельнича...

Сук козъяиныс  
Яр биясөн ойдөма со,  
И мельникөй педзö, оз инась,  
Оз некыдзи усыпаньвыв во:  
«Но, сөкатöй!  
Тэ-ö, Сергуха?!  
Дерт, кынмин тэ ёна, сё мор?!  
Вай самöвар сувтöд, старука,  
Мед шонгыяс чайöн гөсьт морт.  
Дерт, тулысын кынмыны сьöкыд:  
Апрель помын шоныд нин лун.  
А сёрнитан рыг вöли лөсьыд,  
Кыдз шань ёртлөн чужöмын нюм.  
И мельниклөн сывъялөм чорыд:  
Сидз чабыртас — ойöстас ош.  
Но нимкодъ зэв важ ёртъяс ордын:  
Дзуг олөмас онджык сэк вош.  
«Тэ кыгысь? И дыр-ö тан олан?»  
«Во чöж».  
«Шойччы... Мөдтор ог шу...  
Тшак-вотöс тан кисьмылö-волö  
Сы мында, көть Москваö ну.  
Да-й пöткаыд лыдтöм тан эм и:  
Көть мукöдсö кинад кут со...  
Öд думыштны сöмын...  
Ми тэнö  
Эг аддзылöй нельöд нин во...»

.....  
.....  
Рам шондi нин лэччис вөр сайö  
Да-й ректiм нин дзонь самöвар.  
Ме ыж ку пась босьтi да кайи,  
Көн виччысис важ сенöвал.  
И петi ме тöдса нин садйö —  
Сэн чужöмөс нюлө сирень,  
И öзьяна сингысөн аддза  
Важ дзирья, мый дзуртö на сэн.

Öд эгайö дзиръяыс дорын,  
Дас квайт арöс вöли кор мем,  
Шань нылöс ме окасьны кори,  
Но ныв шуис меліа: «Эн!»  
Ме казьтывлі тайöс эг шоча,  
Эз дзик ваймы ьпнитлöм би,  
Ми ставным сэк муслунön сотчим  
Но этша на мусмывлім ми.

2.

«Сергуша!  
Дерт, том мортлөн узьсö,  
Öд шонді на весиг эз пет,  
Но пöчö пач ломгіс и пусис,  
Öладдьöяс пöжаліс тэд.  
Водз тулысын, неылын гортсянь,  
Ме енмежъяс кыйла быд во.  
Помещица Снегина ордö  
Ас кыйдöсöс нуышга со».  
Пöсь чолöм тэд, шондібан-олөм!  
Быд йöзвиын ворсö том вын.  
Ме яблоня аддзывны вола,  
Мый вевтгöма дзоридза тшын.  
Ме мөвпала:  
Кутшöм мича  
Ас му  
Да ас му вылас морт.  
И мыйла ми йöзсö ог видзöй?  
Öд найöос ньылалö фронт,  
Öд мыйта нин гуалім йöзсö,  
И мыйта на кодъям выль гу.  
И злалö менам быд йöзви  
И лөг петö —  
Кыв кöть ог шу.  
Ог, ог!  
Ме ог мун сэтчö немьсь!

Мед кутшөмкө ад горш ээ чайт,  
Мый вит ур кө шыбитас меным,  
Сэк, корсигас, гудъя ме няйт!

«Бур асыв, тэд пөчөөй менам!  
Тэ, донаой, он-ө көть вись?  
И ышловзис кызөктөм веніг:  
«Зэв ошйысьны, бур пи, ог лысьт.  
Тась саймовтчис оломлөн ладыс  
Да разалис-пакталис дзик:  
Пыр мужикъяс зырсьоны татөн  
Да вооны сикт вылө сикт.  
Ме кывлі нин вичкоын вөйпөм,  
И йөзыс оз весьшөрө доль:  
То Радово Криуши нөйтө,  
То мөдыс оз водзөса коль.  
А ставыс өд сыысь, мый царөс  
Вот вөтлім...  
И властьюс ээ ло.  
И енмысльсь ёрөмсө бара  
Ми терпита кымынөд во.  
Со востісны гурйив острогыяс,  
И вельмис дзик мездмөм злөдей:  
Быд ветлысьлөн-мунысьлөн шогьяс,  
Оз вины мед,  
Содісны зэв.  
Көть Криуши сиктсаөс босьт вай:  
Тюрьма йөзөс шаньө оз пөрт,  
Оз гусясьтөг овны да косьтөг,  
Но ставныс со гортаныс бөр.  
Эм налөн сэн Прон Оглоблин —  
Морт этшсө нин вошгөма морт,  
Көть быдөнөс нөйтас да шобас,  
Быд лун ачыс асывсянь код.  
Зэв наян и пасьвартны вермас,  
Мый син улас сөмын оз сюр:  
Война пансян воө тан черөн

Старшинальсь кераліс юр.  
Быд туй вожын шляйтчоны өні  
Морт виысь да ки кодлөн кузь:  
Расеялөн нимыс нин сөмын,  
Дзик бырис шань мывкыда Русь...»  
Ямщиклысь тшөтш казгышті висьтсө,  
И шляпаос босьті да бедь  
Да мөдөдчи ырьяна сиктө,  
Важ төдсаяс адзывны мед.

//

Лөз югөра туй кузя муна  
Да аддза:  
Со гөнитө скач  
Дзор мельникөй чужөм тыр нюма  
Да гажмөма-коддзөма нач.  
«Сергуха! Он эскы, дерт, эськө!  
Вай сувт! От ме вөтась ни узь!  
Со вөжжиөй дзугсьөма весиг...  
Вай кывзы,  
Эн кок йывсьыд усь.  
Тэ асьвнас мыйла чөв олін?»  
Ме Снегингяс ордад:  
Сідз вот,  
Мый миянө воис зэв долыд,  
Зэв нюмсера томиник морт.  
(Дас во накөд ёртасям тан ми,  
Зэв лөсялам, төдін тэ мед).  
И юаліс ныв налөн, Анна:  
— Том мортыс нө абу поэт?  
— Да, да, — шуа-такөда нылос.  
— Блондин?  
— Ну да, дерт жө, блондин!  
— И юрсиыс читкыля сылөн?  
— Дзик сідз — тешкодь зэв господин.  
— А кор сійө воис?»

— Да, сөмьн...  
— Ой, мамукөй, сийө и эм!  
Дерт, гашкө, и вунөдiс öнi,  
Кызд муслунсö вöзйылис мем.  
Сэк кажитчис раминик зонмөн,  
А öнi со тшашмöма сiдз...  
Писатель...  
Да-й нималысь тонö —  
Оз миянлань туйвизьсö видз».   
И содтöд на мыйсюрö тöдысь,  
Шань мельникöй читкыртiс син:  
«Но тырмылас!  
Висьтала мöдысь.  
Тэ пажынöдз терпительн нин...»  
Криушилань туй кузя шалсий  
Да трость-беддён шенаси куш.  
Эг гудрöдлы сьöлөмөс ассьым,  
Эз некутшöм майшасьöм чуж.  
И коддзöдан мөвигьяс ме весьтö  
Зэв кокниа öшйисны тан:  
Вот мича салдаткакöд эськө  
Бур панлыны дженьыд роман.

//

Но и со Криуши...  
Во куим  
Эз мойвилы волыны мен.  
И дзоридза кад буретш суи:  
Сикт пасьтала ойдиc сирень.  
Эз кыв танi понгьяслөн увтöмыс,  
Тан видзнысö нинöм нин нач:  
Сись керкаяс муртса нин сувтсаöсь,  
А наын — укватгьяс да пач.  
Ме видзöда:  
Кильчö выв Пронлөн  
Тыр йöзөн,

И вензёмныс ён:  
Сэн гаралёны выль законъяс  
Да нянь вылө, скөт вылө дон.  
«Бур лун, ёртъяс!»  
«Э, тайö — кыйсьысь!»  
Бур лун!  
Видза олан!  
Вай лок!  
И тöд сэсся:  
Майшасьём мыйся  
И мыйся крестьяналөн шог.  
Вай висьтав,  
Мый Питерын выльыс?  
Министръяскöд тöдса тэ, дерт.  
Эн весьшөрö,  
Шуны кö збыльысь,  
Кулак рöдысь коркö тэ пет.  
Но чырыштны таысь ог кöсийöй —  
Тэ миян дор сулалан со:  
Он ошйысь,  
Он öтдортчы йöзсьыс,  
И сьөлöмыд вузöс оз ло.  
Век миянöс пуктывлін пыдди,  
Век миянлань морöсыд жан.  
Вай висьтав,  
Кор озырлысь мырддым  
Да му-видзёсö юкламöй тан?  
Öд горзёны:  
Энöй пö, энöй!  
Эз во на пö мырддыны кад.  
А мый ради фронт вылас, сэн!  
Вир кисьтö, лов сетö салдат?  
  
И быд мортлөн курыд зэв нюмыс,  
Кор синъясам видзöдö мем.  
Но сьökыдöсь личкисны думъяс,  
И эг вермы шуны ме нем.

Дыр кильчö пос лайкъяліс сәні,  
Дыр сиктсаяс сёрнитім ми.  
«Вай висьтав,  
Код сэтшöмыс Ленин?»  
И шуи сэк:  
«Лениныд — ті».

### 3.

Сэк бауөн кысъяліс сёрни,  
Сэк гудрасисны сідз и тадз.  
И пöч сёрни-баснисö корсис  
Да ваяліс пож тырйөн нач.

И öтчыд, кор нюр вылысь локтім,  
Кор лöсьöдчи вугыртны здук,  
Друг казялі:  
Сьöкыд и лёк мем,  
И шымыртö висьöмлөн дзуг.  
То пытшкөсöй биалö-сотчö,  
То друг йиа ва пытшкө — дзум...  
Сэк, вылысь ас садь вылö вотöдз,  
Ме пессьöмöй быдса нель лун.

А мельникöс пиняв көть аттьöав:  
Оз öтнасөн керкаö пыр,  
Со вуджөртис ныв еджыд платтьöа  
Да петкөдчис чангыля ныр.  
Эз, рөкыс эз тойыштг сэк кувтöдз,  
Да-й йирмөг эз пыркөдны кут,  
Вит лун мысти кок йылö сувті,  
Кор висьöмöй личалис чут.  
Ме сувті...  
И тіралысь кокөн  
Кор джоджөдзыс инмөдчи на,  
Ме кылі нин кодлыськө локтём  
Да нимкодя горөдём:

«А!

Бур, донаой: садь вылө воин,  
А ме казыті челядьдыр вояс,  
Кор юрлөстө лөсьөді тэд:  
Ме нывкаысь дамаон лои,  
Тэ зонкаысь — нима поэт.

.....  
Вай пукушгам.

Йирмөгыд ланьтіс?

Пыр видзөда: тэ — абу тэ!?  
Эг өтчыдысь ышловзъыв тані,  
Да пось киад инмөдчыв ме.  
Да...

Он бергөд сійөс, мый вөлі.  
Пыр котөртө во бөрся во.  
Ме радейті пукавны чөла,  
Кор кыкөн ми колявлім вой.  
Ми мөвпалім нималөм йылысь...  
И тэ лыйин-веськалін стөч.  
А ме?

Офицер вөсна сыліс

Став көсйөмөй...

Нинөм он вөч».

//

Ме кывзі и сы вылө дзорги:

Ен сетөма мичлун да стать...

Эг шу муртса:

«Вай вежам сёрни,

Эз бергөдчы кыгчөдз юр садь...»

Он төд,

Он век гөгөрво асьтө,

Друг гусятор пычкыяс мырд:

«Да... да...

Өні выльысь ме казыті,

Мый мусаон вөлі быд рыг.

Кабак чада Русь йылысь, колөк,  
Ме лыддышта...  
Он тшөкты — ог...  
Быд кывбур и шылыд, и мольды,  
Сэн эм чиган сьылөм кодь шог».  
«Сергей!  
Мыйла нелючки пессян?  
Мый жалита,  
Ог нин и шу,  
Өд код юра зыксьомьяс тэнсьыд  
Со төдө нин став чужан му.  
Вай висьтав:  
Мый тэкөд лоис:  
«Ог төд».  
«Кысь тэд этатшөм сям?»  
«Ме чайта, мый арся руд войö  
Сьод шог пыкны чужтөма мам».  
«Тэ шмонитан...»  
«Тэ моз жö, Анна».  
«Тэ радейтан кодöскö?»  
«Ог».  
«Ме дзик гөгөрвоны ог сяммы,  
Мый ради лад вылас он лок,  
Өд тэ водзын туй сэтшөм югыд со...»

А рыг вöлі пемьд да саль...  
Ог төд, мыйла чабралі дугдывтөг  
Перчаткисö сылысь да шаль.

.....  
Сэк клоун моз сералис төлысь.  
Дерт, сьөлөм эз сот важся би,  
Но сөдз югыд казьтылөм вöлі,  
Кызд дас квайт ар тыртимöй ми.  
Ми югдыгөдз пукалім сідзи,  
Быд кыв вöлі нөджкыв кодь мем...  
Эм гожөмлөн ассикас мичлун,  
И ми пытшкын гожся мич эм.

Ой, мельникöй...  
 Но тэ и мельник!  
 Вот йöймодас менö — и пом.  
 Со панöма мыйкö, бездельник,  
 И котралö, кыз почталён.  
 И талун со вайöма гижöд —  
 Дзик мусуксянь чолöм-поклон:  
 «Вай волöй.  
 Вай эн вежавидзöй.  
 Тi — ас морт.  
 Оглоблин Прон».

.....  
 И муни.  
 Криушиö локти.  
 Тан — Прон.  
 Аслас морöсыс жан,  
 И код юрöн пинялö-лөктö  
 Став коньöра олысьсö тан.  
 «Эй, тi!  
 Олад төрöкан туйö!  
 Вай Снегиналысь чегам борд!  
 Вай сет, шуам, видзьяс да муяс,  
 И некутшöм выкуп эн кор!»  
 И сэки жö, менö кор аддзис,  
 Прон чусмышти-ланьтышти пыр:  
 «Крестьяна оз садьмыны асьныс,  
 И ковмас на чукасьны дыр».  
 «А менö тэ мый ради корин?»  
 «Дерт, ытшкысьöс тэысь ог вöч.  
 Вöв судзöдам:  
 Снегина дорö  
 Ми ветламöй тэкöдыд тшöтш...»  
 И аддзисны кутшöмкö вöвшой —  
 Кык вож костын кучик да лы:  
 Оз татшöмтö ньöбны, көть көвьяв,

Мед не видзны аслыныслы.  
Ми восьлалім, сувтавлім, шойччим,  
То ёрччим, то сералім дыр,  
И телега дзик быд кыр воча  
Ми ас вылын кыскимой пыр.  
Важ керкаыс со мезонина,  
И водзланьё нёровтчёма,  
Жасмин кёрыс ныр-вомё инмё —  
Дзик быгтьёкё апалан ма.

Кор туй буссё чөвтім ас вылысь,  
Террасалань матыстчим нин,  
Сэк аньяслысь бёрдёмсё кылім,  
Сьёд шог шөрө веськалім ми:  
«Көть бёрд, көть эн бёрд —  
Он нин отсав,  
Ёд коньёр нин — кодзалём шой...  
Сэн игёдчоны...  
Юав — код сэн?»  
Тэ пудригчы...  
Дзеб ассьыд дой...»  
Вель кыз,  
Жугыль чужёма дама  
Кор одзёссё калькөдіс,  
Сэк  
Прон корны видз-му сёмын сяммис  
Да отигор дёжналіс: «Сет!  
Вай сет!  
Ог жё ме пидзёсчанясь,  
Мед кокьястё окавны тэд!»  
А ми водзын сулалысь аньыс  
Дзик нинём эз гёгөрво, дерт.  
Но чуктіс жё коркё и кыв-ворыс  
Да разыштіс сёрнилысь дзуг:  
«А ті, дерт жё, тёдөмысь, ныв дорё?»  
Ті пукышглөй...  
Виччысьлөй здук...»

Ме ясыда помнита пыр на  
Збой кадыслысь дзугсö да вез.  
Эз кокни вöв воськовтны жырйö  
Да Аннаос аддзыны...  
Эз...  
Öд содгöд на мөвпалі гусьон,  
Мый отсыштны аньяслы дась.  
«Ой, Боря öд усис,  
Ой, усис...  
Эн лок татчö!  
Весась вай тась!  
Тэ — трус,  
И тэ ловья и тані,  
А сійос нин личкö уль му...»  
Дерт, тайö нин вывті...  
Но паныд  
Ме, кутчыси да, кыв эг шу.  
Но яндзимыс сотіс и талис  
И чужөмöй ыпгьяліс дон:  
«Оз позь накöд сёрнитны талун...  
Вай ветлам кабакö, Прон...»

#### 4.

Ме гожөмбыд нюр вылын кыйси.  
Ме вунöді чужөм и ним  
Том аньыслысь.  
Да-й недыр мысти  
Öбидаöй разаліс нин.

Зэв голь чужан муным да раминик,  
Оз лышкыда дзоридзөн кой:  
Шань гожөмыс лэбыштны сяммылас,  
Кыдз тувсовья дженъыдик вой.  
Пыр гөрджык да кöдзыджык кыа,  
Му веркөсыс руалас бөр,  
И колигьяс чипсасьөм шыөн

Сэк гызылас тупа вөр.  
А мельникöй паськыда нюмъялö —  
Дзик коддзöма,  
Гажмöма стöч:  
«Сергуха,  
Ми кыйсям на нюр вылын,  
И миян на лоас став кöч!»  
Дерт, рад ме и кыйсьыны,  
Кодыр  
Он мын мöд ног унзильсьыд, зон...  
Друг рытсёрын,  
Узыны нин водг,  
Дзик тöльсь кодь мыгчысис Прон.  
«Ёрт-ёртанöй!  
Выль, ыджыд шудöн!  
Со воис дыр виччысян час!  
Важ олöмсö пузувтны кутам,  
Кызд чуйдöдö асланым власть!  
Ми видз-муяс мырддыны петам,  
Ог виччысьöй гожöм ни ар.  
Россияын öнi Сöветьяс,  
И Ленин сэн — бать-комиссар.  
Ёрт-ёртанöй!  
Олöмыс чегсис,  
Сидз пузис,  
Сидз мöдöдчис скач:  
Ме нимкодьяла муртса эг чергысь,  
А вок менам кöтöдiс гач.  
Ми талунсянь ог воёй пикö,  
Ми овмöдчам на сьылгтыр.  
Медводдзаöн асланым сиктын  
Коммуна ме лöсьöда пыр».

Да, Пронлөн эм вок Лабутя,  
Морт ковтöм, кызд витöд туз:  
Быд гымышгиг —  
Польсь кутьö,

А кобас да —  
Ошйысьысь трус.  
И татшөмгьяс сөрөны сідзи,  
Мый мортыс и зывөк, и жаль.  
Японскöй война кадсянь видзö  
Лабутя кык еджыд медаль.  
Кор коддзас,  
Кабак шöрын ойзö,  
Дась вузавны дөрөм и кöм:  
«Бур йöз,  
Ляоянса геройлы  
Вай чуктöдöй доз вылö сьöм...»  
Кор öдва нин бергалö кылыс,  
Став курыдтор нёнялөм мысьт,  
То сэк Порт-Артур усьöм йылысь  
Дыр нюжодас синваа висьт.  
"Гöлубчик! —  
Сэк лимзываліс. —  
Петя!  
Оз, менö оз донъявны тан.  
Геройствоос став вöльнöй светас  
Оз вунöдды дзик Ляоян».  
Йöз син улысь татшөм оз лэдзчысь,  
Кöть оз песлы ки пыдöс гадь:  
Лабутя Сöветын нин педзö —  
Медальяслы дзёбсьывны кад.  
Но тшапитгчан этшыс эз дзёбсьы,  
И чиктыліс,  
Кыз ветеран,  
Кор казътыліс самöкур весьтын  
И Нерчинскъяс,  
И Турухан:  
«Да, вокöй!  
Ми сьöкыд туй талим,  
Но некор эг повзъылöй, эг...»

.....  
Медальяс, медальяс, медальяс

Быд сёрниын зильгисны сэк.  
Лабутя век ыззьөдліс воксө,  
Коть Прон сійос матькывліс бон,  
И Снегингяс керкао локтіс,  
Мед мырддыны,  
Медводзөн Прон.  
И мырддисны ладтөг и судтөг,  
Эз артавны некутшөм тшөт,  
И вөлөстьо вуджис став хутор:  
И скөт, и көзаяйкаяс тшөтш.

А мельникөй...

.....  
Пөрысьмөм мельник  
Эз Снегина-аньясөс чөвт,  
И вайөдіс гортас.  
Да-й вель дыр  
Ме төждыси...  
Бокын эг вөв...  
И ылькнитіс-казытывсис мыйкө...  
Ме видзөді...  
Мичаник вом  
Кыз бытгьөкө окасьны кыскө  
Да чуксалө менө —  
И пом.  
Но Анналөн жугыля шусис:  
«Прөститөй...  
Ме лёк ногөн сэк...  
Мем верөсөй зэв вөлі муса.  
Кыз казытышта,  
Юр висьө век...  
А тэнө ме помкатөг дойді,  
Зэв чорыда веськаліс тэд,  
Өд сыөдз ме көсий:  
Дзик войбыд  
Тэ сывьялін-окалін мед.  
Дерт, арөдзыс сөмын и эськө

Ме төдлі юр кольмөдан шуд,  
Дерт, бөрыннас эновтін сэсся  
И жалитны ньоти эн кут.  
Ме сьөлөмөс такөдны сямми,  
Мый шог кындзи нинөм оз шед.  
Да-й важ видзөдласьяса мамой  
Эз гөгөрво миянөс, дерт».  
Ме мод сикас сёрни сэк бөйи,  
Мед дзикөдэ не нормыны тан.  
Ме видзөді сы вылө...  
Бөрлань  
Сэк катовтчис нюдз коска ань.  
«Вай висьтав,  
Дерт, жугөдөм хутор  
Тэд, Анна,  
И висьом, и шог?»  
Но ань колис воча кыв шутөг,  
Эз вөв быгтьө хуторөдз мог.

.....  
«Тэ видзөдлы,  
Югдө нин, югдө...  
Гөрд кыа,  
Кызд лым вылын би.  
И мыйкө мем казътылө-чуйдө,  
Но ог гөгөрво,  
Көть тэ ви...  
Ах, да...  
Челядь дырйиным вөлі:  
Кызд тавой,  
Сідз югдыгөдз век  
Ми тэкөдыд пукавлім чөла...  
Дас квайт арөс тыртлімөй сэк...»  
Зэв меліа видзөдліс сэсся да  
Ань кусыньтіс кисө кызд юсь,  
И шуис зэв быгтьөкө веськодя:  
«Но, медъя...  
А талун вай узь...»

И рыгторув мунісны найӧ.  
А мунісны кыгчӧ —  
Ог тӧд.  
Он вош восьсаинын, ме чайта,  
Кӧть кодарӧ нырвизьӧн мӧд.

Ог тӧд, мый нин водзӧсӧ лои,  
Ог тӧд, мый сэк вӧчӧма Прон,  
Ме регыд мысыт Питерӧ вои —  
Сэн унзія олӧмлы пом.

5.

Да, кад вӧлі чорыд и гыма!  
Ме ставсӧ эг серпасав, эг,  
Ӧд югыд дворечьясын кымын  
Садатъяслӧн «мать» кывліс сэк.

Сэк зэлаӧм олӧм лад пезьдіс:  
Сэк мыссыгӧм чужӧма морт  
Рояль вылын пемӧсьяс весьтын  
Тамбовскӧйӧс гындіс фокстрот.

Ас нянь выӧ, картопель выӧ  
Сэк ньӧбис мужик граммофон:  
Танго сыӧн ӧшиньсянь кылӧ,  
И лэбӧ сэсь чигарка пом.

Да-й вузасиг дьӧбӧ оз кольлы,  
Налогъяс кӧть морыс оз лый,  
И йӧймыгӧдз сы йылысь дольӧ,  
Кык кок костса гӧглясьӧ мый.

Но визула кывтісны вояс,  
И кусіс нянь быдтысьлӧн гаж,  
Ӧд дзебасын сісьтыны лоис

«Керенкая»,  
Косявны дзаж...  
Ой, вердысь! Касатик! Фефела!  
Эм мөскыд, и вөлыд, и му,  
А сьом чөжан кыд век зэлыд,  
Көть йөйөн көть прөсужөн шу.  
Но, тырмылас,  
Ойзыны мисьтөм!  
Да-й шпынняявны сэсся ог мод!  
Со мельникөй талун мем ыстис  
Прон сгинитөм йылысь письмө.  
«Сергуха! Тэ сьолөмшөр-мортөй!  
Пось чолөм тэд!  
Дзоньвидза ло!  
Криуши он лыдды тэ гортөн,  
Эн петкөдчыв быдса квайт во.  
Тэ пөрысьяс гаж вылө зськө  
Көть веськөдин татчань туйвизь  
Да-й мянын сы мында вежсьөм,  
Мый письмөын ставсө он гиж.  
Дерт, олөмыс гыдыв нин воис,  
Но бушколыс вөлі вель ён.  
Тэ төдан-ө, кызьөд воын  
Тан лыйлыны веськаліс Прон.

Расея...  
Ми дурамөй би киньөн,  
Ог разьөй, а кералам дзуг...  
Со өтчыд казакьяс Деникинлөн  
Криушиө локтисны друг.  
И мөдөдчис вир кисьтан ворсөм,  
Кызд некоді некор эз ворс:  
Казакьяслөн сералөм сорөн  
Йөз мыш весьтын шутьяліс орс.  
Вот сэки и сгинитис Проныд,  
Лабутя жө — идзасө юр  
Сэк сөйис...

И ловъя со тоно —  
Казакъяслы лыны эз сюр.  
И коддзас да, йёзын и гортын  
Век дольывлө,  
Колө — оз ков:  
«Мед сетасны меным гөрд орден,  
Мый нинөмысь сэки эг пов».  
Сьод кымөръяс вешийсны дзикөдз...  
И олөмным абу коть рай,  
Тэ волан кө Криуши сиктөдз,  
Мый каитчан бөрнас,  
От чайт».

//

Ме коркө моз туйын со бара.  
Июнь.  
Көка вой.  
Еджыд ру.  
И телега котөртө-сяргө,  
Коть өдийо мый мунө,  
От шу.  
Дзик коркө моз туй вөлі шыльыд  
И сынөдыс ыркыд да сөдз,  
И төлысьыс лөз енэж вылысь  
Сэк пожналіс зарнион стөч.  
Ми гөнитам потшөсьяс пөлөн,  
Часовняяс, юкмөсьяс со  
И коркө моз чиктылө сьөлөм,  
Эз коль быттё сы мында во.  
Важ мельнича...  
Сук козьяиныс  
Яр биясөн өзийома со,  
И мельникөй педзө, оз инась,  
Оз нимкодъла усыпаньвыв во:  
«Но, сөкатой!  
Тэ-ө, Сергуха?!»

Дерт, кынмин тэ ёна, сё мор?!  
Вай самовар сувтөд, старука,  
Мед шонгыяс чайон госьт морт.  
Сергуньой! Вай кывзы тэ менө.

.....

Коть зонмалан,  
Верстьö нин морт...  
Бур козин со дасьтi ме тэныд  
И чайта да, виччысянтор».  
«Збыль, козин?»  
«От төд, кыздэ и шуны...  
Тэд урчитөм письмөтор эм.  
Со колис кык төлысьысь уна,  
Кыздэ почтасянь сетисны мем».  
Ме восьтi да лыддя...  
Мөд аньлысь,  
Дерт, виччысьны эг ме и чайт:  
И гижөдлөн майшасьтөм сямыс,  
И Лондонса эм печать.  
«Тi ловьяёсь?..  
Медтя жө...  
Дивья  
И менө лёк рөкыс эз кый:  
Ме вөтасьла потшөс да дзирья  
И кывьястө, шульвалн мый.  
А öнi Россияын тулыс,  
Но зэв ылын мясянь ас му,  
Көн козлы и ловзысь кыздэ пулы  
Сидз лөсялө асья лөз ру.  
И, буретш кө чайтөмөй инас,  
Шог письмөос гижа ме кор,  
Тi мельниккөд тар койтанінын  
Со виччысяд бара рытсёр.  
То нимкодь, то гажтөмтчөм вөсна  
Ме пристаньын сулавла дыр,  
И вель уна суднояс пөвстын  
Советскöй гөрд флаг корся пыр.

Ті кыпгінныд, ёнминныд сәні,  
Но олан туй сәтчань оз ну.  
А ті важ моз мусаоьсь меным,  
Кыз тулыс да кыз чужан му».

.....

Дерт, гижод кыз гижод,  
Но воссис  
Шог-майшасьомыс аныслон...  
... Ме сакся моз ыж ку пась босьт  
Да моді, важ сеновал кон.  
И петі ме тодса нин садьо —  
Сэн чужомос нюло сирень.  
И озьяна сингясон аддза  
Важ дзирья,  
Мый дзурто на сэн.  
Од этайо дзирьяыс дорын,  
Дас квайт арос вולי кор мем,  
Шань нылос ме окасьны кори,  
А ныв шуис меліа: «Эн!»  
Ме казтьвлі тайос эг шоча,  
Эз дзик ваймы ыпнитлом би:  
Эг ми сомьн муслунон сотчой —  
Тшотш мусаоьсь волонным ми.

*Январь 1925 во*

*Батум*

Вуджодіс **Альберт Вансеев**

## СЬӦД МОРТ

Ёртӧй, ёртӧй,  
Ме чорыда-чорыда вися.  
Кыгысь висьӧмыс локтис, ме ачым ог тӧд.  
То ли енэжсянь тӧв  
Кушмӧм му вылас ӧдӧбӧн киссьӧ,  
То ли юӧмӧй вӧсна  
Юр вемӧй дзик шогмытӧм сьӧд.

Юрӧй курасьӧ пельясӧн,  
Кыз бордьясӧн лэбач.  
Коклӧн за вылын век  
Кутчысьны лоӧма дыш.  
Сьӧд морт,  
Сьӧд, сьӧд,  
Сьӧд морт  
Менсьым пыдзыртӧ эбӧс,  
Сьӧд морт войбыд  
Пукалӧ ме дорын быттьӧкӧ шыш.

Сьӧд морт  
Чуньяснас новлӧдлӧ книга вьвтӧ  
Да, кулӧм морт весьтын  
Быттьӧкӧ намӧдчысь поп,  
Ӧти шогмытӧм морт йылысь  
Дэльӧдчӧ-лӧвтӧ,  
Шогӧдӧ быдсӧн, кӧть пемыдас соб.  
Сьӧд морт,  
Сьӧд, сьӧд!

«Кывзы, кывзы, —  
Дөзмөдчө мен, —  
Книгаас уна зэв  
Колана мөвпыс да планыс.  
Тайо мортыс  
Овлөма сэн,  
Көн медся уна  
Юр вундысьыс да шарлатаныс.

Кор декабрь, сәні лым —  
Кутшөм, шуны он куж.  
Гажа турөбьяс  
Печкөны вурун.  
Мортыс сийө эз мырсыны чуж,  
Көсийс уджавны  
Вежөра юрөн.

Мичаник вөлі,  
Нөшга поэт,  
Вьныс нейджыд,  
Но чабыртліс ёна на,  
И кутшөмкө бабаос,  
Кодлы нэм джын нин, дерт,  
Наян нывкаон шуис  
Да мусаон-донаон.

«Шудыс, — шуалис сийө, —  
Тайо йөйталан кор.  
Весиг йөзыслөн петөма  
Корсюрө жалыс.  
Мед кө сьөлөмыд  
Дойысла нор,  
А олөмыс тәнө  
Водзө пыр нальө.

Гымалө-чардалө,  
Турөба кор,

Шогыс кор отаро  
Йиромон йиро,  
Нюмъявны, бордъявны гажыслысь гор —  
Медыджыд кужомыс пузвтом мирас».

«Сьод мортй!  
Кызкө вай метог.  
Одвакө кодоскө  
Тайон тэ шензьодан.  
Веськодь дзик меным  
Тэнад поэтыд,  
Мукөдкөд, колөкө,  
Лыддысь да, вензы да».

Сьод морт  
Лосьодчө кыпöдны вен.  
Синъясыс кельдöны  
Лөзоват йион, —  
Быгтö, смелмис да,  
Шуны лосьодчө мен,  
Мый ме кодоскө  
Начки ли вии.

.....  
Ёртöй, ёртöй,  
Ме чорыда-чорыда вися.  
Кыгысь висьомыс локтис, ме ачим ог төд.  
То ли енэжсянь төв  
Кушмом му вылас одөбөн киссьö,  
То ли юёмой вöсна  
Юр вемой шогмыгом сьод.

Войыс көдзыд зэв.  
Лоньсö тöлыс оз нетшкы.  
Ошинь дорын ме отнам,  
Гөсть ни, ёрт ни оз пыр.  
Эрдсö вевтöма  
Чирьялысь небыдик эшкын,

И садьяным пуясыс —  
Быгтгö верзьöма локтöма тыр.

Кöнкö бöрдö  
Омöльсö чуксалысь лэбач.  
Кылö верзьöма пуяслөн  
Котралан звөн.  
И бара на съöдыс,  
Кодöс пемыдыс дзёбö,  
Креслö дорышö пуксьö  
Да корсьö ме көн.

«Кывзы, кывзы! —  
Киргö сийö, овны оз сет,  
Мелань нёровтчö,  
Тайкö локалас. —  
Ме эг аддзыв на,  
Тэ кодъыс кодкö мед  
Узьтөг войяссö  
Йöй моз пукалис.

Гашкö, и сорси,  
Сэтшöм нин сям.  
Нöшта колö нö мый  
Синсö лазйöдöм пельöслы?  
Гашкö, кыз лядвее  
Гусьöник локтас мадам  
Да ассьыд кулöм нин лирика  
Вöзьян мадамыслөн пельяслы?

Зэв поэгьясыд мусаöсь!  
Öти визув, мöд вöй.  
Найöс аддза да,  
Вежөрö воливлö,  
Кызди лёмось курсисткакöд  
Сёрнитö мир йылысь йöй,  
Думсьыс личкывны дась  
Да пöся нин лолалö.

От төд да ог помнит,  
Сикт кӱнкӱ эм,  
Гашкӱ, Калугаын,  
А гашкӱ, Рязаньын,  
Оліс зонка,  
Кыдзи быдӱн ас нэм,  
Лӱзоват сингьяса,  
Нималис шаньӱн.

И со сійӱ верстьӱ,  
Нӱшта поэт,  
Выныс нейджыд,  
Но чабыртліс ёна на,  
И кутшӱмкӱ бабаӱс,  
Кодлы нэм джын нин, дерт,  
Наян нывкаӱн шуис  
Да мусаӱн-донаӱн.

«Сьӱд морт!  
Тэ шогмыгӱм жлеть.  
Кыськӱ пемыдсьыс  
Збыльысь и чужӱмьд».  
Скӱрми ме, пузи ме,  
Лэбӱ шыбитӱм бедь  
Сылӱн сингьяссӱ  
Паськӱдӱм чужӱмӱ.

.....

...Тӱлысь куліс.  
Лӱзалӱ лун.  
Ок тэ, вой!  
Позьӱ сизимысь кольмыны.

Гортын сулала ме,  
Ог на некытчö мун.  
Öтнам ме...  
Да рөмпöштган зельмунöм...

1925 во

Вуджöдiс **Василий Лодыгин**



## ЮРИНДАЛЫСЬ

Альберт Ванеев. Роч колипкай (водэжык) ..... 5

### Кывбурьяс

«Пуксис рыг. И лысва...» Вуджөдіс Николай Щукин .....	11
«Төв сьылө — гора чуксасьö...» Вуджөдіс Виктор Напалков .....	12
Кыдз пу. Вуджөдіс Илля Вась .....	13
«Рыгтя кадö ты весьтын алöй кыа вöнь». Вуджөдіс Владилен Крюков .....	14
«Ытва. Лöньö тöлыс...» Вуджөдіс Владимир Тимин .....	15
«Льöм пуысь гылалö дзоридз...» Вуджөдіс Илля Вась .....	16
«Войыс пемыд, мем оз узьсьы...» Вуджөдіс Владимир Тимин .....	17
«Вöлі мича зэв Таниюша, некод сы кодь эз вöв тан...» Вуджөдіс Владилен Крюков .....	18
Дорчысь. Вуджөдіс Владимир Тимин .....	19
«Чужан муöй! Вöт и вемöс...» Вуджөдіс Владимир Тимин .....	21
«Рышкыд сöчөнъяс сёр вылынöсь...» Вуджөдіс Владимир Тимин ....	22
«Гумла сайын гора гузьöбөн...» Вуджөдіс Владимир Тимин .....	23
«Русь тэ менам, сьölөмшөрöй...» Вуджөдіс Владимир Тимин .....	25
Бур асыв! Вуджөдіс Илля Вась .....	26
«Гыбадъяс да нюрьяс...» Вуджөдіс Виктор Напалков .....	27
«Гартчö-бергалö кымöрыс раскын...» Вуджөдіс Альберт Ванеев .....	28
«Потшöс вылын көлач тырыс...» Вуджөдіс Василий Лодыгин .....	29
«Сэні, көні петшөр вижөдöма...» Вуджөдіс Альберт Ванеев .....	30
Мöс. Вуджөдіс Олег Уляшев .....	32
Пон йылысь сьылан. Вуджөдіс Василий Лодыгин .....	33
Ар. Вуджөдіс Владимир Тимин .....	35

«Сьод юрси прать кодь пемыд вöрыс...» Вуджöдiс Владимир Тимин .....	36
«Ог нин ляк ме бадь пöвстын пöттурун...» Вуджöдiс Альберт Ванеев .....	37
«Ме бара гортын, бара тан...» Вуджöдiс Альберт Ванеев .....	38
Льöм пу. Вуджöдiс Илля Вась .....	39
«Тöлысь югөр муö усьö...» Вуджöдiс Владимир Тимин .....	40
Руч. Вуджöдiс Василий Лодыгин .....	41
«Оз, оз кымөр рыныш саяс...» Вуджöдiс Виктор Напалков .....	42
«Дзорга вылö, дзорга улö...» Вуджöдiс Василий Лодыгин .....	44
«Эз на прöстö тöлысь петав...» Вуджöдiс Михаил Елькин .....	45
«Зэрөн пöдöм чужан муöй...» Вуджöдiс Василий Лодыгин .....	46
«О Русь, вай шенышт бордьяс...» Вуджöдiс Василий Лодыгин .....	47
«Вой да петук со чуксасьö вот...» Вуджöдiс Василий Лодыгин .....	50
«Тадз ли, мый ли енэж йирыс быгъялис...» Вуджöдiс Василий Лодыгин .....	51
«Турун пöвстö, потшöссайса йөрö...» Вуджöдiс Василий Лодыгин ...	52
«Көн тэ, батылөн керка-куд...» Вуджöдiс Василий Лодыгин .....	54
«О муяс, муяс, муяс...» Вуджöдiс Василий Лодыгин .....	55
«Кушöсь муяс, чөлöсь расьяс...» Вуджöдiс Николай Щукин .....	56
«Нальпак вывтi со восьлала ме...» Вуджöдiс Николай Щукин .....	57
«О эска, эска шудыс эм!» Вуджöдiс Николай Щукин .....	58
«Сьылан-сьылангьяс, мый йылысь тi?» Вуджöдiс Николай Щукин .	59
«Со сийö, йöйталан шудным...» Вуджöдiс Николай Щукин .....	60
«Чужан керкаысь янсали ме...» Вуджöдiс Николай Щукин .....	61
«Тöлöй, тöланöй, лым сора тöлöй...» Вуджöдiс Николай Щукин ....	62
«Дзик нин арся моз буксывлö сюзь...» Вуджöдiс Альберт Ванеев	63
«Ме дзик медбөрья сиктса пöэт нин...» Вуджöдiс Василий Лодыгин .....	64
Хулиган. Вуджöдiс Василий Лодыгин .....	65
Нянь йылысь сьылан. Вуджöдiс Василий Лодыгин .....	67
«Менам чужанин — шуны он куж...» Вуджöдiс Василий Лодыгин	69
«Дзик став ловьясö вöльнöй светас...» Вуджöдiс Михаил Елькин ...	71
«Чужан муöй да-й нэмöвöй гажöй...» Вуджöдiс Василий Лодыгин ..	73
«Ог ме бöрд, ог жалит-чуксав нинöм...» Вуджöдiс Владилен Крюков .....	75
«Сидз нин артмис. Эн видöй-пурöй...» Вуджöдiс Михаил Елькин ...	76

«Ачымӱс ог пӱръяв. Талун тані...» Вуджӱдіс Владилен Крюков .....	77
«Да! Дзик некор нин вольтӱм вылӱ...» Вуджӱдіс Михаил Елькин	79
«Съыв жӱ, съыв. Медым бӱрдас гитара...» Вуджӱдіс Василий Лодыгин .....	81
«Татчӱс ывла выв кажитчӱ мича...» Вуджӱдіс Альберт Ванеев .....	83
«Югыд би пестӱм лӱз енӱж выв...» Вуджӱдіс Альберт Ванеев .....	85
«Кӱтӱ мӱд зон мичлун нюліс нин...» Вуджӱдіс Анатолий Афанасьев .....	86
«Со мый, мусаӱй, ме вӱзъя...» Вуджӱдіс Владимир Тимин .....	88
«Тӱ чужтан менсьым жугыльмӱм...» Вуджӱдіс Анатолий Афанасьев .....	90
«Ыркыд лов шынад менӱ эн мучит...» Вуджӱдіс Альберт Ванеев .	91
«Зумыш синкым пыр сӱд войыс дзоргӱ...» Вуджӱдіс Владилен Крюков .....	93
«Аттӱ, ӱна жӱ мудзсьӱма менам...» Вуджӱдіс Василий Лодыгин ...	94
«Кӱні гажа пӱра». Вуджӱдіс Ананий Размыслов .....	96
Мамлы письмӱ. Вуджӱдіс Альберт Ванеев .....	98
«Ньӱжйӱникӱн ставным сӱтчаны мунам...» Вуджӱдіс Альберт Ванеев .....	100
«Со гылаӱны коръяс зарни раслӱн...» Вуджӱдіс Альберт Ванеев	102
Кавказын. Вуджӱдіс Альберт Ванеев .....	103
Кычан. Вуджӱдіс Олег Уляшев .....	106
«Ляпкыд керкалӱн лӱзов ӱшинь тас...» Вуджӱдіс Альберт Ванеев ...	108
Брюсовӱс казгыльмӱм вылӱ. Вуджӱдіс Виктор Напалков .....	110
Стансъяс. Вуджӱдіс Виктор Напалков .....	112
Аньлы письмӱ. Вуджӱдіс Альберт Ванеев .....	114
Турӱб. Вуджӱдіс Виктор Напалков .....	118
Персидскӱй мотивъяс. Вуджӱдіс Альберт Ванеев.....	122
«Важся сьӱлӱм дойӱй личальштӱс...» .....	122
«Сьӱм вежысьлысь юалӱ ме талун...» .....	124
«Шаганӱ менам тӱ, Шаганӱ!...» .....	125
«Висьталан тӱ, мый Саади...» .....	126
«Некор ме Босфор пролив эг аддзыв...» .....	127
«Рыгтя кыа шафрана му вылын...» .....	129
«Сынӱдыс лӱзов и югыд...» .....	131
«Кӱдзыд тӱлысьлӱн зарни рӱм...» .....	132
«Эм, эм сӱтшӱм ӱдзӱс Хороссанын...» .....	133

«Лөзов му, кӧн чужлӧма Фирдуси...» .....	134
«А поэтӧн лоны пуд кӧ усьӧ...» .....	135
«Мусуклӧн кык ки — кык орчча юсь...» .....	136
«Мыйла тӧлысь кельыд югӧр койӧ...» .....	137
«Сьӧлӧмӧй, йӧйӧй, эн пессый!..» .....	138
«Лӧзов-лӧзов, гажа лунвыв му...» .....	140
«Кывйӧн висьтавыны поэтым да мел...» <i>Вуджӧдис Василий</i>	
<i>Лодыгин</i> .....	141
«Но жӧ, окая, окая вай...» <i>Вуджӧдис Альберт Ванеев</i> .....	143
«Кык кыа ёрта-ёрткӧд чуксасьӧны...» <i>Вуджӧдис Альберт Ванеев</i> ..	145
«Мойвиас мед быд уджалысь мортлы!..» <i>Вуджӧдис Альберт</i>	
<i>Ванеев</i> .....	147
Мулӧн капитан. <i>Вуджӧдис Иван Вавилин</i> .....	148
«Вадор пӧлӧн муна. Балябӧжын кепка...» <i>Вуджӧдис Геннадий</i>	
<i>Юшков</i> .....	151
«Увтасины узьӧ небыд турун...» <i>Вуджӧдис Альберт Ванеев</i> .....	153
«Ме, мусайӧ, ӧнӧдз эг вунӧд...» <i>Вуджӧдис Владимир Тимин</i> .....	154
«Эн кус тэ, кодзув, ӧзйы ылын...» <i>Вуджӧдис Владимир Тимин</i> ...	155
«Олӧм — ылӧг, вӧг и вемӧс сийӧ...» <i>Вуджӧдис Владимир Тимин</i>	157
«Коръяс усьӧны, коръяс усьӧны...» <i>Вуджӧдис Владимир Тимин</i> ...	159
«Ӧшинь весьтын тӧлысь. Ӧшинь улын тӧв ныр...» <i>Вуджӧдис</i>	
<i>Николай Щукин</i> .....	160
«Ворс, тальянка, збоя, ворс, тальянка, гажӧд...» <i>Вуджӧдис</i>	
<i>Владимир Тимин</i> .....	161
Татшӧм мичаяссӧ эг аддзыв... <i>Вуджӧдис Владимир Тимин</i> .....	162
«Ноко, горӧктив сийӧс, мый коркӧ...» <i>Вуджӧдис Владимир Попов</i>	163
«Корадоддыс! А вӧлыс, вӧлыс!..» <i>Вуджӧдис Альберт Ванеев</i> .....	165
«Гартчигтыр лымйыс чужӧмӧ койӧ...» <i>Вуджӧдис Виктор Напалков</i>	167
«Лӧзоват рыгӧ, тӧлыся рыгӧ...» <i>Вуджӧдис Виктор Напалков</i> .....	168
«Эн тэ сәні шпынняяв, кызд гажыд тә ов...» <i>Вуджӧдис Виктор</i>	
<i>Напалков</i> .....	169
«Чиганлӧн скрипка моз лимзалӧ турӧб...» <i>Вуджӧдис Василий</i>	
<i>Лодыгин</i> .....	170
«Но и тайӧ турӧб, ловззы либӧ кув!..» <i>Вуджӧдис Василий</i>	
<i>Лодыгин</i> .....	171
«Еджыд лымья эрдыяс, еджыд тӧлысь бан...» <i>Вуджӧдис Василий</i>	
<i>Лодыгин</i> .....	172

«Коньор гижысь, овлан өмөй гажа...» Вуджөдіс Василий Лодыгин	173
«Ляпкыд понольяса вöрыс...» Вуджөдіс Альберт Ванеев	174
«Клөнөй, йизьом клөнөй, зэв тай кöдзыд лолыд...» Вуджөдіс Василий Лодыгин	176
«О, кутшөм вой! Он шуны куж...» Вуджөдіс Василий Лодыгин	177
«Эн тэ ме вылө кымөрөн видзөд...» Вуджөдіс Василий Лодыгин	179
«Водз ли, сёр ли, сөмын вежсис сямөй...» Вуджөдіс Василий Лодыгин	181
«Код ме? Мый ме? Сөмын кыськө волысь...» Вуджөдіс Василий Лодыгин	183
«Адзысьлыгöдз, адзысьлыгöдз, ёртöй...» Вуджөдіс Василий Лодыгин	184

### Поэмаяс

Анна Снегина. Вуджөдіс Альберт Ванеев	186
Сьöd морт. Вуджөдіс Василий Лодыгин	211

**Есенин С. А.**

Е 82 Русь тэ менам, сьӧлӧмшӧрӧй. Бӧрйӧм кывбурьяс да поэмаяс. — Сыктывкар: Коми книжнӧй издательство, 1995. — 224 л. б.

ISBN 5-7555-0551-9

Таво тырӧ ыджыд роч поэт Сергей Есенинлӧн чужӧмсянь сӧ во. Сылӧн поэзияыс зэв ӧна тӧдчис и коми поэзиялӧн быдмӧм-сӧвмӧм вылӧ. Поэтлӧн коми кыв вылын бӧрйӧм гижӧдъяса книгаыс лоӧ сылы став коми литературасянь атӧӧалана кывйӧн.

**84.2 Рос 6**

Б  $\frac{4702310200 - 019}{M 128 (03) - 95}$  38 - 95 м

**Литературно-художественное издание**

Сергей Александрович Есенин

**ГОЙ ТЫ РУСЬ МОЯ, РОДНАЯ**

Избранные стихи и поэмы

На коми языке

Составитель А. Е. Ванев.

Редактор И. И. Белых.

Художник А. М. Гаранин.

Художественный редактор В. Б. Осипов.

Технический редактор А. Н. Вишнева.

Корректор Э. С. Грегер.

ЛР 010039

Сдано в набор 09.06.95. Подписано к печати  
16.08.95. Формат 70x100<sup>1</sup>/<sub>32</sub> Бумага тип. № 1.  
Гарнитура «Академическая». Печать офсетная. Усл.  
печ. л. 9,03. Усл. кр.-отт. 9,27 . Уч.-изд. л. 6,82.  
Тираж 1000. Заказ № 2228.

Коми книжное издательство.  
167610, г. Сыктывкар, ул. Карла Маркса, 229.

АО «Коми республиканская типография». 167610,  
г. Сыктывкар, ул. Первомайская, 70.





КОМИ КНИЖНОЙ  
ИЗДАТЕЛЬСТВО  
1995